

中國第一歷史檔案館
遼寧省檔案館

編

中國明朝檔案總匯

(八六)

廣西師範大學出版社

中國第一歷史檔案館
遼寧省檔案館

編

中國明朝檔案總匯

(八六)

廣西師範大學出版社



目錄

明代檔冊

第六冊

白晝搶奪三五成群及打攪倉場充軍為民例	一
禁革奸民例	一〇
二三成群撒潑搶奪財物犯該徒流罪者枷號充軍例	一七
白晝搶奪并拒捕傷人欽發充軍者遇革不准放免例	二二
白晝搶奪財物滿貫軍旗舍人發衛充軍民發口外為民職官具奏若再犯累犯者枷號充軍例	二五
賭博行查平昔有無非為情重問擬枷號奏請及禁無引客商宿娼并盜賊四鄰不首官強盜准首免追劫去贓物	二七
一人凶惡節次搶奪財物滿貫徒罪充軍例	三四
號稱喇虎歐打平人搶奪財物犯該徒罪以上初犯充軍為民若節次搶奪及再犯累犯俱枷號一個月照前發落例	三九
通州一帶地方拿獲竊盜至徒流罪者枷號半月其喇虎三五成群搶奪財物再犯累犯者枷號一個月充軍為民例	四四
京城內外官民之家許容留不務生理之人并禁約開張印子鋪面賭坊例	四六
申明禁約喇虎光棍搶打人財及窩藏淫婦賭博飲酒例	五一
喇虎行凶并帶有凶器雖未傷人一體拿問	五二
禁約通州至天津衛沿河光棍照依在京見行事例枷號充軍	六〇
各處喇虎照兩京喇虎事例問發充軍為民守哨枷號及奏請定奪	六二
禁治豪橫交結貪贓官吏例	六五
歇案逃囚限三個月以裏出首與免本罪例	七一
賭博問擬輕重等第具奏枷號發落例	七一

賭博情輕不必請旨例 七六

賣過田產不許再贖及倒死耕牛許令變賣略賣人口枷號充軍 七七

略誘和賣人口不分已賣未賣斷發邊遠充軍例 八四

略賣良家子女不分已賣未賣俱發邊衛充軍等例 八八

第七冊

江西客人各處買賣奏告情詞立案不行 九六

奏告原籍詞訟及抱本狀之人問罪遞回原籍官司勘報例 九七

雲貴川廣驀越奏訴者依例問罪等例 一〇〇

老幼抱原籍詞訟行追莊丁勘問例 一〇五

越訴田土等項問罪通計起數將本管司府州縣官吏取招住俸例 一二二

運糧差備等項官員因便奏告問罪立案不行 一二七

申明驀越奏告分別問罪并免問及照回遞回 一二八

禁約程遞奏訴人遲緩并里老扶同及原問官吏枉斷例 一三〇

原籍詞訟并告革前不干己事俱立案不行 一三七

在外誣告十人以上者充軍為民仍追究替寫本狀捏詞教唆及受雇寄之人問發邊遠充軍例 一三九

邊民主使教唆詞訟捏寫本狀赴京誣告十人以上者發極邊驛站等例 一四三

文武職官誣告十人以上照例奏請發落例 一八六

通行各處問刑衙門遇有誣告十人以上發口外為民者聽改擬附近衛所充軍等例 一八八

禁約擅入禁門及教唆詞訟誣告十人以上并寫本狀俱書姓名不干己事立案 一九八

申明在京在外驀越奏告重輕不實并干連人衆民發口外為民軍與寫本教唆之人俱邊遠充軍 二〇六

教唆寫本狀人發邊衛充軍例 二二三

內外替寫本狀捏詞教唆之人發邊衛充軍例 二二四

在京替寫本狀教唆之人照常例發落例 二三一

第八冊

禁約登聞鼓訴冤自行傷殘	二三五
置簿查考詞狀以革吏弊	二四九
舉選將材及設立武學事例	二五二
武學作養將材每朔望總兵并兵部下學提督	二五八
添設武舉	二六一
保舉軍政官者犯貪淫等罪連坐舉主	二九〇
軍政官員不許擅差五年一次會官考選	二九七
考選軍政着該點官員羅織選定官員阻壞選法者調邊衛	三〇七
考選軍政官員事并禁阻壞軍政之人間斷發落	三三七
處置掌百戶印信	三四三
查究武職印信有將典當財物者革去管伍帶俸差操	三四八
衛所額設官有缺奏請銓補巡按御史不許徑自定奪例	三五二
外衛軍職員缺查勘銓補例	三五三
考選舉用將才例	三六三
申明舉用將材例	三七二
大臣并科道官及通行舉用將材例	三七九
禁約患病閑住武職官員復要管事	三八二
推舉將材開寫主舉職名不行舉到者住俸	三八八
革見任軍職五年以上改過自新者奏許復任	三八九
禁革軍官請拖權要乞陞官職及為請之人	三八九
軍職行求請託希圖陞職不分曾否陞用革前革後俱革去見任	三九一

刑

白晝搶奪三五成群及打攬倉場充軍為民例
天順八年十一月三十日刑部尚書陸 等

題為陳言事該南京大理寺卿龔 奏稱舍人軍
餘家人民結成群黨打攬倉場庫務街市人集
之處挾制虎嚇詐騙財物謂之打光棍合照無
籍戶遊食幫虎伴當擬斷編發充軍等因會官
議得今後兩京城內外附近閑廂市鎮去處有
等無籍軍民旗校舍餘匠役人等不務生業三
五成群白晝在街撒潑毆打平人搶奪財物及
於倉場打攬納戶人等取財號名光棍通同官
攢斗級人等入倉樓扒偷盜官糧事發依律問
擬明白犯該笞杖及計贓不滿貫徒罪照依常

例發落若再犯與犯滿貫徒罪至雜犯死罪從重懲治軍校旗餘人等俱發邊衛充軍民發口外為民職官有犯奏

聞區處奉

聖旨是欽此

一禁革奸民例

成化元年二月初七日兵部等衙門尚書等官王等會議該定襄伯郭登題

一去奸民臣聞大盜之起常隱於小奸奸人不除必至於大盜古者先王為治是以明法禁督官吏以伺察之至若博奕群飲佛釋邪說誣民而

必誅者其拔本塞源之治防微杜漸之方可謂
嚴矣後世防奸之法不及於三代者待其自入
於刑自罹於法而後之或有心為不善欲規避
得脫逃者身為不義因緣幸會而免者待其自
入於刑自罹於法則可去之奸無幾耳且京師
者風化之源首善之地天下之所式瞻夷狄之
所觀感必使煦如春溫凜如秋霜畏如雷霆仰
如霄漢則民心一而民志定矣今有無良之徒
農不能力勤稼穡商不能懋遷有無士不能習
句讀工不能精技藝依憑佛教假名作善繪畫
無形實之像講說無根抵之言順之者升天堂
逆之者入地獄造福禍之因行脅制之法談諧

歌唱絕類俳優恠誕奸貪甚如盜賊冒國典而傷國體壞民心而蠹民傷民財况乃愚人易惑而難曉邪說易入而樂從男女聚觀軍民圍繞填街塞道作隊成群老稚如狂僧尼莫辯迷之甚者或精神解體溺之深者或涕淚霑膺至於孝弟忠信悉是無益之談父母妻子皆為可棄之物壞禮亂倫傷風敗俗莫此極也夫兵以氣為主戰以殺為功氣既索然而餒戰則何由而勝昔苟踐伐吳歆人輕死見怒蛙而軼之以其有氣也是故天下雖平不敢忘戰致民田獵以講武事鍾鼓旌旗習耳目而不亂斬刈殺伐安於心志而不懾卒有意外之患不可虞之變

不至於相與恐懼驚惶未戰而走者豈非養之
有道教之有素歟今之軍士溺於流俗或於觀
聽手執干戈而口誦經呪或一人唱佛衆人齊
和有悽酸苦惱之聲無剛強敢勇之志邪說移
人一至於北近者荆蜀叛逆之人皆此輩為之
作俑作為讖語捏寫妖書扇惑其心長進其惡
愚民至死而不悞異端愈熾而不疑往者不諫
來者可追前車已覆後車當戒可以有職者為
之長嘆息也又有一等強梁惡少暴橫小夫以
力勝人恃克慢法見財利如性命視刑憲如飲
食或以手足他物歐人或傷或以金刃瓦石傷
人至死而法家於年終審錄之時律從矜恤例

多寬釋枉死者不可復生殺人者緣何不死雖
免倖免而良善何辜夫故殺者斬誤殺者絞全
其首領已從未減既係廷平讞允難言情有可
矜不過外邀洗雪之名內希陰德之報夫負罪
者重輕之物也執法者平衡之權也隨之俯仰
以為前却何必容心於其間乎書曰欽哉欽哉
惟刑之恤哉朱子曰所謂欽恤云者正以詳審
曲直令有罪者不得幸免而無罪者不得濫刑
上之法官惑於欽恤之說以為當寬人之罪而
出其法故凡罪之當殺者莫不為多可出之途
以候奏裁既出雲奏哉

大誥減等當斬者配當配者徒當徒者杖者杖當杖

者笞是乃賣弄條貫侮法而受財者耳何欽恤
之有夫聖人恤刑之意先儒解經之旨必存其
公平正大之心不敢有偏重過中之弊於此可
見矣如蒙乞

勅在京三法司巡城御史錦衣衛五城兵馬在外都
布按三司巡按御史各府州縣巡檢司遇有鳴
鑼擊鼓談經說法之妖民打街罵巷飲酒撒潑
之冒黨就便擒拏重加懲治凡妖言惑衆鬪毆
殺人者不宜寬恤皆殺無赦務使小惡不容於
鄉大惡不容於國則城邑清明法令整肅雖有
覬覦好亂之徒誑誘惑人之輩無容足之區置
身之所則民心定而風俗正

前件看得要得在京在外鳴鑼擊鼓談經說法之
妖民打街罵巷飲酒撒潑之冒黨擒拏懲治一
節緣此等妖民冒黨一則有傷風化一則有害
良善若不拏問懲治誠為未便合無在京令巡
按巡城御史錦衣衛五城兵馬在外令府州縣
衛所嚴督巡捕官兵火甲人等今後如有此等
之徒務要捉拏送官究問明白依律發落應奏
官員奏

請拏問如是巡捕官兵火甲人等容情縱放事發一
體究治其凡妖言惑眾鬪毆殺人者不宜寬恤
皆殺無赦一節查得天順元年九月二十五日
奏奉

英宗皇帝聖旨人命至重死者不可復生自天順三年為始每霜降後但有該決重囚着三法司奏請會多官人每從實審錄庶不冤枉永為定例欽此欽遵日後法司每遇霜降之後將見監重囚照例奏

請會多官審錄中間情罪有可矜疑情由請自

聖裁發落今郭登奏言前因合無今後會官審錄此等妖言惑眾鬪毆殺人罪犯務要從公審錄如果情真罪當依律覆奏處決若是情罪委有矜疑者仍行奏

請發落欽遵施行

二三成群撒潑搶奪財物犯該徒流罪者枷號
充軍例

成化四年四月初七日大理寺卿王 等

題爲巡捕事該刑部山西清吏司發審犯人王騷
狐招係龍虎衛左所軍餘成化元年以来是騷
狐不合倚恃充潑專一羅打平人強賴銀兩等
物人皆畏懼號為賴皮喇虎名色本年九月二
十七日騷狐手拏尖刀前到軍人劉海家強討
白麵喫用劉海不與騷狐自將頭額打破血出
睡倒在地圖賴劉海懼怕將銀一兩三錢白麵
一斗與騷狐接收回家次日騷狐又到賣麵軍
人劉清家羅惹毀罵自將頭打破圖賴拏刀要

戳強將劉清身穿水褐綿紬衣表羊皮襖一領
剥挐回家遇蒙本年十二月二十七日

赦宥騷狐不合不改前惡本月二十九日又到劉清
家賴銀五錢入已成化二年三月十三日騷狐
又將餘含沈林採打奪得伊身穿藍綿布裙一
腰銀四錢本年七月日期不等又節民人鄭義
鋪內強要紙馬蠟燭燒用不與騷狐就將鋪內
紙馬捨在街燒毀又將本鋪供養土地神挐出
穢污本年十一月初五日騷狐又到民匠朱英
酒店內賒酒十瓶用壘裝回家飲罷至一更時
分挐空壘又到朱英店內要酒朱英不與騷狐
行兇將朱英毀罵打破伊酒壘賴銀一錢五分

毡帽一箇回家本年十二月十八日騷狐又到
 舍餘畢勝酒店內賒酒不與恠恨窺伺畢勝拏
 布一疋出街買柴騷狐搶奪前布趕打畢勝朶
 走又將伊房瓦十片揭打破碎成化三年二月
 內有兄王福得見隣住軍人姜原兒差出征進
 不合去將伊妻潘氏調戲奸宿後姜原兒回家
 王福得却將潘氏刁引來家奸住不肯放出姜
 原兒因兄王福得平昔頼虎只得含忍本年三
 月二十八日王福得行兇揭取軍匠張名房瓦
 丟打不知人有張名看見理說王福得恠怒就
 將張名採打當日騷狐亦將隣住醫生婁讓房
 瓦偷揭挿自己房屋婁讓理說騷狐又將婁讓

採打本年五月二十二日騷狐又到餘丁柳信
賣糖鋪內要糖喫用柳信不與騷狐行克將柳
信揪採踢打昏倒在地將尿灌入口內打破伊
房瓦十餘片又奪伊銀三分毡帽一箇本年九
月內騷狐節去鄰住軍人王佐鋪內討要包兒
燒餅喫用本年十一月二十日又去討喫王佐
不與騷狐又不合將伊盒子燒餅包兒丟撒溝
內又將王佐趕打本年十二月十一日又去明
智坊草場內偷出官草三箇被看草軍人何阿
羊拏住拖擒稟官是騷狐將本軍亂打嚇說日
後放火連累你何阿羊害怕踈放成化四年正
月十五日有軍餘孫端在街賣肉帶有尖刀騷

狐將刀奪下本年二月二十五日騷狐又不合
將軍餘戴興羅打奪得毡帽一箇銀二錢銅錢
二文本年三月初四日騷狐見軍人許中家出
賣谷草又強奪掣二束有許中母魯氏奪搶有
與騷狐發惡將魯氏踢打左眼青腫回家本月
初五日有兄王福得使奸婦潘氏將銀出鄰住
劉清家買酒看是白銅不肯賣與本婦發惡回
家與王福得說知就叫騷狐并脫弟王羊兒各
不合同到劉清家將伊採打用拳脚踢打劉清
懼怕克惡走入鄰人張名家躲避騷狐等趕去
張名勸解騷狐同王福得王羊兒就将張名揪
採乱打騷狐將張名頭上打破二處口唇并右

耳後各打一處血出昏倒地鋪巡捕官校將騷
狐等拏獲奏送刑部山西清吏司行拘被傷人
劉清等驗傷是實取問罪犯王福得招同潘氏
等問發訖脫逃王羊兒另行議得王騷狐所犯
依白晝搶奪人財物者減等杖九十徒二年半
照例做工滿日王福得依刀減律減等杖九十
係操軍的決各着役隨住審擬合律查得先該
錦衣衛巡捕千百戶趙端等叅稱克犯王騷狐
拏刀同兄王福得節次在街行兇撒潑欺打軍
餘張名等一十四人強奪圖賴銀兩皮襖布疋
酒面等物又行上房揭瓦打及霸占軍婦情犯
深惡合送法司問罪照例枷號等因具題成化

四年三月初九日奉

聖旨是欽此今問王騷狐等前罪送審查得先該刑部題稱要將白晝二三成群撒潑在街行兇搶奪人財物者枷號一箇月滿日送兵部定發邊衛充軍等因具題天順元年十月十二日奉英宗睿皇帝聖旨是欽此欽遵法司一向遵依比例將前項囚犯問發枷號充軍以此人知警懼為惡者少後因節蒙

赦宥革去條例不曾申明此等兇徒往往仍蹈前非二三成群白晝在街強奪財物習以成風恬不知懼今巡官奏要將王騷狐王福得照例枷號一節看得王騷狐犯該搶奪徒罪王福得雖犯

刁奸杖罪緣係同惡人數合無照依前例將各
犯俱送錦衣衛枷號一箇月滿日王騷狐送兵
部定發邊衛充軍王福得照例的決仍發原衛
着役今後旦有二三成群白晝在街撒潑搶人
財物犯該徒流罪者俱照前例發落庶使兇頑
知懼良善獲安緣係申明舊例發落囚犯事理
未敢擅便具題奉

聖旨是欽此

白晝搶奪并拒捕傷人

欽發充軍者遇革不准放免例

成化四年十月十七日太子少保兼兵部尚書

白圭等

題爲

開讀事職方清吏司案呈准左軍都督府經歷司手
本開稱原發遼東瀋陽中等衛充軍犯人王俊
等六名監候押發間遇蒙成化四年九月二十

六日

赦宥緣各犯未審應否釋放惟復差人押發原定衛
分充軍案令轉行查照定奪手本送司案查先
准刑部山西清吏司及雲南道監察御史手本
開送充軍犯人王俊該白晝搶奪人財物傷人
者為從徒罪俱照例充軍張旺犯該拒捕至折
傷以上者絞罪周璉吳全王宣俱犯該常人盜

倉庫錢糧絞罪具奏節該奉

欽依張旺周琢吳全王宣押發遼東邊衛充軍欽此
欽遵手本連人到司已將各犯編發遼東瀋陽
中等衛送該府押發充軍去後今該前因查得
先該遼東都司鐵嶺衛開遇例釋放軍人常智
等三名犯該白晝搶奪人財物徒罪奉

欽依發遼東鐵嶺衛充軍後因遇例本部議得仍照
強盜事例不往放免以後如有白晝搶奪充軍
放回人犯一體照例發落具題天順元年十二
月二十日本部官奏奉

英宗皇帝聖旨是欽此欽遵外查得近往山西道監
察御史手本開稱犯人趙郁等一十一名犯該

聽使下手之人於人虛怯去處非法毆打至死者減等徒杖罪具奏節該奉

欽依趙郁劉能李興李亨郝成趙順馬義張旺李錦張信楊貴都發大同邊衛充軍發遣間遇蒙恩例送兵部釋放外伏覲近奉

誥書內一款成化四年九月二十六日昧爽以前官吏軍民人等有犯除子孫謀殺祖父母父母妻妾殺夫奴婢殺主毒藥殺人蠱毒厭魅強盜人命失機不宥外其餘已發覺未發覺已結證未結證罪無大小咸赦除之欽此欽遵及檢到大明律內一款凡徒流人在道會赦計行程過限者不得以赦放欽此欽遵案呈到部叅看得王俊

高聰俱係白晝搶奪人財物者徒罪張旺係犯罪拒捕至折傷以上者絞罪周璲吳全王宣係常人盜倉庫錢糧絞罪各係

欽發并照常例充軍人數雖經編定衛分未曾發遣今該府要行查照定奪一節緣各人所犯事情輕重不同原情論罪宜當斟酌定奪欲將白晝搶奪犯人王俊高聰并拒捕傷人照依前項常智等事例不淮放免遞發原定衛分充軍食糧差操周璲吳全王宣照依前項趙郁等事例放免寧家隨住本部仍行法并通行各處遇有革前爲事遣充軍人犯已配所者不許妄比事例一槩釋放其未配所者查扣程限內遇例應該

二三
釋放者一体放免其過者不在此例緣係事例
未敢擅便具題奉

聖旨是欽此

白晝搶奪財物滿貫軍旗舍人發衛充軍民發
口外爲民職官具奏若再犯累犯者枷號充軍
例

成化五年正月十八日大理寺卿王槩等

題為條例事照得先該刑部等衙門題今後兩京
城內外附近關廂市鎮去處有等無籍軍民旗
校舍餘匠役人等不務生業三五成群白晝在
街撒潑毆打平人搶奪財物事發依律問擬明

白犯該答杖及計贓不滿貫徒罪照依常例發落若再犯與滿貫徒罪至雜犯死罪從重懲治軍校旗舍人等俱發邊衛充軍民發口外爲民職官有犯奏

聞區處等因具題天順八年十二月初一日奉

聖旨是欽此欽遵外續該錦衣衛巡捕官捉獲搶奪犯人王騷狐拿刀同兄王福得節次在街行兇撒潑欺打軍餘張名等十四人搶奪圖賴銀兩皮襖布疋酒麪等物又行上門揭瓦打人及霸占軍妻情犯深惡合送法司問照例枷號等因奏送刑部山西清吏司問擬王騷狐白晝搶奪財物減等徒罪王福得刁奸杖罪要照奏

往事例枷號具本送審本司查例欲將各犯送錦衣衛枷號一箇月滿日王騷孤送兵部定發邊衛充軍王福得照例的決着役今後有二三成群在街撒潑搶人財物犯該徒罪者俱照例發落等因具成化四年四月初七日奉

聖旨是欽此欽遵法司已將王騷孤等及以福等擬白晝搶奪財物犯該徒流罪者照前例枷號中間致死者多充軍者少臣切詳此等罪囚雖是亮惡原其所犯亦有輕重若一槩枷號置之死地情實可矜况今春陽發生之時恐傷和氣合無仍照刑部等衙門先次奏

往事例今後問擬白晝搶奪財物囚犯計贓至滿貫

犯該徒流及雜犯死罪者軍校旗舍人等俱發
邊衛充軍民發口外為民職官奏

請定奪若再犯累犯不悛者照例枷號一月滿日仍
發邊衛充軍如此則刑罰得中獄囚無冤緣係
事例未敢擅便具題次日奉

聖旨是欽此

賭博行查平昔有無非為情重問擬枷號奏
請及禁無引客商宿娼并盜賊四隣不首官強盜往
首免追刼去贓物

一件彌盜事成化十年五月內刑科給事中郭鏜
奏該都察院等衙門右副都御史等官李 等

題

往京城遊手之徒違例賭博并無引客商宿娼無籍
非爲俱就拿送法司究問情輕者照依常例發
落如係自來不務生理專一賭博亮酒撒潑誑
騙竊盜不孝不弟曾經法司問斷及開張賭坊
情重者仍擬枷號一箇月奏

請定奪其強盜若將自己及同類打劫情由首告者
免罪所分贓物照例不追數內若有殺傷者同
伴不知情往首免隣里窩家知情隱匿不首被
盜四隣不行聲叫救護及地方應補官兵人等
故縱不行挨拿俱依律究問其南京行移守備
內外等官在外備行巡撫巡按等官一體嚴加

禁約挨拿施行

一人充惡節次搶奪財物滿貫徒罪充軍例

成化十四年六月初二日都察院掌院事太子

少保兵部尚書王 等

題為体察事浙江道呈問得犯人張招招年二十
七歲係金吾右衛前所軍匠餘丁成化十二年
三月內是招不合恃強橫暴故將鄰住王海朱
金朱王徐得王浩楊華馮礼吳與楊傑邀請到
家言說我哥哥張暉無賣買你衆人奏些銀子
與哥哥盤纏王海等惧招充惡共湊銀三兩四錢
招接受入已本年十二月內又強要王海楊華

共一兩四錢成化十三年七月內招又將隣人
總甲張振採打強剥身穿洗白搭護一件洗白
布裙一件網巾一項成化十一年十一月內因
招手執鐵斧將軍匠張原要砍強奪網巾一項
得隣人劉孜勸解十二月內仍將朱玉朱金楊
莘并民人周昶拿住又強要銀一兩五錢銅錢
二百八十文網巾一項成化十四年正月內因
作踐街道府總甲周振前來理說招就執木棍
將周振趕打及不合在街稱叫

聖號又將周振冷鋪房揭下乱打本月十二日招又
無故將軍人尹全要打本人脫走當將本家板
壁打開至十三日又在民匠盛旺者家尋鬧故

意索要茶喫就將茶盞摔碎要打盛旺惧怕奔走招上房揭瓦乱摔將女奴兒口唇打傷声言若不出來就殺你一家後陸續強要盛旺銀一兩四錢五分本年十二月十二日晚因打隣人沈鎮有軍匠金鐸勸解招就將金鐸強拖到家亂打搶碎網巾奪得本人銀簪一根重錢五分銅錢六十二文打至更深方纔放出本年四月初五日黃昏時分招用手帕包裹大称錘子一箇將民人車勉打傷臂膊又將伊家前門打破本月十三日招又要與軍匠張謙等尋鬧故意索要酒喫有張謙答應逢慢就拿本家錫壺一把到於賣酒人伊謹家當酒喫用本月二十九

日要打餘丁立英本人閉門躲避招用脚踢開
將立英採出強挈隣人吳政家簾一領鋪下言
說要我饒你性命拜我二十四拜立英依數拜
了方纔得脫至黃昏時分因怪隣人彭玉家喫
酒不請手執棍棒馬鐙將彭玉家打開本家人
衆惧怕躲避當將彭玉家鐵鍋碗盞盡行打碎
又不合節次在於官店誑賒浙江等處客人毛
瓊王慶張環錢顯董升紙貨共八十餘兩在家
賣銀費用毛瓊等俱來取討輒使行亮撒潑又

口稱

聖號被訪事校尉捉獲送錦衣衛牛都指揮處審供
前情是實就於招名下追出行亮斧棍等器并

強要過王海等銀兩銅錢及誑過客人毛瓊等銀貨共九十四兩銅錢衣服等物見在隨拘到被害人王海吳政徐得馮礼王浩彭玉朱玉朱金周振楊莘張原劉孜尹全盛駐沈鐸單勉張謙周景金鐸丘英楊傑毛瓊王慶張環錢顯董升各供被打誑賒強要銀兩貨物及稱

聖號情節相同追出贓物照數責付王海等收領聽將招連行兇器械奏送到道取問罪犯議得張招所犯誑騙人財物罪等及違例等輕罪外合依白晝搶人財物計贓重者加竊盜已行而但得財者一百二十貫二等罪止杖一百流三千里有

大誥減等杖一百徒三年查得先該錦衣衛都指揮同知牛循察稱本犯市井小人不畏

國法恃逞兇潑強要平人財物指勒客商錢本口稱

聖號恐嚇良善合送法司問罪及出榜禁約等因具題奉

聖旨都察院知道欽此欽遵及查得先行事例京城內外但有二三成羣白晝在街撒潑搶人財物事發問擬明白犯笞杖罪及計贓不滿貫徒罪俱照常例發落若滿貫徒罪至雜犯死罪者軍旗校舍人俱發邊遠充軍民發口外為民若再犯及累犯不悛者照例枷號一箇月滿日仍發

邊遠充軍今問張招前罪欲照前例充軍仍出榜禁約等因具呈到院臣等看得錦衣衛指揮同知牛循叅問得張招節次在街撒潑毆打平人強奪財物雖是一人衆皆畏避其視二三人成群者尤為兇惡比照前例寔不為過况於日月之下口稱

聖號畧無忌憚若不嚴禁廬恐兇徒倣倣成肆出狂逆語言傳聞遠近有失治体欲將本犯發大理寺審錄畢日照依前項徒罪滿貫事例送兵部定發邊衛充軍仍備詞出榜發京城內外張掛禁約今後但有此等在街毆打平人強奪財物及口稱

聖號并一應狂逆詞語者聽巡捕官校該城兵馬火
甲人等拿送法司依律問罪悉照前例發落若
累犯不悛者照例枷號發遣如此庶使奸頑知
懼良善獲安緣係照例禁治亮犯及奉
欽依都察院知道事理未敢擅便具題次日奉
聖旨是欽此

號稱喇虎歐打平人搶奪財物犯該徒罪以上
初犯充軍為民若節次搶奪及再犯累犯俱枷
號一箇月照前發落例

成化十五年十一月初十日掌都察院事太子太
保兵部尚書兼左都御史王 等題為禁治亮

暴事河南道呈照得京城內外及通州等處有等兇惡無籍之徒號為喇虎等項名色專一白晝在街撒潑歐打平人搶奪財物一二次者有之累犯不悛者有之皆以為常恬不知惧此等犯人論罪止該滿徒原情甚於強盜若不嚴加禁約無以驚戒將來先年雖節有奏准事例緣輕重不一之難遵守查得先該刑部題兩京城內外附近關廟市鎮去處有等無籍之徒旗校舍余匠役人等三五成群白晝在街撒潑歐打平人搶奪財物犯該笞杖及不滿貫徒罪照常例發落若再犯與^滿貫徒罪至雜犯死罪軍校旗舍人等俱發邊遠充軍民發口外爲民職官奏

聞區處奉

聖旨是欽此欽遵此例分別軍民職官及初犯再犯坐罪不曾枷號又查先該大理寺題有白晝二三成群撒潑在街搶奪財物者枷號一月滿日送兵部定撥邊衛充軍奉

聖旨是欽此欽遵此不分軍民職官初犯再犯一併枷號充軍查得先該本寺題問擬白晝搶奪財物犯該徒流罪及雜犯死罪者軍發邊衛充軍民發口外爲民職官奏

請定奪若再犯累犯不悛者照例枷號一月滿日仍發邊衛充軍奉

聖旨是欽此欽遵此分別軍民職官坐罪初犯者

不曾枷號再犯累犯枷號不分軍民職官一體
發邊衛充軍又查先該本院題通州一帶白晝
三五成群撒潑在街搶奪財物係再犯枷號一
箇月滿日軍發邊衛充軍民發口外爲民奉
聖旨是欽此欽遵例分別軍民生罪再犯累犯枷號
其初犯及職官不曾該載前後事例不同事發
到官難以發落呈乞施行等因到院臣等會同
刑部大理寺太子少保刑部尚書林 等議得
法令貴乎從宜事體在乎歸一即今兩京城內
外與通州等處此等兇犯數多前項事例或枷
號或不枷號或分初犯再犯或不分初犯再犯
或軍民職官或稱二三四成群或三五成群且行

於京城者不曾行於南京行於兩京者不曾及於通州係前後不同委的人難遵守但初犯一次者既發邊衛充軍及口外為民又行枷號恐令太過節次再犯累犯者雖發邊衛充軍及口外為民若不枷號又無以警衆合無今後南北二京內外并通州附近等處但有號稱喇虎等項名色白晝在街撒潑歐打平人搶奪財物事發到官鞠問明白該答杖罪者俱照常例發落徒罪以上不分人多人少初犯一次者不必枷號屬軍衛管轄者俱發邊衛充軍屬有司管轄者俱發口外為民原係邊軍邊民等項各的杖一百發極邊常川守哨職官有犯照例議擬奏

請定奪若雖係初犯鄣次搶奪及再犯累犯者俱發
原地方枷號一箇月滿日仍照前例分別軍民
職官發去充軍為民守哨奏

請施行如此庶事體歸一兇暴如惧緣係事例未敢
擅便具題次日奉

聖旨是欽此

通州一帶地方挈獲竊盜至徒流罪者枷號半
月其喇虎三五成群搶奪財物再犯累犯者枷
號一箇月充軍為民例

成化十五年八月初八日都察院掌院事太子
太保兵部尚書王 等題為賊盜累犯不悛乞

恩禁戒等事江西道呈承准大理寺勘合該本道發
審犯人三名張本竊盜三犯絞罪秋後處決周
訪等二名俱竊盜得財徒罪俱軍餘免刺照例
做工滿日隨住審畢張本係重刑候處決周訪
等照依

欽依事理發去通州地方枷號一月滿日送道依擬
發落審擬令律回報到道案照先准本道問得
犯人張本招成化十二年四月二十五日不合
偷盜蔡昇家驢二頭被巡補旗校捉送刑部江
西清吏問擬徒罪發充軍伴脫逃成化十四年
三月二十三日夜又不合偷盜胡榮家驢二頭
又被通州巡捕官軍捉拿到官監問問本犯又

不合越獄逃走成化十五年二月二十日又與
今在官軍餘周訪曹通各不合商同偷盜劉通
家綿布二十八疋半銅錢四千五百文各分入
已被巡捕軍餘張鎮捉獲本犯與周訪各又不
合拒捕張鎮呼喚鉏地人衆捉住押去認拿曹
通得獲呈送分守通州顧都指揮處追贖明白
連人奏送到道已將各犯問擬前罪具本發大
理寺審錄去後今承前因除張本監候另行周
訪曹通俱係竊盜往往在於通州晝行市集偷
錢物夜攔圈牽趕頭畜搗摸穿窬越獄拒捕罪
犯多端難照常例發落要將各犯問擬罪名分
守地方枷號一月滿日仍發原問衙門發落以

後地方犯有竊盜剽掠重情照例枷號一月滿日通送法司擬罪發落等因奏奉

聖旨是送都察院問欽此欽遵及查得天順年間事例在京法司有問竊盜贓多犯徒流罪名者枷號半月滿日其餘有贓不多止得笞杖輕罪者免其枷號俱照常例免其做工等項發落因革去條例一向不曾枷號又查得見行事例法司問擬白晝搶奪財物因犯計贓至滿貫犯該徒流及雜犯死罪者軍校旗舍人等發邊衛充軍民發口外為民職官奏

請定奪再犯若累犯不悛照例枷號一月滿日仍發邊衛充軍查呈到院臣等切惟通州地方密邇

京師水陸衝要軍民雜處是以奸惡之徒擾害良善者多中間竊盜喇唬為害尤甚今都指揮顧奎奏要枷號示衆已蒙

俞允但此等囚犯贓有多寡罪有輕重若令一槩枷號不無刑罰失中欲行都指揮顧奎今後通州一帶地方拏獲竊盜喇虎俱送法司依律問擬明白竊盜贓多至徒流罪者照依天順年間事例枷號半月滿日與贓少犯該笞杖輕罪免其枷號俱照常例發落其喇虎白晝三五成群撒潑在街搶奪人財物再犯累犯者亦照見行事例枷號一月滿日軍發邊衛充軍發口外為民如此則法令嚴明人知警惧係緣枷號囚犯事

例及奉

欽依是送都察院問擬事理未敢擅便具題次日奉聖旨是欽此

京城內外官民之家許容留不務生理之人并禁約開張印子鋪面賭坊例

成化十六年十月十六日太子少保兵部尚書余等題為嚴捕盜賊事照得近京城內外多有官員之家寅夜被其明火執杖直至房室地方往來之人白晝披衣甲響馬阻截道路口出危言有同叛逆徒盡劫財物否者便至殺人遠近人心無不驚懼臣等切惟京師乃

宸居所在為四方萬國之所歸往來人烟輳集買賣

繁華致盜大端實由一等不務生理并各處迎
未軍匠囚徒心腹相交三五成群非華衣不穿
非美饌不食宿娼買奸百無拘束人號剝虎莫
敢誰何迨至家蒙當盡別無來路却乃務為賭
博或抹牌下碁打双陸或踢毬毬羸者得財仍
恣所欲輸者喪氣莫返原物遂至饑寒迫切不
能自存嘗聞一夫耕之一婦蚕之人事不齊衣
食所需猶至缺望此等之徒不耕而食不蚕而
衣但飽煖過侈尤甚欲足財用計將安出所以
往往於京師之間肆行劫掠官員之家偏致受
害所得財物慮恐官司追捕捏尋却去印子鋪
低價質當銅錢使用若過限期無錢取贖質當

之物就便準折不不再添價或被官司追捕緊
急無處安身却行出外截路劫奪馬匹或假借
或奪衣甲縱橫於近京并北直隸地方大肆劫
殺畧無忌憚仰惟

陛下行令該部地方等官嚴加禁緝訪拏前項之徒廢地方獲

寧靖之休黎庶監浮華之弊奉聖旨是依擬行

申明禁約喇虎光棍搶打人財及窩藏淫婦
賭博飲酒例

成化二十二年三月十二日太子太保都察院
右副都御史朱 等題為陳言革弊事該錦衣
衛鎮撫司軍人靳璽奏稱京城內外近年以來
有等奸惡之徒不務生業或三五成群者或十
數成群者專一在淫婦家不分晝夜遊蕩飲酒

與人報害私仇或倚兇惡街市把截買賣求食
或開賭場巧取人財孤單者惧其兇暴良善者
畏其刁潑或挈流星袖棒或挈秤錘尖刁時常
帶在身往來挾制良善強占人妻女欺打平人
被害之人赴官告理必須同受其刑使良不分
是非倒顛受害吞声兇惡大肆日加月漸一槩
成風及諸司衙門批委大戶起解各項錢糧起
京必投鄉里親識之家作主與京城攬頭上納
亦被此等兇徒乘機挾取財物稍有不從輒被
欺打如蒙乞

勅都察院出榜禁約仍行錦衣衛并巡城御史五
城兵馬今後但有三五成群不務營運輕身或

空身遊蕩者挈送法司究問除有故淨忿鬪毆
等項依律科斷其無故妄生事端糾合成群與
人報仇互相毆傷他人者明白奏

請處置輕則枷號重則發邊充軍等因具本該通政
使司奏奉

聖旨該衙門欽此欽遵查得先該都察院等衙門題
今後南京并南北直隸兩京城內外并通州附
近等處但有號稱喇虎等項名色白晝在街撒
潑毆打平人搶奪財物事發到官鞫問明白犯
該笞杖者俱照常例發落徒罪以上不分人多
人少初犯一次者不必枷號屬軍衛管轄者俱
發邊衛充軍屬有司管轄者俱發口外為民緣

係邊軍邊民等俱各扶一百發極邊軍衛分常
川守哨職官有犯議擬奏

請定奪若雖係初犯節次搶奪及再犯累犯者俱發
原搶地方枷號一箇月滿日仍照前例分別軍
民職官各犯充軍為民守哨等因奏

請施行等因具題奉

聖旨是欽此欽遵外今該前因照得近年以來人民
京城內外及通州等處有等奸頑之徒號稱喇
虎光棍等項名色日則在於街市倚潑害人則
窩於店場荒淫賭博甚至搶奪傷人詐騙取財
等項為害多端不可枚舉強竊盜賊多起如此
雖有禁例不曾榜示所有禁令雖嚴奸頑未警

今軍人靳呈所言亦未合理合無准其言本院
出榜於京城內外并通州等處常川張掛曉諭
軍民人等今後務要各安生理不許號鬬虎光
棍等項名色白晝街撒潑行兇欺打平人及買
賣搶奪財物剥脫衣衫賭博詐騙生事害人等
項其軍民等家亦不縱容妻女及收留不良婦
女與人通姦招引前項鬬虎光棍人等窩藏奸
宿及開場賭博寅夜飲酒不改仍前錦衣衛巡
街官員及城御史兵馬司問擬如律鬬虎光棍
人等不分首從俱照前項奏

准事例施行窩盜奸宿開場賭博之家照常例發落
若旗校火甲人等不行緝拏四隣不行拿首事

發一體治罪具題奉

聖旨是欽此

一喇虎行兇并帶有兇器雖未傷人一體

拏問

一件傳奉事弘治元年正月內都察院左都

御史馬等節該欽奉

聖旨京城內外有等無籍之徒成群結黨號稱喇虎
光棍各帶兇器專一在街羅識平人強要錢
物行兇毆打有傷重致成篤疾至甚害命者
乘機奪去財物走散潛躲奸無道理恁便出
榜曉諭禁約仍着錦衣衛巡城御史嚴督巡

捕官校及五城兵馬司但有此等兇徒卽便擒拏送官重治其帶有兇器雖未傷人卽係兇惡一體緝拏送問欽此

禁約通州至天津衛沿河光棍照依在京見行事例枷號充軍

弘治二年八月初十日到刑部尚書何等題為光棍朋謀考打平人作賊詐錢違法事該順天府治中張文質奏准本府關委監收河西務鈔買盤料錢鈔據舡戶郭清告係河間府滄州南皮縣軍籍弘治二年六月二十二日在於楊村河下將河舡一隻裝載廬州衛軍人王山等

官糧二百七十石脚價銀九兩四錢每糧一百石另與食米五斗本年七月初六日行河西務灣泊將食米二斗令在舡人王環上岸看搗當被光棍盧永賴偷官糧奪去至初十日又被軍餘呂杲等四人上舡將食^米六斗連叔郭敬并使舡人郭昇同清鎖挈上岸叫說有贖了有銀子與我五六兩饒了無銀將舡與我罷郭敬回說見有運糧軍人王山在舡看守如何賴我偷米押去緝挈王環誣賴等情具告到臣將犯拘挈到官審據呂杲等供稱逾年在於河下用強詎錢不曾事發本年七月初十日杲等聞知王環將食米二斗舂用被光棍盧永賴偷官糧杲等

亦要詐錢強挈鄰人馮成逼認王環賣糧窩主
同去郭敬舡上搜出食米六斗又用鐵流星將
郭昇打認郭敬偷盜官糧等情據此查得先據
舡戶劉政告於弘治二年六月二十二日撐駕
贛舡在於蔡村裝到嘉興所運糧軍人黃招兒
等官糧一百九十石除腳價銀五兩柒錢另與
食米九斗本月二十四日政將米三斗上岸舂
用被不知名姓男子三人賴偷官糧強奪去訖
將犯人劉旺捉挈審供明白爲照數內徐瓚趙
達未獲將劉旺監候劉政羈候外今該前因看
得河西務係商旅官民舡隻總會去處多被無
籍之徒號稱刺虎光棍番子手各色結成興黨

專一在河等候南來舡戶或誣賴偷盜官糧或
詐稱欠少錢債強詐財物稍有不從輒加綁打
其被害之人因慮法司寫遠無人看舡只得含
忍有將舡隻變賣空身而回者有將本舡器物
貨賣不能前去者無辜受害情實可憫非但河
西務亮徒光棍為害其楊村并直隸天津等處
馬頭地方光棍害人尤甚有將本關該納料舡
隻受要錢物主使卸載潛令回還者有將不該
納料舡隻指稱本關納紗而誑詐銀兩者其他
用強買賣欺打平人無所不為雖有彼處軍衛
往往縱各回護不行禁約其有司官吏又因干
碍軍衛詞訟推托不理以致前項亮徒恣意為

惡而良善受害除將犯人呂杲等及先犯劉旺等連人贓解送法司詳擬外如蒙乞

勅法司查照在京事例通行各處禁約今後光興番子手有犯誣賴平人作踐及用強嚇詐財物者許被害之人赴所在官司告查審贓正明白合無將正犯供招緣由連人解報法司查究惟復轉發附近武清香河等縣擬罪轉呈巡撫巡按等衙門詳允明文至日發落如此庶使奸頑知警良善或安而地方寧靖等因具本該通政使司官奏奉

聖旨法司知道欽此欽遵查得先該都察院左都御史王越題稱兩京內外并通州附近等處但有

號稱喇虎等項名色白晝在街歐打平人搶奪財物事發鞠問明白犯該徒罪以上不分人多入少初犯一次者不必枷號屬軍衛管轄者俱發邊遠充軍屬有司管轄者俱發口外為民原係邊軍邊民各笞杖一百發極邊衛分常川守哨戍官有犯照例擬議奏

請定奪若雖係初犯節次搶奪及再犯累犯者俱發原搶奪地方枷號一箇月滿日仍照前例分別軍民戍官各發充軍為民守哨奏

請施行等因具題奉

憲宗皇帝聖旨欽此欽遵轉行到部已經通行禁約去後今治中張文質奏稱前因備查案呈到部

看得順天府治中張文質要將河口務楊村并直隸天津等處兇徒光棍誣賴平人做賊用強嚇詐財物者查照在京事例通行各處禁約沿河西務等處俱係水路冲要商旅之所經行運舡之所停泊軍民雜居狡詐百出中間有等無藉之徒專一在於各處河下窺視南來糧戶并客商舡隻到彼灣泊欺其語言訥鈍不能辯對身力孱弱不能抗敵結成群黨大肆兇頑或誣指賊贓或圖賴私債用強綁打挾詐財物甚至將應納鈔舡隻受財脫放不該納鈔舡隻誑錢入已誠如治中張文質所言若不嚴加懲治慮恐兇徒肆暴日滋良善受害愈甚商賈或至不

行糧運或至阻滯深為未便欲將解到犯人呂
杲等依律問擬查照通州等處見行搶奪事例
發遣今後遇有此等無籍之徒毆打平人挾詐
財物誣指賊贓圖賴私債者如在河西務附近
去處許被害之人赴所在官司或監收料鈔委
官處告理擒拿審問明白連人解赴法司問結
其在天津等處离京調遠者就於處巡撫巡按
巡鹽官處告理究問明白除杖罪以下照依常
例發落外犯該徒罪以上初犯一次者不必枷
號屬軍衛轄者發邊衛充軍屬有司管轄者發
口外為民原係邊軍邊民各校一百發極邊常
川守哨雖係初犯節次節挾詐及再犯累犯者

俱發原地方枷號一箇月滿日充軍應奏請者
奏

請定奪本部仍出榜發去通州一帶直抵天津沿河
人煙輳集去處張掛曉諭禁約如此則奸惡知
惧良善獲安緣係懲治亮頑及奉
欽依法司知道事理未敢擅便具題奉
聖旨是欽此

一各處喇虎照兩京喇虎事例問發充軍為
民守哨枷號及奏

請定奪

一件陳言革弊等事弘治三年十月內該都察

院右都御史屠

等題

准通行各處巡按御史禁約今後但有號稱喇虎等
項名色非為者許被害之人及里老隣佑赴官
陳告即便准理究問明白俱照南北兩京城內
外并通州附近等處喇虎事例犯該徒流以上
不分人多人少初犯一次屬軍衛管轄者俱發
邊衛充軍屬有司管轄者俱發口外為民原係
邊軍邊民各杖一百民發極邊充軍軍發常川
守哨職官有犯奏
請定奪若雖係初犯節次搶奪及再犯累犯者俱發
原搶奪去處枷號一箇月滿日仍照例分別軍
民職官各發充軍為民守哨奏

請施行

禁治豪橫交結貪賍官吏例

成化五年閏二月初四日刑部等衙門尚書等
官陸 等題為達言民情事禮科抄出湖廣永
州府道州致仕同知金以忠等應天等府句容
等縣軍匠民人貝忠等各將所言事件開坐具
本該通政使司官奏奉

聖旨該衙門知道欽此欽遵抄出本部會同都察院
右都御史林 等議得金以忠等所言除有例
見行及泛言雖徃外其言抑豪民以清邊患杜
請託以省科擾額外長差害民禁止強盜禠民

會聚倚扶為奸共六件中間有奸奏革前詞訟
於例有違但事干民情合無通行巡按御史并
該管司府縣禁約處置未敢擅便今將所言事
件逐一會議開坐具題次日奉

聖旨准議欽此

計開真定府并經縣民人畢鵬言

一頑民會聚倚扶為奸臣聞各州縣豪橫之徒
有或五七人或十餘人會合齊心以強凌弱以
衆暴寡結交貪賍官吏引透通同害民若有廉
正好官不得遂其奸謀則捏詞奏告排陷官長
共出財物相助亮頑若有騙詐錢財各自均分
入已肆無忌憚妄意非為良善屢被侵欺官府

時常攬擾畿內為

輦轂之下首善之地下人視效頑民玩法不宜如是
臣聞在京有例二三成群撒潑枷號一月邊遠
免軍事例深得時宜請通行此例直隸府州縣
革除奸頑使廉官不被其害良善獲安風俗歸
厚有補以

皇上治國之萬一也

前件議得畢鵬所言豪橫之徒會合齊心結交貪
賍官吏害民合行巡按直隸監察御史并該管
府州縣嚴加禁治如有犯者依律問罪所言要
照在京事例枷號一節誠恐濫及無辜難准

江西豪強之徒聚衆爭田奪財傷人官司差人勾攝拒捕犯該徒流罪者俱充軍

一件祛除刁風事弘治元年十月內巡撫南直隸右副都御史王

奏該戶部等衙門尚書

等官李等查江西按察使趙欽奏

准事例但有豪強之徒聚衆三十人以上爭占田產搶奪家財因而殺傷人命官司差人勾攝拒捕不服人犯事發除真犯死罪監候處決其犯徒流罪名審錄無冤發邊充軍通行各處禁約

刑

歇案逃囚限三箇月以裏出首與免本罪
例

成化九年四月十七日刑部為陳言時政事雲
南清吏司案呈奉本部送戶科抄出雲南道監
察御史聶友良題內一件

准因自首庶免後患伏覩成化九年四月十七日節
該欽奉

詔書內一款被災地方軍民人等有為事被提逃叛
出山林者許於所在官司自首告真犯死罪該管
官司查審明白

奏

請定奪欽此欽遵此皆

皇上至仁矜恤之心而
天地好生之德也

京畿被災州縣并山東六府河南彰德二府人民為事逃囚一聞

天恩所至靡不奔走首官希免罪累官府文案庶得結絕親隣不致攪擾何其幸甚奈何普

天率土莫非王臣恐各處亦有此等為事軍民人等被提惧罪逃叛山林官府文卷不得結絕隣人等被其攪擾欲出官而惧怕罪累欲悔改而無途自斬况今湖廣流民數多福建礦賊窩發江西河南又有賊盜未得悉平其間倘有執迷不回之徒有如先年鄧茂七劉千斤等之流嘯聚為非相濟為日惡積月勝貽累非輕合無申明前例通行各處司府州縣等衙門出榜曉諭凡

有一應被提歇逃囚自張榜之日為始俱限三箇月以裏許赴所在官司投首與免本罪各還職役寧家其官吏貪淫行止有虧者不在此例真犯死罪亦要查審明白

奏

請定奪如是則官府文案亦得結絕而後患亦為可免等因具

題奉

聖旨是該衙門知道欽此欽遵抄出送司查得天順八年正月二十二日節該欽奉

詔書內一欵廣東廣西湖廣四川江西浙江福建雲南貴州等處賊寇生發多因官司採買物件守

令不得其人以致饑寒迫身不得已而嘯聚為盜情犯雖重詔書到日有能悔過自散者悉宥其罪聽復業本分生理所司加意優恤勿究前非戶下拖欠稅糧等項悉皆蠲免仍免雜泛差徭三年欽此成化元年十一月二十七日節該欽奉

詔書內一款兩廣四川湖廣盜賊生發去處軍民為因饑寒所迫流移他處不得已而相聚為盜

詔書到日許改過自新免其本罪所司不許違擾聽其復業免其戶下稅糧差役三年官司善加撫恤欽此成化七年十一月十六日節該欽奉

詔書一款兩廣四川逃軍逃囚人等自詔書到日為

始限三箇月以裏許於所在官司首告與免本
罪軍還原伍匠仍當差民放寧家又一款荆襄
等處流民除已發遣回還原籍者有司加意撫
恤優免糧差軍伍其間或有逃匿山林拒捕不
出者

詔書到日許於出官自首悉宥其罪令原籍一体存
恤優免欽此欽遵外今該前因案呈到部叅照
御史聶友良

奏要申明前例通行各處出榜曉諭凡有被歇案
逃囚俱限三箇月以裏投首與免本罪各還職
役寧家一節緣有前項節奉到

奏要申明前例通行各處出榜曉諭凡有被提歇

案逃囚俱限三箇月以裏投首與免本罪各還
職役寧家一節緣有前項節奉到

詔書許令自首事例合再申明通行為此移付本部
浙江清吏司轉行雲南布政司并永平府等衙
門各處告示曉諭凡有一應歇案逃囚許赴所
在官司投首依

詔書事例與免本罪各令着役寧家真犯死罪查審
明白奏

請定奪施行

賭博問擬輕重等第具

奏枷號發落例

成化四年二月初九日刑科左給事中毛弘等題為枷號囚人事該大理寺題內開刑部發審犯人郭猪兒等四十三名各不合違例賭博俱犯杖罪節該奉

聖旨着錦衣衛都用一百五十斤枷杻在各街市號令三箇月滿日來說欽此欽遵續該本寺題內開刑部發審犯人張福等三十七名亦不合違例賭博俱犯杖罪節該奉

聖旨送錦衣衛照例枷號欽此欽遵近該錦衣衛題開稱數人王海病故除會官相視外臣等切惟刑者所以維持治道防範奸頑聖人不得已而用之但人命至重死者不可復生昔有一夫受

在六月飛霜一婦含冤三年不雨關係非輕不可不慎故書曰欽哉欽哉惟刑之恤哉又曰與其殺不辜寧失不經此古先帝王未嘗不拳拳於慎刑也今法司所問囚犯律該凌遲處死斬絞等罪雖決不待時朝廷必待霜降後

命多會審如果情真罪當方總行刑若稍可矜疑卽行寬貸以此每年全活甚多此我

朝欽恤之意亦可謂至矣臣等看得前項枷號罪犯不畏

朝廷榜文禁約仍復恣肆賭博雖輕原情可恕但見枷號并未發審者幾及百人其中情犯亦有輕重果係亮惡怙終之徒致之死地不足深恤

緣禁約榜文張掛未久恐有愚昧小民一時誤
犯者不可不辯若欲一槩從寬處治恐法令不
信於下必長奸頑通行枷號三月恐各犯多致
於死深可憐憫如蒙乞

勅法司并錦衣衛堂上官將各犯取回逐一審問仍
着落巡城御史及五城兵馬司通拘各犯四隣
并該總小甲從公審勘各犯平昔行止明白開
報分為三等如果自來不務生理專一沿街賭
博盜人財或因不孝曾經法斷者及開張賭坊
之人定為一等照依

欽奉事理枷號滿日奏

請發落平昔不係兇惡撒潑之徒止是與人賭博其

見賭錢物內有銀兩衣服者定為二等奏

請從寬區處或平昔止將銅錢互求勝負競賭酒食
或年自十六歲以下者或偶因在榜看要一時
辜連在內者及在外軍匠人等初至京師被誘
引偶犯在內者定為三等依律議擬照依法司
見行事例發落其審勘官員總甲人等有所人
囑託徇私作弊致情有失實者事發一体治以
重罪如此則輕有別刑罰失中且足以章

皇上欽恤之至仁庶不敢傷

天地之和氣矣臣等因采道途衆論及關係人命重
事故不敢緘默伏乞

聖明區處成化四年二月初九日該刑科官於

奉天門奏奉

聖旨這廝每故違榜例又行賭博不必審問只枷號一箇月滿日照例發落以後再有賭博的法司問擬輕重等第明白來說該衙門知道欽此

賭博情輕不必請

旨例

成化四年十二月十九日大理寺為不應事擬左寺案呈該刑部廣東清吏司節次發審犯人馬玉等各犯該違

制杖罪審擬合律該本司官具

題次日節該奉

刑
聖旨今後賭博情輕的照例發落不必請旨欽此欽
遵外合仰右寺抄案轉行刑部都察院問刑衙
門欽遵施行

賣過田產不許再贖及倒死耕牛許令變賣
畧賣人口枷號充軍

成化十年十二月十九日禮部尚書鄒 等

題為建言民情等事該四川保寧府通判等官唐
平建言民情事件該通政使司官奏係建言事
理合着禮部抄出會議奉

聖旨是欽此欽遵今將會議合准所言宜從吏部等
衙門查勘定奪事件開坐奉

聖旨是欽此

計開通政使司辦事官彭鳳言一件置買田宅事
臣切見本府所屬州縣軍民先因戶役欠糧債
等項將田憑見人明立契約得價銀使用與民
為業推收在戶納糧造冊曾經三五次版籍已
定近來有等刁潑之徒罔遵法律乘隙原賣父
伯叔兄弟死亡昧情違理聽信豪勢大戶或買
屬隣見或拴同有讐之人教唆將絕賣過割田
塘興詞謀占或賣時幼小及稱興當或已得價
不足或作逃移被占復業等情告官廉明公正
者推究其情不准貪懦無為者不辯真虛一槩
准受徃徃提人問理暗受財屬非法考打朦朧

逼退增追價銀枉斷之人徇情伸訴上司見係
田土仍發原問衙門拘結官吏因屬賄賂恠恨
愈加刑楚依前屈順枉斷回報以此非為本處
誠恐各處亦有此弊如蒙乞

敕該部計議通行巡撫巡按御史及湖廣都布按三
司分巡等官今後軍民訐告田土看落府衛委
官拘集隣人等踏勘果係絕賣曾經過割在戶
納糧是實照舊斷給管業將誣告及誘唆之人
依律究問治以重罪庶使軍民無刁競之風田
土無爭占之患官免攪擾人得安業前件刑部
查例禁約查得成化五年十月初八日本部題
為陳言事該兵科給事中官榮題前事合無通

八〇
行內外問刑衙門禁約如有告爭田土務要從
公勘理若田產已經實賣過割年遠者悉照原
立賣契斷令照舊管業不許再贖原問官吏不
許聽屬枉斷事發一体治罪等因具題奉

聖旨是欽此欽遵今辦事官彭鳳又奏前因合申明
前例禁約

一件倒死牛隻事臣照得本府州縣地臨山澗土
瘦人貧富者一家署養耕牛不過一二隻貧者
二三戶共買一隻輪養耕田其中有被虎狼咬
傷或遭時疫有因冬寒凍死因是所管衙門寫
遠小民遵例投知該年里長相剝變價轉買牛
隻柰被相驗之徒索取財物方與驗看及令開

剥勒要牛肉二三十斤又将頭皮以作入官為
名俱送伊家侵用稍有不從百端刁蹬誣作私
宰情由呈官騙害臣思本府州縣自前至今並
無此等皮角交收在官文用俱係里長侵費似
此官不得用小民受害誠恐各處亦有此弊如
蒙乞

勅法司轉行湖廣等布政使司着落府州縣嚴加禁
約今後民間倒死牛隻許令到官開剥變買牛
隻以備耕種如有里人等似前哄騙許被害之
人指實陳告治罪庶革騙害之弊

前件刑部准言南京應天府江寧縣老人譚嘉言
一件畧賣人口伏覩

大明律內開凡設方畧而誘取良人及降賣良人為
奴婢者皆杖一百流三千里為妻妾子孫者杖
一百徒三年因而傷人者絞殺人者斬被畧之
人不坐給親完聚欽此欽遵臣切見南京畧賣
之徒久犯不悛徃徃畧人子女整舡裝賣有將
妻女拐帶前去強占奸宿方行嫁賣者有之有
將良家子女當街拖擄以為己子指名在外遊
耍不歸為由恨毒摑打擄拽前去其子女方欲
哭訴隨又用力掌打令其子女哭不出聲傍人
見之真偽難辯不敢聲言良久之時失子之家
哭叫尋覓方知其情不可獲也若失子之家止
生一子惜知掌上之珍毋子之情頃刻不離絕

然不見隨即呼叫一被拐出母子生鬻心如刀割求生不得求死不得情有可憐也雖欲整其家資求覓其子不可得也憶子之情期於必死以致喪家覆產者有之哀慟喪明者有之投河自縊者有之切惟前項之徒事發到官止問徒罪發落情不可恕罪不容誅若不申明重加禁革誠恐南京并在外有司市鎮集店之所俱有此弊深可哀憐如蒙乞

勅法司禁約今後敢有將人妻女姦宿嫁賣及拐帶良家子女生鬻人骨肉絕人後嗣者事發到官俱問枷號示衆滿日發邊遠充軍庶使奸頑知惧以革其弊良善獲安前件刑部通行內外法

司禁約

畧誘和賣人口不分已賣未賣斷發邊遠充

軍例

成化十一年六月十五日刑部尚書董等

題為畧賣人口事廣東清吏司案呈奉本部連人
先該本司案呈承准大理寺勘合該本司發審
犯人穆成招係錦衣衛前所小旗穆順戶內餘
丁成化十年十二月二十四日見隣住本縣民
人趙洪幼女趙進兒財在街頭耍不合起意要
得將伊畧賣就買燒餅四箇與進才兒接喫哄
誘未家又恐本家人未跟尋潛領到於東角頭

隱情假作甥女發賣有本衛帶俸達官指揮完
者台因不知情將銀伍錢與接收買為使女撫
養住過致被本衛巡捕官校緝獲審供在官追
出趙進才兒責付伊父趙洪收領省令外將成
備由呈衛送司問得穆成所犯除誑騙財物輕
罪外合依設方畧而誘取良人賣為子孫者律
減等杖九十徒二年半係余丁審無力照例發
遣化鉄冶炒鉄滿日隨住已經具本發審去後
今承前因案呈到部查得先該應天府江寧縣
老人譚壽奏切見南京畧賣之徒久犯不悛往
往畧人子女整舡裝載賣有將人妻女拐去強
占姦宿方行嫁賣者有之有將身家子女當街

拖捨以為己子指名在外遊耍不歸為由狼毒
搥打捨拽前去其子女方欲哭訴隨又用掌打
令其女哭不出聲傍人見之真偽難辯不敢聲
言良久之時失子之家哭叫尋覓方知其情不
可獲也若失子之家止生一子惜如掌上之珍
母子之情頃刻不離總然不見隨卽呼叫一被
拐去母子生離心如刀割求生不得求死不得
情可憫也雖欲罄其家資求覓其子不可得也
憶子之情期於必死以致喪家覆產者有之哀
慟喪明者有之投河自縊者有之切惟前項之
徒事發到官止問徒罪發下情不可恕罪不容
誅若不申明重加禁革誠恐兩京并在外有司

市鎮集店之所俱有此弊何可哀憫如蒙乞
勅法司禁約今後敢有將人妻女姦宿嫁賣及拐良
家子女生離人骨肉絕人後嗣者事發到官俱
問枷號示衆滿日發邊遠充軍等因具奏成化
十年十二月十九日該禮部等衙門會官議

奏奉

聖旨是欽此欽遵已經通行禁約去後今穆成賣趙
進才兒犯該前罪欲照前例枷號滿日發邊遠
充軍切緣此等囚犯鬻人骨肉絕人後嗣論情
故當枷號示衆滿日發遣充軍俱恐枷號中間
致死傷生不無有傷和氣未便合無將穆成免
其枷號與炒鉄照依前例發邊遠充軍仍行內

外問刑衙門今後問擬畧誘和賣人口囚犯除
將在先有姦不良婦女誘賣事發問罪仍照前
例發落外若將良家男女畧有出外不分已賣
未賣事發俱照此例免其枷號斷發邊衛充軍
婦人有犯若夫在家或子知情罪坐夫男或遠
出而子幼弱仍坐本婦常例發落如是則刑罰
適中人知警惧緣係申明發遣囚人充軍事理
擅便具題奉

聖旨是欽此

畧賣良家子女不分已賣未賣俱發邊衛充
軍三口以上及三犯者不分革前革後俱枷

號充軍婦人有犯罪坐夫男職官有犯奏

請發落例

成化十四年六月十一日刑部尚書林 等

題為誘賣人口事陝西清吏司案呈往錦衣衛鎮撫司手本問得犯人楊玘招係直隸隆慶衛左所餘丁天順元年間有在官民匠周敬軍匠冷營各為畧賣人口事發刑部陝西清吏司問發遼東三萬衛充軍遇例釋放回家成化十二等年月日不等玘不合越關來京哄訪得不知名人家幼男招得兒等共三口周敬又不合哄得幼男毛兒等共一十二口冷榮又不合哄誘得婦女王妙海并幼男進保三口及有在官余丁

范英又不合哄誘得不知名人妻妙榮又有舍
余施海不合哄誘得幼男保兒又有軍人任安
妻李三姐不合哄誘得幼女楊存兒等共五口
又有軍人張敬妻董氏不合哄誘幼男小回子
等共十五名口又有余丁單亮不合哄誘得幼
女閔兒幼男添喜各賣與隆慶州等處民人李
榮去訖又有余丁范剛不合哄誘得幼女招兒
妙聰兒在家憑民匠謝志妻蘇氏亦不合知情
說賣與不知民人去訖玘等各得銀兩布疋等
物入已事發問招前情明白叅照犯人楊玘等
哄誘得良家子女賣錢肥己蘇氏知情說合似
此同惡為非良善受害罪不容誅合無將各犯

通送擬罪刑部仍行出榜禁約但有誘賣及買
到男女許令本家赴官首告免罪敢有似前隱
匿不首者事發一體問罪等因該本司鎮撫林
巒等具題奉

聖旨是擬了來說 欽此欽遵 俟由連人送司除將
楊玘等問擬畧賣良人并牙保減等徒罪奏奉
欽依俱照例充軍等項發落外查得先該應天府江
寧縣老人譚嘉奏言要乞禁約今後敢有收良
人妻女姦宿嫁賣及拐誘良家子女離人骨肉
絕人宗嗣者事發到官俱問罪枷號示衆發衛
充軍等因該禮部等衙門會官議得合行禁約
已經奏

准通行外續該本部廣東清吏司問得犯人穆成犯
該畧賣良人喊等徒罪本部查照前例合無將
穆成照前例發邊遠充軍仍行內外問刑衙門
今後問擬畧賣和誘人口囚犯除將在先有姦
不良婦女誘賣事發問罪仍照常例發落將良
家男女畧誘出外不分已賣未賣事發俱照此
例發落邊衛充軍婦人有犯若夫在或子知情
罪坐夫男夫遠出而子幼弱仍坐本婦常例發
落等因該本部官具題奉

聖旨是欽此又經通行欽遵去後今該前因將各出
榜緣由案呈到部看得畧賣人口明有禁例人
當遵守豈期無籍之徒視為泛常恬不知惧近

日以來犯者愈多迭相殺尤全無忌憚及至事
發充軍遇例迴還不思改過仍蹈前非似此稔
惡恬終不惧若不重加禁治深為未便欲照衣
衛鎮撫司奏

准事理申明禁約本部出給榜文通行南京并天下
司府州縣衛所等衙門各於人煙湊集去處常
川張掛如有畧賣及知情買到男女自榜文到
日為始限一月以裏許令本犯赴官自首與免
本罪男女給親完聚敢有仍前隱匿不首及今
後有犯者在京聽錦衣衛巡捕官校五城兵馬
司在外許所在官司督令地方火甲并隣佑人
等緝拿送官究問明白依律擬罪除和同相誘

賣他人子女及賣本宗卑幼者止照常例發落
 若係畧賣良家子女者不分已賣未賣與設方
 畧而誘取良人者軍民舍余旗校匠役人等俱
 照先行事例連當房家小發邊衛充軍原係邊
 軍調發極邊衛分常川守墩哨瞭婦人有犯亦
 照前例施行軍民職官有犯監候奏

請發落若畧賣良人子女至三口以上者及三犯不
 分革前革後俱用一百斤枷於衝要街市枷號
 一箇月滿日照例充軍其窩主與買人者并牙
 保知情及隣佑人知而不舉首者一体治罪如
 此庶幾法令嚴明人知警惧本部欲刊印榜文
 發去各處張掛緣天下衙門數多難以徧給合

無除兩京地方本部印給張掛外其浙江等十
三布政司每處印榜文二道咨送都察院轉發
巡按御史各用一道張掛一道依式翻刊俱各
該印信鈐記張縫張掛曉諭禁約緣係出榜申
明禁約事理未敢擅便具題次日奉

聖旨是欽此

江西客人各處買賣奏告情詞立案不行

天順八年九月二十五日都察院左都御史李 等

題爲申明舊例事查得天順二年九月初二日該

刑部奏准今後江西客人在湖廣等處買賣生理有因負欠錢債不應等情應許告理者止許於所在官司陳告即與准理若不候歸結輒便赴上司及來京訴告者一體依律問罪重則照依見行事例發落輕則決斷發原籍官司收管當差所告詞訟不問虛實俱各立案不行合再將前項事例申明仍通行內外問刑衙門今後江西等處客人在於各處買賣生理有因負欠錢債等項一應事情止許於所在官司陳告即與

提人問理依律擬斷照例發落若有倚勢刁潑
添捏重情并不干已事驀越赴京奏有一體依
律問罪斷發原籍當差所告情詞不問虛實俱
各照例立案不行奉

聖旨是欽此

奏告原籍詞訟及抱本狀之人問罪遞回原
籍官司勘報例

成化元年七月十四日大理寺卿王 等

題爲申明舊例事照得天順八年正月二十二日

節該欽奉

詔書內一款今後軍民詞訟除謀逆外其餘不問輕
重情訟發回本處問理違者罪之欽此欽遵續

該刑部都察院節將江西浙江等處軍民人等
 驀越赴京奏告原籍戶婚田土搶奪人命等事
 俱照

制書事理問擬違

制等罪送寺審允的決遞回原籍官司問結以此人
 知警懼詞訟頗簡近日以來法司却將抱本狀
 之人不行照例問罪徑送順天府給引照回聽
 理以此刁潑之徒既見不至越訴之罪又圖徑
 送給引之例成群結黨聞風而來有因管解軍
 匠物料到京者有因公差生理順便者輒將原
 籍戶婚田土小事架捏人命詐害等項重情或
 隱下自己姓名捏作戶丁抱本或雇倩外人冒

項家人姓名擅動實煩瀆

聖聽其間牽告人名多者動之二三百人少者不下
六七十人及送給引之後有執挈文引中途逃
去到處生理以致原籍官司提取被告之人在
官監禁囹圄終年累月不得結絕又有執引徑
回原籍親詣被告之家沿門逐戶嚇詐財物就
行逃躲故不出官對理似此奸詐不可枚舉若
不申明禁約深爲民害合無今後原籍詞訟除
雲南貴州廣東廣西四布政司軍民越訴者其
中若係重囚監候在彼令家人申訴及年十五
以下七十以上并婦女抱告者一體照例問罪
准令給引照回外其餘但奏告原籍詞訟不分

抱本抱狀之人及自行奏告者悉照

詔書事理問擬違例越訴罪名的決逋回原籍官司

照依本寺先次奏奉

欽依內事理勘問回報如此則奸頑知所警懼而刁
訟不致煩擾具奏奉

聖旨是欽此

舊

雲貴川廣越奏訴者依例問罪各處詞查有重
囚監禁令家人抱奏者免其送問俱給引照回
聽理其有奏訴被誣重情見問未結查無原行
與干及不干已事情騫越奏訴者問罪發落例
成化元年九月十四日都察院左都御史李 等
題爲申明舊例事近該大理寺卿王檠等奏今後

原籍詞訟除雲南貴州廣東廣西四川布政司
軍民越訴者路途寫遠審係本土軍民照例問
罪給引照回聽理其江西浙江湖廣等處軍民
越訴者其中若係重囚監候在彼令家人伸訴
者及年十五以下七十以上并婦女抱告者一
體照例問罪准令給引照回外其餘但係奏告
原籍詞訟不分抱本抱狀之人及自行奏告者
悉照

詔書事例問擬違例越訴罪名的決逋回原籍官司
勘問等因具奏奉

聖旨是欽此欽遵外今查得官制內所定程限雲南
布政司一百二十日貴州布政司一百十六日

廣東布政司一百十三日廣西布政司一百十四日四川布政司一百十四日其四川陸路棧道之危水路川江之險比之雲南等四布政司地理既遠跋涉尤難近者給引遠者逋回揆之事體恐有未宜及照各處奏訴詞訟中間多有經由巡按御史按察司問理或原行在京兩法司又有父兄親屬被人誣枉人命強盜等項重情繁累司府等衙門不與辯理者此等詞訟比之刁潑軍民懷挾私讎牽告人衆不曾由司府巡按御史等處驀越訴告者情節不同今法司因有前項事例一槩問擬違例罪名程逋原籍官司聽理又有一等軍民詞訟止是告理自己

戶婚田土不曾牽告革前及不干已事因爲司
府州縣不與斷理或斷理不明前來伸訴旣問
罪杖斷又行程遞揆之人情亦爲過當合無今
後在京法司如有四川布政司軍民詞訟驀越
來京奏訴者照依雲南等布政司地方依例問
罪給引照回聽理其各處奏訴詞訟若有曾經
御史按察司問理及在京兩法司查有人命等
項重囚監禁在官令家人抱奏應查勘辯者俱
免送問照例給引照回聽理其有訴奏被人誣
枉人命強盜等項重情在監禁未曾問結法司
查無原行與戶婚田土等項干已事情及不干
已事驀越奏訴者問擬違例之罪亦與給引照

回聽理其餘有犯悉照大理寺奏

准事例遵守施行如此庶使事例得以適中人心免
於嗟怨具題次日奉

聖旨是欽此

老幼抱原籍詞訟行追壯丁勘問例

成化三年六月十二日刑部等衙門尚書官陸等

題爲建言事該刑科給事中雷澤題伏覲

皇上即位以來頒布

明詔有日給事中御史職當言路今後凡朝廷政事得失天下軍民利病許直言無隱欽此欽遵大臣聞君天下者貴乎來天下之善納直臣之言也來天下之善則見聞博而智慮精故曰人求多聞時惟建事納直大臣之言則樂崇而事功著故曰良藥苦口利於病忠言逆耳利於行臣本草茅叨居路竊祿無補一年於茲偶有見聞不敢緘默今將所言事件開坐具題奉

聖旨該衙門知道看了來說欽此欽遵抄出到院除復舊例等件戶部等衙門施行所言恤刑獄理訴冤二件臣等會同都察院右都御史林等查議明白開立前件伏乞

聖明裁處遵奉施行緣係建言事例及奉

欽依該衙門看了來說事理未敢擅便具題次日奉聖旨准議欽此

計事二件

一件恤刑獄切惟刑獄天下之大命也死者不可復生斷者不可復續近來災異迭見意者各處刑獄或惟讞昧於初情或枉斷牽於成案或徇情故出有罪或過刻濫及

無辜或年久不得其情而淹禁者有之或
原問官吏不肯再辯而鍛鍊者有之以致
冤抑之氣感傷天下之和古者一夫負屈
而六月飛霜一婦含冤三年不雨皆此類
也書曰罪疑惟輕又曰與其殺不辜寧失
不經此帝舜欽恤好生之德如此仰惟
皇上視民如傷欽恤之心即帝舜之心成化三年四
月初十日該太監許安傳奉

聖旨兩法司錦衣衛見監犯人流徒以下的便減等
發落重囚情罪有可矜疑有枷號的都寫
來看欽此欽遵在京刑獄已蒙量情寬減
况又每遇天氣炎熱不許法司淹禁而在

外刑獄而未蒙矜恤臣愚以爲地有遠近民皆赤子豈有彼此之間伏望

皇上溥一視同仁之恩乞

勅各處巡按監察御史并都布按三司會同將見監輕重罪囚詳審辯理情輕者亦減等就彼照例發落死罪中間若有情可矜疑者即將本犯畧節招由開坐具奏請

旨發落務在平恕得情不許深刻偏執庶使獄無淹禁滯刑無冤監怨毒消而和氣應矣

前件查近該福建布政司左布政使秦敬奏要照正統年間事例差官分投前往各布政司并直隸府州縣衛所見監輕重罪囚

逐一審錄明白死罪情真罪允者仰原問衙門徑自呈詳合干上司其餘笞杖流罪出入者依擬發落若有冤枉并有伸訴者即與受狀辯理情可矜罪可疑及干礙原問官吏通行奏

請定奪本部會議奏

准通行各處巡撫都御史布政司去處選委都布按三司堂上老成廉明官各一員直隸去處仍委衛府州正官俱公同巡按御史將見問輕重囚犯照例審錄罪囚務在至當至公不許偏私出入及緩稽誤事若所屬大小衙門官吏敢有似前違枉或隱匿不報

者許巡撫巡按官體訪得出或被人訐告
事發就便拏問干礙軍職并五品以上官
奏

請提問已經通行遵守叅今給事中雷澤又言前因
除查例相同外其言在外囚犯情輕要照
成化三年四月初十日

恩例亦減等發落一節此蓋出於

朝廷一時

恩典不係通行之例臣等擅難定奪

一件理訴冤切各處官吏軍民人等伸訴冤
枉來京有於

登聞鼓下抱訴者有於通政使司投

進者或因誣陷人命或因誣枉受賊或被土豪謀
奪財產姦淫婦女或被讎隙折毀房屋殺
傷人口如此之類負屈號天含冤呼地無
路可陳仰京控訴臣查得法司見行事例
內有今後各處軍民人等及爲事官吏除
本身或被囚禁或在配所拘役守哨等項
果有冤枉不得擅離者許令的親家屬齎
本奏訴其餘一應干已詞訟應合奏訴者
務要明白開寫年甲籍貫其餘親齎若有
不行親齎及隱下壯丁故令老幼殘疾婦
女家人使婢并雇倩他人冒頂姓名抱齎
及爲事官吏已經問革別無冤枉捏詞

奏訴者就將齎抱狀人問擬如律逋發寧家隨住仍
行各處問刑衙門將奏告訴情詞不問虛
實俱各立案不行臣愚以爲中間虛詐不
實者固有其出於無禁含冤無訴者不無
捏詞妄訴者雖多其招情不明負屈無伸
者不少俱各遠在數千里數百里外此處
一時旣無原行文卷可證又無籍冊可查
及無證佐之人抱訴昔日審出不過用刑
考訊又恐老幼婦人等一時畏刑虛招
似此一槩立案不行不無虧損

皇上仁政如蒙

准言乞

勅法司計議合無今後遇有前項人等抱訴俱照例
問罪逋回其奏告情詞照回聽理着落各
該問刑衙門查勘則直僞易知是非易得
果有前項虛詐所訴情詞方許不問虛實
俱立案不行仍將不肯出名壯丁并在逃
正身查提問罪如無虛詐即與辯理明白
回報其餘一應詞訟悉照依先前法司奏
准見行事例施行仍乞

勅法司出榜通行各處嚴加禁約如此則法律平而
知遵守矣前項查得先該江西道監察御
史董廷圭等題稱爲治莫大乎斷獄尤貴
乎革弊故弊不革則訟不簡訟則獄無因

而清矣孔子曰聽訟吾猶人也必也使無訟乎然使無訟固難其人而禁民爲非則有其道臣等看得江西等處人民赴京越訴詞訟雖是紛紛不一然以大畧言之不過被人強占田土折毀房屋侵奪財產歐傷其身數者而已數者之事不足以聳動聖聽又或添捏結成群黨或以殺死人命或詐稱聚集人衆以流劫鄉村或隱下壯丁年月遠引革前事端本無情詞牽告不干已事似此奸弊已屬欺詐况又畏懼越訴罪名要得收贖給引或今年老殘疾之人具本或着婦女幼小之子抱訴甚至雇倩無籍之

徒冒名奏告千方百計且如本道此等抄
出奏詞日不下四五起求其抱奏之人多
至十二三歲小厮審其事情十不知一及
行原籍勘問往往無憑對證以文卷連年
不得結絕有司積年被其打擾非徒無補
于治其實有擾于民臣等竊謂戶婚田土
闔閭相爭之事旣非

君上之所當親老小殘疾婦女雇倩之人又非奏對
之所宜預今此等奸詐之徒以如是之小
故託如是之賤品欺罔

天聽全無敬憚皆因法無定規所以人易輕褻若不
禁革實乖治體查得先該本院右都御史

李賓題一件禁革奸弊事內開今後爲事
官吏及軍民人等奏訴事情除本身見被
囚禁及在配所拘役等項果有冤枉不得
擅離者許令具本家人抱奏外其餘干已
事情詞訟不係驀越應合奏訴者務要明
開年甲籍貫具本親齎投

進若有不行親齎及戶有壯丁不肯出名故令老幼
殘疾婦女家人使婢并雇倩他人冒名頂
姓出名抱齎具奏者就將抱本并出名之
人問擬如律遞回寧家隨住其所奏事情
不問虛實俱各立案不行仍行各該問刑
衙門將奏本并不肯出名壯丁查提問罪

若抱本人詐作親齎奏行各該問刑衙門
審的年不同不係正身者一體問罪所奏
事情亦各立案不行已經奏

准通行遵守當時此例一行奸詐遂阻詞訟既簡刑
獄亦清柰何行之既久日漸廢弛前項奸
弊仍復大作欺天罔民靡所不至若不申
明前例永爲遵守非惟刁頑得計抑且良
善受害如蒙乞

勅法司計議合無將前項事例再行申明今後爲事
官吏及軍民人等有事不問親齎及隱下
壯丁故令老幼殘疾等項具本抱狀驀越
奏訴者亦照前例問罪通發立案不行仍

一一八
將此例通行遵守庶使刁詐無所用其奸
良善得以安其業具題奏

聖旨法司知道欽此欽遵抄出到部查照見行事例
會同都察院大理寺左都御史賈 等議
得今後各處軍民人等及爲事官吏除本
身親被囚禁或在配所拘役守哨等項果
有冤枉不得擅離者許令的親家屬齎本
奏訴外其餘一應干已詞訟應令奏訴者
務要明開年甲籍貫具本親齎

進聽候歸若有仍前不行親齎及隱下壯丁故令老
幼殘疾婦女家人使婢并雇倩他人冒頂
姓名抱齎及爲事官吏已經問革別無冤

枉捏詞奏訴者就將齎本抱狀并出名之人問擬如律通發寧家隨住仍行各該問刑衙門將不肯出名壯丁并在逃正身查提問罪若抱本人詐作親齎臨時審出一體問罪其所奏情詞不問虛實俱各立案不行及又有在京軍校厨匠舍人等并各處運糧操備旗軍起解軍匠物料等項人役果有原籍詞訟聽令家屬於本管官司自下而上陳告敢有仍前故違因便奏告者亦照前例問罪立案不行等因具題成化二年十二月十四日奉

聖旨這越訴的不問久近已未俱照前例處治仍通

行各處知道其被誣枉來京奏訴的法司
即與勘辯不在此例欽此欽遵已經通行
欽遵去後今給事中雷澤奏前因除查例
相同外臣等看得所言前項奏訴違例之
人遠在數千里數百里外此處一時既無
原行文卷可照又無籍冊可查及無證佐
之人何以悉知戶有壯丁事無冤枉一槩
立案不行要將今後遇有前項人等抱訴
俱照例問罪迤回其奏告情詞照回聽理
着落各該問刑衙門查勘則情偽易知是
非易明果有虛詐情詞方許不問虛實俱
立案不行仍將不肯出名壯丁在逃正身

查提問罪如無虛詐即與辯理回報其餘
一應詞訟悉依先前法司奏

准見行事例施行仍乞出榜通行各處嚴加禁約一
節蓋恐中間果有冤枉不得伸理戶無壯
丁又無文卷查考所訴之詞一槩立案不
行致有此言合無今後此等違例奏訴之
人除照見行事例施行外如果此處旣無
原行文卷可照又無籍冊可查及無證佐
之人不知其本有壯丁本無冤枉者合候
准其所言照例問罪所奏情詞行令該管
官司查勘委無壯丁及果有冤枉方許提
問歸結若有壯丁及無冤枉俱各立案不

行仍提壯丁正身問罪發落其言出榜禁約緣此例節經奏

准見行難再出榜本部通行內外問刑衙門查照原行事理遵奉施行越訴田土等項問罪通計起數將本管司府州縣官吏取招住俸例

成化十七年正月二十五日戶部尚書陳等

題爲處置認辦田糧事湖廣清吏司案呈戶科抄出吏部聽選官易祥奏係湖廣衡州府常寧縣人臣原籍未曾置業止分得祖業田糧不勾三斗切有本縣地方先因苗人作耗蒙調衡州衛中所官軍前來鎮守之時有千戶鄭英將城對

河岸上空地一所東西抵民田土西南抵江坎
嶺暫爲教場後因革河低窪又行政移北觀橋
立爲空地爲教場遺下空地地人民俱怕稅糧一向
無人開耕臣居住相近照得正統八年奏興舉
屯種事每軍田地四十三畝子粒不過六石天
順元年間又奉戶部勘合爲曾益田糧事查勘
軍屯多餘田土撥與有司丁多田少之家領種
照依田起科納糧臣原籍缺田佈種如蒙

勅該部查照前例轉行湖廣布政司委官將前項空
閑荒地踏勘丈量起稅撥與臣戶下耕種辦納
稅糧等因具本該通政司官奏奉

聖旨該部知道欽此欽遵抄出到司案呈看得聽選

官易祥奏要將原籍教場官地丈量撥與照畝起科一節照得近年以來湖廣等處軍民累有奏告空閑官地或沙淤湖陂情願承種起科者紛紛不已蓋因地上廣闊多有外郡客商并仕宦子孫在彼寄籍及縣原籍差徭中間又有等狡猾詐之徒因見各處遺有地土或堪作店房以圖生理或堪爲園圃以取利息假以增糧爲詞輒便赴京奏告及行文踏勘買囑官吏里隣證人等以多報寡以美作惡雖稱照畝起科卒乃有名無實況地土有高下肥瘠而坐落城市鄉村且如城市地土以一畝地價計之有值銀一二十兩者有之有值銀三四十兩者若以鄉

村地價論之每地一畝僅可賣銀二三錢多則
不過七八錢其價計有高下獲利亦有多寡而
認地納糧者豈有無厚薄之分乎當通行查理
案呈到部參照戶婚田地詞訟錢糧俱係有司
所當理者但近年以來有司官員惟務因循以
致民間冤枉等情往往推奸利已或經旬而不
問或首告而不理致令擅動實封煩瀆

聖聽雖有見行事例不許軍民越訴責罪於小民而
不歸咎於有司所以民出無奈只得冒犯於刑
名若不處置非特文移浩繁奸狡得計抑且虧
田糧而無益公家除將易祥送問外欲行南北
直隸并浙江等布政司今後但有軍民人等將

空閑官地荒田及山塲水洲情願領種起科者
許令具告本管官司申達司府先行查勘如果
無礙着令照依今定則例凡城市官地每地闊
一丈三尺每歲納糧一石餘皆倣此他如田野
山塲水地俱照舊例起科其前項納糧米各於
官倉收貯以備賑濟如有隱匿不附冊者事發
各該司府州縣官吏一體叅問地入官今後再
有驀越赴京奏訴違者先將具本之人送問所
奏情詞立案不行及照布政司掌印及分巡分
守官員與州縣掌印正官職專民事管理詞訟
每每縱令所屬軍民赴京陳訴不知日所幹者
何務似此推奸避事罔盡厥職亦合查究合自

成化十七年爲始於年終通查類

奏但係戶役田宅婚姻錢糧等項曾經司府州縣具告不與從公理斷致令小民赴京越訴每州縣十起以上每府十五起以上每布政司按察司三十起以上連該吏各罰俸三箇月行移巡按監察御史取招俸若有受賄枉法等情從重歸結如此則官吏盡職民訟自息而各屬田糧不致欺隱仍行湖廣布政司將易祥所奏情詞行勘明白就照此例發落具題奉

聖旨是欽此

運糧差備等項官員因便奏告問罪立案不行一件乞

恩分理軍政官員事成化二十二年四月內該都察院右都御史屠 等查照見行事例各處運糧操備旗軍起解軍器物料等項人役果有原籍原衛詞訟聽令家屬於該管官司自下而上陳告敢有故違因便奏告者問罪立案不行申明題

准仍行問刑衙門今後運糧操備等項官員人等果有原衛原籍詞訟不令家屬奏告却因便自行奏告者照前例施行

申明薦越奏告分別問罪并免問及照回遞回一件建言脩省事弘治二年十月內該刑部等衙門尚書等官何 等題

准今後各處軍民詞訟若有奏訴冤枉事情曾經御史布按二司問理及法司原有重囚監禁在獄令家人抱訴奏者俱照例免問給引照回其有被人誣枉人命等項重情見監未結法司查無原行戶婚田土等項干已事情曾經本處官司斷理不明令家人伸訴及老幼婦女抱告不分遠近俱照例問罪給引照回其雲南貴州廣東廣西四川路遠不分事情輕重亦照例給引照回仍將奏訴情詞類行原籍官司候原告到日方許提人問斷案候三箇月之上原告不到不問虛實立案不行仍將原告查提問

罪其餘軍民詞訟不係冤枉事情驀越赴京奏訴及所奏事情重大率奏誣人數多者仍照例問罪追回

禁約程逋奏訴人遲緩并里老扶同及原問官吏枉斷例

成化十一年十二月二十一日禮部等衙門尚書等官等

題爲建言民情事成化十一年月日不等禮科抄出直隸滁州等衙門知州等官人等周政等建言民情事件該通政使司掌院事工部尚書張文質等俱於

奉天門看係建言事理合着禮科抄出會官議奉

聖旨是欽此欽遵抄出到部會同各部都察院通政使司大理寺六科給事中議得除有例見行及泛言難准外數內七十二件合准所言宜從吏部等衙查勘定奪施行未敢擅便各官於

奉天門奏奉

聖旨是欽此

計開

一通政司辦事官王資言事一件照得福建江西等布政司衛所州縣軍民人等多有被豪強之人霸占地土圖賴人命等項有正身被禁因離京有三五千里之程一時不得辯冤將情具本狀令弟男家人或正

身齎抱赴京伸訴等項奏送該衙門問罪
的決將所奏情詞類行原衙門或隔別衙
門勘問將奏告犯人遞回聽理經過該遞
軍衛有司官吏遇到不行隨即差人程遞
停留在官等候關文三五日者及至差人
領出解送在外墩鎖五七日者或十餘日
者有半年一年之上者方纔遞到有在途
因盤纏短少者被押解之人不容乞食多
因飢寒或因患病凍餓身死者有公文先
行到彼提拘證佐人等在官監候告人日
久不見遞到又行原籍官司挨拿親隣里
老尋捉不獲其事經年不得結絕如蒙乞

勅該部會議合無將今後若遇赴京奏告地土辯冤等項人犯問罪的決收贖送發給引照回原問衙門聽理公文至日候告人到官提人勘問量地遠近引限若一千里以上一箇月若三千里兩箇月五千餘里三箇月內告人不行齎引出官者不分奏告事情虛實立案不行仍將告人該管官司追引繳報便益

前件刑部給引程限有例見行程遲慢合行禁約

一直隸池州府貴池縣儒學訓導陳離言事
一件民害事臣等切見江西地方小民多

被勢要土豪大戶占種田地侵奪墳山謀騙產業歐傷人命狀投里老畏懼富豪受私偏判反告到縣平日富豪人情稔熟反將小民監禁少則半年多則一二年之上賄屬官吏止憑里老地隣保結妄行偏斷小民屈抑又赴司府伸訴又行吊查原案本縣妄稱問結一槩朦朧申覆屈抑不伸及赴御史處伸冤御史又行查審曾經司府州縣里老剖判過者俱不淮狀以致小民卒至含冤受苦欲行赴京奏訴水遠山遙丁力寡弱民之受苦莫是之甚且如臣本縣軍人舒林被富民陳思誠包占田地

告理二十餘年已經知縣六七人斷過反
作舒林涉虛後得分巡副使張綱體查得
出方斷田地還舒林管業又有民人朱定
謀死庶祖母里老官吏接受銀兩問無干
涉又被女婿陳瑤赴京面奏看得三司研
審是實朱定處死原問官吏俱招罪犯臣
誠恐天下亦有此弊如蒙乞

勅該部轉行各處今後小民詞訟難憑里老地隣着
落該管知縣務須拘問審實方纔問結如
是本管知縣仍行受財枉斷赴巡按御史
訴告詳加論審得實將扶同里老原問官
吏以枉法如此則民得安生怨咨不作歡

聲鼓動則風雨調和而天下平矣
前件刑部所言里老扶同合行禁約

原籍詞訟并告革前不干已事俱立案不行

天順八年八月二十八日大理寺卿王 等

題爲申明舊例事近見江西浙江廣東四川湖廣等處刁潑軍民將原籍戶婚田土私債鬪毆搶奪人命等情來京奏告多係革前不干已事比先法司奏

准前項詞訟俱有禁例其告革前并不干已事俱立案不行近蒙

大赦革去如蒙

准言合無今後軍民詞訟除告謀逆奸細重情外其餘戶婚田土鬪毆私債等項不干已事情俱仰布按二司告行各府州縣勘問回報其告人命搶

奪等項干已事情俱仰布按二司先行各府州
縣照勘如果是實量提緊關干証人犯問結若
是虛詐就將原告之人問罪發落不許一槩提
擾其告革前不干已事俱立案不行奉

聖旨是欽此

在外誣告十人以上者克軍爲民仍追究替
寫本狀捏詞教唆及受雇寄之人問發邊遠
克軍例

成化四年四月二十五日大理寺卿王 等

題爲申明舊事照得先該都察院題該巡按直隸
監察御史李傑奏稱蘇松等府刁潑人民往往
替人寫本寫狀捏詞教唆騫越赴京妄行奏告
又有富豪大戶用錢雇倩熟對詞之人出名告
狀假以建言爲由擅動實封或妄將輕事捏作
重情及行巡按御史并該府提問多事涉虛要
照天順年間事例備榜申明禁約今後騫越赴
京奏告全虛者務要追究寫本寫狀教唆之人

問擬明白軍發邊遠克軍民發口外爲民本院查得近該大理寺奏今後原籍詞訟輕事行仰各府勘問其告人命搶奪等項干已事情布按二司各先行各府州縣照勘如果是實量提緊關人犯問結若是虛詐就將原告問罪發落其告革前并不干已事情俱立案不行緣驀越誣告已有前項奏

准事例見行未久所言難准其奏追究寫本寫狀捏詞教唆之人罪發克軍一節合無准其所言通行內外問刑衙門今後但有替人寫本寫狀捏詞教唆之人追問明白照例發邊遠克軍等因成化二年二月初七日本院左都御史李秉等

題奉

聖旨是欽此欽遵續該刑部陝西等清吏司發審犯人趙昂等各犯該爲人作詞狀增減情罪及受財枉法等罪要照前例克軍本寺看得趙昂等替寫本狀係是在京詞訟與舊例不同已駁改擬發落外前項條例因是議奏不明一向窒礙難行查得天順年間舊例在外軍民人等驀越赴京將不干已事并革前事告言或輕事告實重事招虛誣告十人以上者或坐家指以建言爲由告言人罪擅動實封雇人遞狀受人寄人者通發究問明白照依正統年間事例將本犯并主使及教唆捏寫本狀之人軍餘旗校斷發

邊遠克軍吏民人等連當房妻小發口外爲民在京詞訟有替寫本狀者俱照常例發落前項事例最爲適中今若照依李秉等奏要通行內外問刑衙門但有替人寫本寫狀捏詞教唆之人追問明白照例發邊遠克軍切緣在京軍民人等互相鬪毆等項詞訟每日有之若將替寫本狀教唆之人一槩問發克軍不無用刑大濫况寫本寫狀教唆之人既發克軍其正犯及雇倩受寄擅動實封之人却照常例發落未免輕重失論合無仍照舊例通行各處問刑衙門今後在外軍民人等妄將輕事捏作重情驀越赴京奏告者照依見行越訴事例問罪的決逋回

原籍官司勘問明白其中果有牽告負累人衆但係誣告十人以上者軍發邊衛克軍民發口外爲民仍追究在外在京替寫本狀捏詞教唆及受雇受寄之人鞠問明白不分軍民連當房家小發邊衛克軍其告革前并不干已事照舊立案不行若是在京一應詞訟其替寫本狀教唆之人止照常例發落如此則法令適宜刁訟自息緣係申明舊例未敢擅便具題奉

聖旨是欽此

邊民主使教唆詞訟捏寫本狀赴京誣告十人以上者發極邊驛站并各衛撥去沿邊協守軍職犯該雜犯死罪及徒流罪者立功及

納贖完日就在原撥城堡帶俸差操例

成化十一年三月初九日刑部等衙門尚書等

官董等

題爲建言兵備聲息等事山東清吏司案呈奉本部送往兵部咨職方清吏司案呈奉本部送兵科抄出巡按直隸監察御史葉茂將所言備邊六事開坐具題該通政使司官奏奉

聖旨該部知道欽此欽遵抄出到部除節糧儲易草束等四事戶部等衙門另行外內嚴刑法以息誣枉申法令以杜奸詐二件係隸法司掌行移咨到司案呈到部會同都察院大理寺太子少保左都御史等官李等將巡按御史葉茂所

言事件會議明白開立前件欲行沿邊軍衛有司問刑衙門遵奉施行未敢擅便具題次日奉聖旨是准議欽此

計開巡按直隸監察御史葉茂言事二件

一件嚴刑罰以息誣枉先該刑部尚書陸

具題各處軍民人等如有驀越赴京誣告十人以上者軍餘旗校與捏寫本狀之人一體問發邊衛克軍吏民人等連當房家小發口外爲民例行旣久人知警惧敢犯者少惟沿邊一帶軍衛有司有等無藉之徒不惧法律恣肆刁潑或挾私讎或因小忿輒赴上司捏告或扒山越關赴京奏訴

中間牽告五六十人者有誣指二三十人者原問官員一時難辦虛實只得查提勘問有經旬累月提人不齊者有先被提未經對理收監淹禁者負累人難不可枚舉及至人齊對問原告多係虛詞法司問斷犯該前項誣告罪名奏行事例不曾開有邊軍邊民軍職等項止照常例發落立功納贖或的決守哨年限滿日俱回衛寧家差操以是刁潑之徒視爲常事全不知懼良善受害不可勝言如蒙乞

勅法司計議合無今後沿邊軍職邊民邊軍舍餘人等常川巡哨守哨果能擒殺賊寇有功照

例奏

請定奪邊民發邊驛站照徒年限擺站如此庶使法
當其罪人心知警刁誣可息而良善獲安
矣

前件查得先該刑部等衙門議擬奏

准各處軍民人等原籍詞訟驀越來京奏訴誣告十
人以上者軍餘旗校與主使唆唆捏寫本
狀之人一體問發邊衛克軍吏民人等連
當房家小發口外爲民官司誣告十人以
上者照依常例發落續該都察院等衙門
議得今後軍民人等詞訟除反叛逆等項
機密重事許其赴京奏告外其隣近親戚

人民全家被人殘害人命本主無人伸訴
及官吏侵盜係官錢糧并一應干已事情
俱要依律自下而上陳告有驀越赴京奏
告者照依見行事例問罪給引遞回所司
聽理若將不干已事混同干已之事多捏
情詞開款奏告及首告謀反叛逆等項密
機重情并無主人命與官吏侵盜係官錢
糧不實者除文武職官有犯仍照舊例奏
請發落其餘旗軍舍餘吏民人等俱照誣告十人以
上事例屬衛管轄者俱發邊衛原係邊衛
者發極邊衛分克軍屬有司管轄者俱發
口外爲民等因成化七年五月十六日本

院等衙門官具題奉

聖旨是欽此欽遵已經通行遵守去後今御史葉茂
又奏要將沿邊軍職邊民邊軍舍餘人等
有犯誣告十人以上者究問是實軍職常
川立功邊軍舍餘人等常川巡哨守哨果
擒殺賊寇有功照例奏

請定奪邊民發極邊驛站照徒年限擺站但前例通
行未久難便更張所言難准爲民有犯委
的例不該載合准所言通行各邊問刑衙
門今後遇有邊民主使教唆詞訟捏寫本
狀赴京誣告十人以上者究問是實俱發
極邊驛站照徒年限滿日寧家如此則刑

罰庶幾適中邊民知所警戒

一件清刑獄臣切見各處近年以來有等刁
潑之徒不務本等營運惟以告狀爲生甚
至將不干已人命等事捏作干已及將革
前事情埋藏改換年月捏作革後及有開
欸三五件者有十餘件者牽告男婦三四
十人或五六十者及至提人到官勘問有
監三五月者有一二年者其被告之人畏
其牽纏只得講和用財買免其無藉原告
因而得財方肯招回又有原問官員索要
財物而展轉者亦有畏避嫌疑而推調者
以致良民傾家蕩產致死無辜合無通行

內外問刑衙門今後將告人審問果干已
事方與施行如不干已及藏埋改換年月
捏作例後等項就與立案不行止將原告
問罪如此則詞訟屏息而良善得安矣
前件查得湖廣按察司僉事夏時奏一件屏
息刁頑以清刑獄切照各處有等刁潑頑
詐之徒或因小忿而通告官吏三四十人
者或爭分寸而牽告里甲五六十人者於
內或有寫鬼名者有非真名者則執詞衰
告惟恐不准及得准理行提輒便在逃致
使提下官吏難爲問理拏解里甲無憑對
證經年累月監候知在挨拏原告終無得

獲圖圈不得空虛案卷不得完結又有等
捏寫呈文詞狀却將他人姓名出官暗投
鋪舍遞至上司行文拏獲事內原被告人
犯其原告執稱并不知情雖曾挨拿鋪司
人等問罪然亦終難發落乞

勅法司計議通行各處問刑衙門今後遇有原告脫
逃不分虛實即與立案不行縱有被告已
提到官亦且釋放務在挨拏原告得獲牢
固監候勘問真實然後施行如果虛詐即
便解京奏發充軍被告不問若原告雖不
逃而有誣告十人以上者徑發口外爲民
其有冒人姓名捏寫文書暗投鋪舍接收

之人問罪原被告俱免究問有能指實告
官者即依投匿名文書律問罪克賞等因
具本奏行本部查照舊例議得所言原告
脫逃將被告釋放中間有被告賊罪官吏
未免買求原告脫逃得以復還職役奸弊
滋甚難准其言驀越赴京誣告十人以上
者合無言軍餘旗校與捏寫本狀之人一
體問發邊衛充軍吏民人等連當房家小
發口外爲民在外官司誣告十人以上者
照依常例發落已經題

准通行遵守久矣又查得先該刑部給事中雷澤題
一件誣訴冤枉切見各處官吏軍民人等

伸訴冤枉來京有於

登聞鼓下抱訴者有於通政使司投

進者或因誣陷人命或因誣枉受贓或被土豪侵奪
財產姦淫婦女或挾讎隙拆毀房屋殺傷
人口如此之類負屈號天含冤呼地無路
可陳仰京控訴者得法司見行事例但有
各處軍民人等及爲事官吏除本身見被
囚禁或在配所拘役守哨等項果有冤枉
不得擅離者許令的親家屬齎本奏訴其
餘一應干已詞訟應合奏訴者開具明白
開寫年甲籍貫具本親齎及隱下壯丁故
令老幼殘疾婦女家人奴婢并雇倩他人

冒頂姓名抱及爲事官吏已經問結別無
冤枉捏詞奏訴者就將齎本抱狀之人問
擬如律違發寧家隨住仍行各處問刑衙
門將不出姓名壯丁在逃正身查提問罪
及抱本人詐作親齎臨時審出一體問罪
其奏告情詞不問虛實立案不行臣愚以
爲中間虛詐不實者固有其無奈含冤伸
訴者不無捏詞妄訴者雖多其招情不明
負屈無伸者不少俱各遠在數千里外此
處一時即無原行文案可照又無籍冊可
查及無證佐之人何以悉知本有壯丁本
無冤枉故令前項之人抱訴借日審出不

過用刑拷訊又恐老幼婦女人等一時畏刑虛招似此一槩立案不行不無虧損

皇上仁政如蒙乞

勅法司計議合無今後遇有前項人等抱訴俱照例問罪通發具奏告情詞照回聽理着落各該問刑衙門查勘真偽易知是非易得果有前項虛詐情由所訴不實方許不問虛實俱各立案不行仍將不肯出名壯丁并在逃正身查提問罪如無虛詐即與辯明回報其餘一應詞訟悉依先前法司奏准見行事例施行具本奏奉

聖旨該衙門看了來說欽此欽遵本部查無見行事

例議得前項奏訴之人除照見行事例施行外如果此處即無原行文卷可照又無冊籍可查及無證佐之人不知其本有壯丁本無冤枉者合無照例問罪所奏情詞行本該管官司查勘委無壯丁及果有冤枉者方許提問歸結若戶有壯丁及無冤枉俱各立案不行仍提壯丁正身問理發落又經會官題

准遵行外又查得先該都察院等衙門會官議得今後軍民人等詞訟俱要直言簡除謀反逆叛機密重情許其赴京奏訴外其有隣近親戚人等全家被人殘害人命本主無人

伸訴及官吏侵盜係官錢糧并一應干已
事情俱要依律自下而上陳告若有騫越
赴京奏告者俱照見行事例問罪給引遞
回所司聽理若有不干已事混同干已之
事多捏情詞開款奏告者有司從公叅詳
如告二事以上內有一事干已將干已施
行其餘不干已并代替他人陳告之事開
款雖多俱要案內明白開說某事不干已
立案不行某事干已應合施行勘合到日
原告不到者不許預先行提被告監禁案
候三箇月之上原告未到者查提本告的
親家屬到官追究果有患病謀害死亡實

跡照依常例施行若係受財買免及所奏
告不實故意中途逃躲不行到官及受告
謀反逆叛等項機密重情與無主人命官
吏侵盜係官錢糧不實者文武職官有犯
照例奏

請發落其餘旗軍吏民人等俱照誣告十人以上事
例屬軍衛管轄者俱發邊衛原係邊衛者
發極邊衛分克軍若有司管轄者俱發口
外爲民又經題

准通行遵守去後誠恐各處官吏軍民人等爲見前
項事例年久恃頑玩法不肯奉行以致御
史任英又奏各處刁潑之徒將不干已事

捏作革後有開款三五件十餘件者牽告男婦三四十人或五六十人者被告畏其牽纏只得用財買免招回及有原問官吏索要財物展轉推調以致良民傾家蕩產致死無辜要行內外問刑衙門先將告人審問果干已事方許施行如不干已及埋藏改換年月捏作例後立案不行止將原告問罪一節合再申明前項事例通行內外問刑衙門如有此等刁潑之徒驀越奏訴就便依例問罪遞回原籍官司即將奏訴革後干已事情先行照勘如果是實方許量提事內緊關干証人犯到官從公依

律問報如果仍前刁詐改換年月牽告人衆將革前不干已事捏作革後干已事情來京奏訴者官司即與查勘明白其奏告情詞就與立案不行仍將本犯從重問結內誣告十人以上者及謀逆機密等項重情與官吏侵盜係官錢糧并無主人命不實者連捏寫本狀之人究問得出仍照前例一體發遣若旗軍舍餘俱發邊衛克軍原係邊衛者調發極邊衛分克軍吏民人等俱連當房家小調發口外爲民文武職官有犯奏

請定奪在外官司或有如此誣捏者常例發落其原

問官吏如有不行用心究問情僞致令被告用財買免原告招回及索要犯人財物展轉其情畏避嫌疑推調不問以致良民傾家蕩產致死無辜者事發一體治罪又有非應受詞訟衙門內外守備官員人等多有不遵禮法率意妄爲擅作威福不問是非可否一槩濫受軍民詞訟公然捉拿私弔監打索取財物以致事務顛倒良善受害未便事發許巡撫巡按等官指實劾奏以憑拏問如此則刁訟息而刑獄自清矣

右件成化十一年十一月二十六日刑部等衙門

尚書等官董 等題田地絕賣與人造冊以定
若原問官吏不與分豁朦朧受理一體治罪例
成化十三年九月十六日刑部等衙門尚書等
官 等

題爲陳言彌災事山東清吏司案呈奉本部送禮
科抄出南京兵部等給事中鄭宏等奏切見南
京今春以來雨雪連綿三月初旬地道失時自
此以後陰雨過當六月初旬又雷擊震

奉天門簷瓦等處

天之垂戒莫切如此臣等愚昧無以塞職言路覩茲
災異警懼實深謹述事條陳以

聞雖不能補

聖治之萬一而犬馬之誠自不容已也今將所言事
件開坐具本該通政使司官奏奉

聖旨該衙門知道欽此欽遵將所言數內恤刑獄禁
刁訟二事抄出送司案呈到部會同都察院大
理寺掌院太子太保兼左都御史等官王 等
議查明白各立前件欲行南京刑部都察院并
內外問刑衙門查照原開事理一體遵奉施行
緣係陳言彌災及奉

欽依該衙門知道事理未敢擅便具題次日奉
聖旨

計開

一恤刑獄臣等切見去年兩京以及四方迭

見

皇上慮恐刑罰失中所致已嘗

勅令法司差官前去各處會同巡按等官審錄罪囚
皇上欽恤之意至矣夫南京法司囚犯數多中間豈
無拘於成案涉於嫌疑經年累歲不能完
結而冤屈無伸者乎而

欽恤之典有未之及此等罪囚怨氣鬱結足傷和氣
意者

天變之意未必不在此也乞

勅法司轉行南京法司照例會官將遠年累月事難
完結見在罪囚逐一審錄除人命招審明
白強盜賊仗已全凡情犯真重者監候處

決其餘情有可矜法有可疑者開具情由
奏

聞區處庶使獄無冤滯而天變可消矣

前件查得天順二年九月二十五日欽奉

英宗皇帝聖旨人命至重死者不可復生自天順三
年爲始每至霜降後但有該決重囚者三
法司奏請會議多官人每從公審錄庶不冤
枉永爲定例欽此欽遵又查得成化十二
年七月內太子少保吏部尚書兼文淵閣
太學士商輅等題刑罰聖人不得已而用
焉用之貴在得之中一失其中則和氣積
畜陽繆藝妖孽滋可不懼歟自成化八年

遣官天下詳審迄今將五年矣夫以京師之內一有冤枉今日告鳴明日或得以辯理其在偏州僻邑隔別上司寫遠豈無經年含冤於犴獄者乎乞選刑名老成官屬請

勅分投前去會審等因該本部會官議得在京法司見問囚犯俱該大理寺審允回報雜犯死罪以下就便發落死罪重囚俱候霜降後照例會審情真罪當者依律處決若有冤枉情可矜疑者具

奏定奪南京法司囚犯數多亦有大理事審錄輕囚就便發落監問重囚雖有量亦不多欲

行南京叅贊機務南京吏部尚書崔恭同
南京三法司堂上官會審合無亦候霜降
後會官審決與在京法司囚犯相同臣下
未敢擅便伏乞

上裁其浙江等十三布政司并南北直隸合無各差
官請

勅分投前去會同各該巡按御史都布按三司各委
官一員將見監一應輕重囚犯重加研審
真犯死罪情實無詞者仍令原問衙門監
候呈詳待報秋後處決果有冤枉即與辯
理情可矜疑陸續奏

請定奪雜犯死罪以下審無冤枉即便發落等因具

題奉

聖旨是兩法司重囚旣不多待霜降照例會審發落
欽此欽遵外續該南京刑部等衙門尚書
等官周宣等將會審過情有可矜重囚具

題已蒙

聖斷發落外今給事中鄭宏等又奏前因臣等看得
南京法司問結死罪重囚已經照例會官
審錄施行但監候提人照勘等項未曾問
結囚人於例不該會審中間恐事有未明
人無證佐淹禁年久難以歸結負屈無伸
者致有此言合無准奏轉行南京兩法司
如有見監年遠係干強盜人命重情難以

發落囚犯亦要原問衙門查審明白開具所犯情由奏

請定奪若是雜犯死罪徒流以下即便從宜發落不許久禁人難累及無辜

一禁刁訟照得越訴誣告等項律有明條告訐不干已事等項節有禁例近見各處官吏奉行不至刁潑之徒得肆其志不守法律欲害良善有將虛詞捏架動人語言而輕赴上司稱訴者有因自己一事而擗告他事數人又有遠年賣絕田地等項過冊已定或欺其子孫柔孺無知而告奪者或知其文契被水火盜賊而告爭者官府不

辯虛實但見辭語動聽輒與受理者有之
明知虛詞懼其害已而徇情准理者有之
被害之人有因力不能辯而屈抑買免者
有之有公辯而家破人亡者有之以此刁
民愈肆得志而詞訟由之繁興良善受害
負屈而怨氣尤足動

天乞

勅法司通行行榜文事例再行申明出榜各處禁約今後
除謀逆等項重情律內許令諸人陳告外
其餘一應詞訟止許被害者自下而上從
實陳告其告爭田地等項曾經三次造冊
以定及告訐不干已事者俱立案不行原

告問擬重罪枷號示衆若告官吏受理者一體治以賊罪庶得刁風止息良善獲安矣

前件查得天順八年正月二十二日節該欽奉

詔書內一款今後軍民詞訟除謀逆外其餘不問輕重罪囚自下而上陳告如有驀越赴京者法司即治以罪仍將所告情詞發回本處問理欽此欽遵又查得先該大理寺卿王槩等題今後軍民原籍戶婚田土鬪毆私債輕重法司行布按二司轉發各府勘問其告人命搶奪等項干已事情布按二司

先行各府州縣照勘如果是實量提緊關人犯問結若是虛詐就將原告之人問罪發落其告革前并不干已事俱立案不行

已經題

准通行遵守外又查得先該兵科給事中官榮題各處刁徒有分居年久又行告分者有將田產賣絕又行告贖者乞行禁約等因該部議得有告爭家財房屋田產等項詞訟務要從公勘理若有父祖以來分居以定親族寫立分書明白及田產以經實賣過割年遠者悉照原立合同分書賣契斷令照舊管業不許分重再贖題

往通行遵守去後今給事中鄭宏等又奏前因蓋因
各處官司不行遵奉前例致有此言合再
通行禁約通行內外問刑衙門今後軍民
人等凡有一應詞訟止許被害之人自下
而上陳告不許越告如有將干已一事牽
連不干已數事驀越來京奏告者止將干
已一事施行其餘不干已事照例立案不
行若有將自己田土絕賣與人造冊以定
又行告爭者所司查審明白將所告情詞
亦立案不行就將本犯提問如律照例發
落若原問官吏不與分豁朦朧受理者事
發一體治罪軍民人等添捏奏告詞訟中

間果有事干治體法不可止者亦必具奏
方許施行

成化十四年十一月初十日都察院掌院事太
子太保兵部尚書兼左都御史王 等

題尊長強擡幼女糾合賊盜事山西道呈刑部抄
出金吾左衛左所帶俸差操鎮撫已故屠斌女
氏具奏於永樂年間臣父屠斌爲因無子將臣
姐屠妙圓贅到順天府東安縣民人張福廣次
男張政名屠宗順爲過戶養老不歸宗婿父屠
斌存日將所遺家財銀兩器皿產業一分預寫
遺書命臣收照去後分管比臣年小盡與屠宗
順掌管正統八年臣父病故正統十一年有母

宋氏將臣嫁與本衛指揮盧璘爲妻後姐屠妙
圓病故臣母宋氏亦於成化五年病故臣要分
家財有屠宗順奸計你且待出你母喪了畢明
白分撥臣因母死痛切喪柩在堂曲思後被不
與要行告理兇托隣親劉剛陪認恐歇今思屠
宗順年老遺下家財被伊姪孫錦衣衛帶俸指
揮僉事張敬倚勢霸占節去理說及被欺罵叫
說待我祖爺命終那箇敢來爭務要打折胳膊
脚腿是臣訴說你如何敢滅屠家宗枝張敬愈
加逞兇暴怒指名罵臣老狗骨頭等語及百般
毀辱臣父母穢言成化十四年七月內被張敬
故將馬一疋收放在父母墳塋糞尿作踐臣見

痛切不忍又與理說復被惡罵要打見有看墳人林氏知見累次被害不過思得張敬官居貴重世享厚祿正當奉公守法竭忠以補報

朝廷豈期毀罵尊強娶姦占樂婦糾合強賊僭分欺公玩法無所不爲成化四年張敬豪橫放肆恣意將已故親叔張永肱膊打折未曾事露以此得志本年十一月二十日張敬居伊母喪因貪美色用銀二百兩強娶幼女張保詳來家姪宿又於成化五年二月內使銀三百兩娶到西院樂婦范四兒在家爲妾俱屬爲法有屠宗順將銀二百七十兩付與伊父張永收買小麥不料張敬窺知恨怒不捨置辦酒席暗央張勝糾

合強賊潛住沙窩村將張永邀截傷身死前
項收麥銀兩盡行打劫各入已後捉獲張勝恐
怕攀出實情有張敬警惧用銀買求各賊扶同
出脫張勝其餘強犯典刑有張敬發警每年與
張勝供給衣食有著有缺今年八月却又捉住
歇案強賊呂政見在刑部廣西司問理監候亦
恐呂政招出前情張敬又用銀兩買同不與語
前後用銀數目俱是張敬心腹人何全備知見
證等因具本該通政使司官奏奉

聖旨都察院知道欽此欽遵抄出到道案查先該屠
氏具

奏稱張敬強擡幼女買娶樂婦等情俱係不干已

事已經照例立案不行今屠氏又將前情及添捏故父屠斌存日將家財產業一分預寫遺書與臣收照分管今被張敬霸占不與等情奏來查得先該本院等衙門會官議

奏今後軍民人等一應奏告詞訟許通政司并該科從公叅詳除謀逆機密重情無主人命係官錢糧偽造寶鈔私鑄銅錢若干已事情外中間看出革前并不干已事及審出添捏等情例不該

奏就於本後明白叅出抄送該司再加詳審照例立案不行等因具題奉

聖旨是欽此欽遵具呈到院看得屠氏節奏張敬強

捏幼女買求樂婦等情俱係不干已事其稱伊故父將家財產業一分預寫遺書收照分管一節先次奏詞內原無開具因見本道立案不行方纔開奏恐是添捏况本婦出嫁三十餘年與屠宗順判無相干原其本心不過圖財產却乃故違禁例煩瀆

聖聽合當問罪但中間奏有強盜呂政見首張敬買免賊情在於刑部該司未委虛的除令該道將本婦所

奏不干已事并添捏事情立案不行送去刑部該司從重查問外臣等切見近來軍民人等奏告詞訟似此甚多法司原問官員或因事有嫌

疑慮恐撻拾牽告往往亦各准行以致聞風效尤獄訟煩多深爲未便欲再通行通政使司及六科今後軍民人等奏告詞訟俱要照依舊例從公叅詳若有革前并不干已事及添捏虛情務要明白叅出抄送問刑衙門再加詳審照例立案不行其原問官員并不許迴避嫌疑朦朧准行中間果有干治體法不可止者亦必具奏方許施行具題次日奉

聖旨是欽此

通行兩京法司并在外問刑衙門今後各處糧長并一應主守錢糧人員及兩京攬頭侵欺錢糧私自花費事發到官反行捏詞誣賴平人指

攀同類計取財物替伊陪納甚至牽連不干已
事并自己不行出官令人頂名奏告者不分奏
告虛實俱各立案不行各在外人役來京隱下
事發情由來京奏告者至該管官司亦要查出
本犯侵欺錢糧已經事發緣由將奏詞一體立
案不行敢有徇私施行者或上司查出或被人
告發從重問罪問刑衙門亦不許推避嫌疑

一禁刁惡以息詞訟切見江南地方連人爲
因錢糧浩大徵收繁難故設糧長以總催
納則小民有所統屬官府易爲會計近年
以來有等刁惡之徒營克前後役畧無忌憚
費錢糧如草芥視刑憲如飲食甲退乙進

父出子入皆因先前不才官吏賄賂交通
畏懼挾制不敢更換縱令終年在官恁伊
侵盜其間有侵盜倉糧萬餘石者有花費
官銀千餘兩者一遇上司比併將工人義
男頂名代追苟延歲月希望

恩宥少併緊急却又捏寫本稿雇倩慣詞訟之徒違
例赴京奏擾有將遠年還過私債而捏作
原詐糧價又將近日納過租稅而妄作係
官錢又有將原還田價而捏作恐嚇之數
者計開項下一二十款牽誣無干三四百
人及至行提對問正犯又不出官仍將家
人搪塞既不知情衆稱冤枉以致奉到勘

合終年不得結絕無干小民累歲被其牽
害間有廉明有司執法仗併輒便令人捏
奏賊前情本尚未結後本復又創行例該
克軍爲民刁惡自爲常事如蒙乞

勅法司今後如遇此等人詞審問不係正身及親弟
男就將抱本之人照例問罪遞回前項情
詞不問虛實俱立案不行仍行各處巡撫
巡按并在外問刑衙門如有奉到此等勘
合拘提本犯正身不出事無對證者亦將
雇倩之人照例問擬所奏情詞亦立案不
行

前件查得見行事例軍民人等干已詞訟應

奏訴者具本親齎投

進聽候歸結若有不行親齎雇倩他人冒頂姓名
抱齎者照例問罪迤回所奏情詞不問虛
實俱各立案不行今御史劉廷瓚奏稱前
因合無通行兩京法司并在外問刑衙門
今後各處糧長并一應守主錢糧人員及
兩京攬頭如有侵欺錢糧私自花費事發
到官反行捏詞誣賴平人指攀同類計取
錢物替伊陪納甚至牽連不干已事并自
已不行出官令人冒名奏告者不分奏告
虛實各立案不行若在外人役來京隱下
事發情由朦朧奏告者行至該管官司亦

要查出本犯侵欺錢糧已經事發緣由將
奏詞一體立案不行敢徇私施行者或上
司查出或被入告發從重問罪內外問刑
衙門不許推避嫌疑故違此例

文武職官誣告十人以上照例奏請發落例
成化十六年六月初八日都察院掌院事太子
太保威寧伯兼左都御史王 等

題爲擬事例以息刁訟事河南道呈查得見行事
例各處軍民人等原籍詞訟驀越赴京奏訴誣
告十人以上者軍旗舍餘問發邊衛充軍吏民
人等連當房家小發口外爲民其奏告謀反及
叛逆等項機密重事并無主人命與官吏侵盜

係官錢糧不實者文武職官有犯奏

請發落軍旗舍餘吏民人等俱照誣告十人以上事
例屬軍衛管轄者俱發邊衛原係邊衛者發極
邊衛分克軍屬有司管轄者俱發口外爲民此
例遵行已久但文武職官有犯誣告十人以上
於例不曾開載往往難以發落呈乞施行等因
到院臣等會同大理寺太子少保刑部尚書等
官林 等議得前項誣告十人以上者除軍民
人等仍照舊例發落外若文武職官有犯俱照
奏告無人命等項不實事例未敢擅便具題次
日奏奉

聖旨是欽此

通行各處問刑衙門遇有誣告十人以上發口
外爲民者或買脫或逃回又行捏詞誣告平人
者聽改擬附近衛所克軍并各衙門遇有僧道
軍民人等將爭競不明賣過及寺觀田土朦朧
投獻

王府假捏典賣文契掩飭者照例問發邊衛克軍
田土給還寺觀及應得之人管業例

成化十八年二月二十三日都察院等衙門右
副都御史等官戴 等

題爲處置民情事江西道呈

內府抄出鎮守江西司設監太監劉 奏前事叨
蒙

聖恩命守江西夙夜戰兢恐辜委任雖識見短淺無
所建明然有當行當革事宜不敢緘默今將三
事條陳乞

勅法司計議施行等因具本奏奉

聖旨該衙門知道欽此欽遵抄出到道除所言便驛
傳一事係兵部掌行抄呈本部施行外數內抑
刁訟禁獻二事具呈到院公同刑部大理寺太
子少保尚書等官林 等會議明白各立前件
欲行各該問刑衙門查照施行及行巡按江西
監察御史徑自出榜曉諭緣係會議事件及奉
欽依該衙門知道事理未敢擅便開坐具題本月二
十五日奉

聖旨准擬行欽此

計開

一抑刁訟看得江西地方文獻之邦然民俗刁頑素稱健訟有得奸潑之徒不務生理專一捏詞告人圖利肥己有因爭鬪小忿就將遠年病死人命捏作死有被盜賊竊去家財就告平昔有讐之人強劫有因爭競一事捏出不下已數事牽告百十餘人所司審出虛詐不與准理私忿不遂輒便赴京捏詞奏告及行提問百無一實中間又有一等豪惡之徒因事打死人命或占人田地姦人妻女搶人財物騙人財物被

人告發自知罪惡深重不肯出官對理却
乃隱下前情妄捏謀逆等項重情赴京伸
訴聳動

朝廷煩瀆

聖聽節蒙差官前來勘問往往虛多實少雖是明證
其罪但干連人衆累死者多况誣奏十人
以上者例該口外爲民其間多有正身不
去買屬解人故令家人頂解或於中途買
脫於配所逃回所以苟得偷生恬不知懼
臣情此等刁頑之徒玩法害民爲惡非細
若不另嚴禁條以抑之則刁風日盛民俗
日薄良善何由而安乞

勅下法司計議今後江西軍民赴京奏告人命賊私
搶奪詐騙及戶婚田土仍照常例行令所
司問報其間果有干礙地方不軌及一切
違法重情乞免差官止行巡按御史會同
臣與布按二司官究問明白具

奏定奪其一應奏告之人但有負累平人致死者
依律問擬誣告因而致死絞罪誣奏十人
以上者吏民人等免發口外爲民改發附
近衛所永遠克軍文武職官有犯具
奏定奪仍行令御史備榜曉諭如此則姦頑知懼
而刁訟少息矣

前件會議得太監劉倜等奏稱軍民人等奏

告人命賊私搶奪詐騙及戶婚田土俱行
所司問報干碍地方等項重情移行鎮守
巡撫巡按等官究問具

奏處置係見行事例別無定奪其稱勘問事情乞
免差官及一應誣告人負累平人致死者
要行徑擬誣告人因而致死絞罪一節照
得一應奏訴重情應不差官勘問法司臨
時擬奏取自

上裁難以定擬俱免差官及查得誣告人因而致死
者律無正條先年法司亦曾摘擬前律近
年以來此等囚犯俱比依誣告人因而致
死隨行有服親屬一人者絞今要摘律徑

擬誣告人因而致死者絞緣俱係真犯合
准所言通行內外問刑衙門遇有此等囚
犯徑自摘擬前律呈詳施行其稱吏民人
等誣奏十人以上免發口外爲民改發附
近衛所永遠克軍查得

大明律內誣告常人罪止滿流及有減等滿徒先法
司議擬奏

准誣奏十人以上者發口外爲民軍發邊衛克軍職
官有犯奏

請處置撥^癸之於律已是重於遠流今又要將誣奏十
人以上犯^囚改擬附近衛所克軍不無大重
人難遵守合無通行各處問刑衙門今後

遇有此等囚犯俱照前項見行事例問發
中間若有刁頑之徒恬終不悛或中途買
脫或配所逃回又行捏詞誣告平人擾害
良善者所司推問明白方聽改撥附近衛
所克軍旗軍舍餘校尉人等并職官有犯
照依舊例施行如此則刑罰適中刁頑知
警申明誣奏十人以上克軍事例

成化十九年九月二十三日該戶部等衙門太
子少保戶部尚書等官余等題該巡撫山西
都察院右僉都御史邊奏

一件禁奸詐以革刁訟事照得近年以來在
外府州縣衛所有等奸詐之徒不務本等

生理專一教唆詞訟於是遠近告狀之人
皆聞風贍利投寓狀詞既得其利務求副
其心不免虛飾文多方羅織或因告一事
而牽諸事或因告一人而混告一家旁引
四隣及至到官對理虛者十常八九以致
獄訟蝟興平人濫罹負害之苦文案堆積
官司徒費聽斷之勞揆厥本原皆由寫狀
之人有扇惑之也如蒙乞

勅都察院行移在外司府州縣衛所大小問刑衙門
今後受理詞狀之際狀後明開寫狀之人
如所告涉虛犯該徒罪以上并誣告十人
以上者告狀之人照依在京伸訴不實事

例民發口外爲民軍人舍餘發邊衛充軍
寫狀之人照依在外教唆詞訟事例不分
軍民舍餘人等俱發邊衛充軍軍人舍餘
原係邊衛者發極邊衛分充軍若狀係自
寫比對筆跡相同而所告有涉虛者亦照
前例而行如此庶使人知警畏刁風可息
詞訟可簡矣會議得

前件都察院申明舊例行節該奉

聖旨准擬欽此查得先該大理寺卿王禕題爲詞訟
事合無照例通行各處問刑衙門今後在
外軍民人等妄將輕事捏作重情驀越赴
京奏告者照依見行越訴事例問罪的決

遞回原籍官司勘問其中果牽連負累人衆但係誣告十人以上者軍發邊衛克軍民發口外爲民仍追究在京在外替寫本狀之人捏詞教唆及受顧寄之人鞫問明白不分軍民連當房家小發邊衛克軍其告革前并不干已事照舊立案不行若在京一應詞訟其替寫本狀教唆之人止照常例發落奉

聖旨是欽此

禁約擅入禁門及教唆詞訟誣告十人以上并寫本狀俱書姓名不干已事立案

弘治元年四月初二日刑部尚書何等

刑

題爲陳言事准兵部咨該彭城衛右所副千戶陶
瓚奏奉

聖旨該衙門知道欽此欽遵通抄到部除選軍政清
理軍伍放軍糧蘇軍餘係隸別衙門掌行看得
副千戶陶瓚奏稱禁奔以革囑託之害近年以
來有等無知官餘軍民人等專一奔趨

內府衙門交結近侍或攬事囑託盜用書簡圖書
凡可以營利肥己者無所不爲乞照洪武永樂
年間事例不許內外交結仍

勅東廠科道錦衣衛行辦訪察一節查得弘治元年
二月二十二日該太監覃昌傳奉

聖旨朝廷政事

祖宗俱有成憲今後五府六部都察院大理寺等衙門務要遵守不許徇情互相囑託有虧公道敢有寫帖子囑託係內官的將帖連人送與楊鵬外官的送與朱驥奏來處治若容隱不挈具奏的或體訪得出或被害之人奏發都治以重罪不饒欽此欽遵今奏前因緣有前項

欽奉事例別無施行其奏稱禁主寫以除侵良民之害切見京城人煙繁襍詞訟紛經中間多係爲事罷閑官吏人等苟圖衣食在京潛住專一主使起滅嘉害良善雖節有榜文禁約着令地方四隣供報况此等之徒狡猾百端埋名託籍最難懲治東遷西住不改前主亦有曾經主寫事

發克軍者今迎來京依前非寫似此之徒玩刑
憲如飲食視禁約如故紙明知故犯曾不加惧
非爲官司被擾良善多致戕生若不懲治甚傷
風化如蒙乞

勅都察院重出榜文嚴加禁約前項主寫無知之徒
許令諸人捉拏赴官照例問發仍行通政使司
今後軍民人等詞訟本狀務開書寫人氏姓名
於後倘有不實一體究問一節查得宣德四年
四月二十五日都察院官欽奉

宣宗皇帝聖旨軍民一應詞訟自下而上陳告不許
越訴已有定制近有奸頑潑皮之徒或犯姦盜
詐僞等罪被人告發克軍爲民做工等項或因

戶婚田土互相爭占并打奪要等事往往不遵制巧捏虛詞擅動實封及雇倩人赴京遞狀報復私讐甚至將清正好官人每也都捏詞告了攪擾官府好生無理恁都察院便出榜去各處張掛曉諭多人知道今後軍民人等除機密重情得實許具本實封奏來其餘一應私已事務非干朝廷機密的事都要將實情自下而上陳告敢有仍前不遵舊制擅動實封及雇人遞狀騷越訴告的不問實與不實即將犯人拏問并挨究主使及教唆捏詞并寫本狀的人不分軍民餘丁匠役等項都拏來各杖一百將正犯牢固枷釘連當房妻小發遼東邊衛充軍永爲定

例欽此欽遵切惟法嚴則人知懼訟簡則民自安伏惟

宣宗皇帝深知刁訟繁興害及良善是以嚴立禁例期欲爭自息強弱各安以共享太平之樂也今經五十餘年庸懦之吏既怠於遵行刁詐之徒亦莫知是懼雖屢經申明抵冒如況京城人煙輳集有等罷閑官吏刁潑之徒潛住其間往往替人寫本寫狀教唆軍民將不干已者排告官吏誣害良善或因鬪毆而添捏重情或因田土而牽告人命覽其狀詞似有可信及至勘問多是涉虛詰其寫本寫狀之人又稱過往客商不知姓名奸弊多端誠於副千戶陶瓚所言合無

本部出榜禁約但有罷閑官吏爲民克軍逃回人犯在於京城內外潛住替人寫本寫狀者許諸人捉拏送官究問明白從重懲治今後軍民人等詞訟除謀反叛逆奸細機密重情許將實情赴京奏告其餘一應人命戶婚田土鬪歐等項干已事情俱要自下而上陳告其奏告本狀後務要開寫代書之人姓名籍貫住址問理衙問審實方與提人對問如果奏事得實及重情告實輕事招虛者告人照常例發落其代寫本狀之人不必究問若非密而妄密無冤而詐稱冤牽告不干已事誣告十人以上或雇人遞狀或受人寄告或以建言爲由而蔓辭以報私怨或

以陳情爲說而巧詞以陷平人或隱匿自己姓名使老幼男婦出名抱告俱要問擬如律照見行事例發落及將代寫本狀之人行挈到官對問明白悉照宣德年間事例不分軍民餘丁匠役等項各杖一百將正犯牢固枷釘連當房妻小發遼東邊衛克軍若職官有犯奏

請發落其奏告不干已事先年雖有事例因革不常合無今後在京奏告本狀中間有不干已者立案不行止將原告問擬發遣如有一二事干已其餘不干已者將干已事情問理不干已者亦行立案於照出項下明開某事不干已照例立案仍行都察院一體禁約施行如此則刁頑知

懼而獄詞不致蝟興良善獲安而官司免其攬擾奉

聖旨是這等罷閑官吏在京潛住有擅出入禁門交結的着各衙門官子細盤詰拏住送錦衣衛着實打一百連當房家小押發煙瘴地面永遠充軍及教唆詞訟的錦衣衛五城兵馬司務要嚴加緝拏照例編發欽此

申明在京在外驀越奏告重輕不實并干連人衆民發口外爲民軍與寫本教唆之人俱邊遠充軍衣情書寫者常例發落

一件申明舊例以遵法事弘治元年十一月內大理寺馮 奏該都察院左都御史馬

等查照奏奉

欽依罷閑官吏在京潛住擅出入禁門交結及教唆
詞訟爲人捩寫本狀編發克軍除欽遵外
申明題

准軍民人等除謀反叛逆等項機密重情許赴京奏
告其有隣近軍民全家被人殘害人命本
主無人伸訴及官吏侵盜係官錢糧并一
應干已事情俱要自下而上陳告若有妄
將輕事捩作重情驀越奏告照依見行越
訴事例問罪的決遞回勘問其中果有牽
告負累人衆但係誣告十人以上并無主
人命與官吏侵盜錢糧不實職官有犯奏

請發落旗軍舍餘吏民人等屬軍衛者發邊衛原係
邊衛發極邊衛分克軍屬有司者發口外
爲民仍追究在京在外潛住寫本狀捏詞
教唆及受雇受寄之人鞫問明白不分軍
民連當房家小發邊衛克軍其在外原告
不赴本管官司告理越赴巡撫巡按按察
司告訴重情干連人衆全虛及誣告十人
以上者亦照驀越赴京奏告事例發遣在
京詞訟告言全不干已者立案不行
問囚發落限期并誣告十人以上發遣奏告
如侵盜官錢無主人命不實只照常例

弘治二年七月二十四日都察院題爲傳奉事

該太監常泰傳奉

聖旨近日京城雨水爲災南京又奏大風雷雨之異
朕當檢身飾行抵謹

天戒爾文武百官尤當各加脩省勉圖報稱毋事因
循各衙門政事有缺失當舉行改正的斟酌停
當來說禮部知道欽此欽遵傳奉到部轉行到
院臣等切惟水旱災傷自古有之雖聖帝明王
有所不免所以然者蓋由

天心仁愛人君故常警省使知自勵如堯有洪水湯
遭久旱正此意也洪惟

皇上臨御以來抑邪進賢遠佞親仁

朝野清明臣民歡慶宜乎來禎祥彌災異今兩京

災異如此正猶堯之水湯之旱實

天心作愛之正也

皇上不以爲然恐道有未至乃躬加檢飾恐職有弗脩乃勉令脩省恐獄囚冤抑乃降

勅審錄恐致事缺失乃

勅令陳奏所以回

天意以安蒼生者至矣矣盡矣吳臣等敢不悉心勉圖報

稱除痛加脩省外今將相應舉行改正事宜條

陳以

聞如蒙採行臣民幸甚緣節該奉

欽依各衙門政事有缺失當舉行政正的斟酌停當
來說事理一各處司府州縣衛所等衙門收問

人犯官得其人則淹禁者少非其人則淹滯者多一事有駁勘三四次者有監禁一二年者及累死被告却原告問擬死罪似此者甚多若不
定與程限誠恐流弊日滋合無通行天下問刑衙門今後除死罪重囚監候呈詳外其餘犯該笞杖者不過半月之內發落徒流及雜犯死罪者不過一月之內發落違者聽巡按御史查究應提問者就行提問應叅奏者叅

奏提問庶各官知警犴獄得清一查得見行事例誣告十人以上及奏官吏侵盜係官錢糧并無主人命不實者俱發口外爲民除誣告十人以上發口外爲民最爲允當其奏侵盜係官錢糧

并無主人命者依律已該徒流罪名不爲重况
侵盜係官錢糧者正犯滿貫斬罪亦得收贖今
將誣告者發口外爲民不無大過今誣告十人
以上者仍依前例施行奏告侵盜官錢糧并無
主人命不實者止照例發落則情法適均節該
奉

聖旨都准行欽此

都察院一本條陳利病事宜以保重地以惠困
民事奉

聖旨是今後在京在外軍民人等有牽撻不干已事
進本告狀驀越申愬及教唆誣指一切陷害無
辜平人的都照例發遣擺站克軍不許寬縱以

長刁風便行與各該理衙門知道

都察院左都御史張閏等一本清詞訟以安地方事內開切惟民生有欲不能無訟然訟者但當各直其冤各理其屈爲止無柰民俗日下於一本一狀內牽引不干已事動輒數千言誣誣無辜良善或至百餘人甚至將老幼婦女亦無所遺臣昔過慶陽聞其百姓寤居野處勾攝甚難及解去審又無大相干崎嶇凍餓原批帶回甚以爲苦今及三年來叨覆章奏節審本詞每見已結者多涉虛方行者率駕影以致囹圄填塞所在騷擾臣等查得問刑條律及查得先該刑部等衙門題該巡撫江西都御史張本奏處

置詞訟以安地方事續該刑科都給事中于瑁等奏杜訟端以彌災異事刑部會同本院左都御史戴珊等議得所奏蓋欲詞訟安民不爲無見查有節奏事例至爲詳悉合無備行所屬一體遵照題奉

孝宗皇帝聖旨捏詞訴牽連人衆的擾害地方你每議處了來說欽此再議得刁風不息若復牽連人衆擾害地方誠如

聖諭切恐此弊非特江南爲然今後法司遇有各處本狀除干重情照例施行其餘一切私事即與立案不行止將抱本人問罪遞回仍通行各該撫按轉行司府凡軍民詞訟若有撻撻至七八

十人并撥入傍事者不許准受及誣十人以上
悉照前例從重問結覆奉

欽依已經通行遵依去後夫何數十年來前例雖存
率皆因循廢閣蓋由承行官員遵守者未別違
背者欠懲謂其片紙下行即了公事誰念其拘
勾到門一家皆哭兼以輕忽者不肯爲處庸劣
者不知爲處怠緩者不能爲處其中貪酷者又
皆緣此恣其科罰銜其威福快其報復抑有推
一人必令攀撻數十人問事或羅織三五事因
而廢棄人生理破蕩人家產坑陷人軀命所以
干和致災釀意外之憂皆在於此伏望
皇上念民情隱當恤思吏道警候

命下之日通行兩京各該撫按南北直隸浙江等司
府州縣衛所衙門遇有本司到日及自行受狀
比照先今事例叅詳如係不干已事并干已者
牽摻至五七十人以上律該勿論接入傍事隔
別人民等項俱照例立案不行誣告者各照例
發遣內將應該問理干已事情逐一叅議其有
父因子累妻因夫累婦女弟姪因父兄隣佑累
者審係牽註各免拘提止摘拘緊關人犯完結
若係上司有行各該解報再於事內研審有無
干牽先將干已者摘名解報其餘具由申稟聽
候亦不許因而出脫耽誤人難復因此推避貽
累人衆如仍蹈舊輒將應立案者不立案應發

遣者不發遣應摘名解報者不報以致蚩蚩蠢蠢奔走道路事發輕則問以遠

制重則枉法論干礙應叅官員指實叅問仍開賢否內考察之日從重別議臣等再推撫按官員膺一方負托握兩臺風紀於此等民害務在懇切嚴督所屬着實遵行使訟簡刑清爲生靈再造但地方省一事即爲便一事減一人即爲安一人所期釋縛解懸掃蕩糾紛力圖肅清以培治體等因奉

聖旨是今後在京在外問刑衙門遇有本詞到日及自行受理詞狀務要研審事情凡係不干已事及干已牽連羣五七十人并撥入傍事等項的

俱照例立案不行誣告的發遣其餘俱要依擬
着實遵行不許貽累無辜平民致傷和氣

都察院一本傳奉事本年六月二十六日該司
禮監太監張淮傳奉

聖旨在京在外各府州縣軍民人等有先年將房屋
地土賣典當與人的近日以來多妄引詔書一
槩混賴霸占甚至捏詞奏告脅騙財物好生有
傷治體在京的都察院便出榜禁約在外的着
巡撫巡按官一體禁約還着緝事衙門好生訪
察捉獲究治如違必重罪不饒

都察院一本承德意陳愚見以裨脩省事內開
看得御史劉謙亨等所言事件俱切民瘼既

蒙

聖明采納相應議請施行除重令事係吏部等衙門
有

旨者本院移咨徑自查覆外其敦民風寬甲從事理
合行開立前件議擬上奏均乞

聖裁等因奉

聖旨是赴京奏告不干已事考查考覆被劾人員挾
私人員捏詞妄奏及囚犯撫拾原問涉虛的俱
有奏行事例近來多不遵法司還查照通行禁
約有犯的依例發遣京師總甲委的負累已有
詔書例着巡城御史該部委官申明嚴行禁約痛革
科索宿弊如有違叅拏究問

計開

一敦民風以惜名氣

前件查得問刑條例一款各處軍民詞訟除
叛逆機密重情俱要自下而上陳告若驀
越告者問罪遞回所司聽理若將不干已
事件開款施行不干已者明白開款立案
不行又一款曾經考察覆被劾人員若懷
挾私忿妄捏撫拾經官員別項賊私不干
已事者一分見任致仕閑住一體問發爲
民奏詞不問虛實立案不行又一款文武
官吏人等有妄奏冤枉撫拾原問官員勘
問涉虛原問爲民者發口外爲民原問克

軍者發極邊衛分充軍又爲懲大誑以全大體事給事中陶諧奏行都察院今後官吏軍民人等奏訴各在情節真實詞語平直並不許將曖昧無所稽文事醜穢不可問之言褻瀆

宸聰俱久已遵行外今御史劉謙亨又以爲言大各與前例相合再申明禁約若有故違俱各查例舉行則刑獄平人心服名器重而風俗厚矣

一寬甲役以安地方

前件看甲一事最都民目前之患役雖小而弊滋大其故始於編魚之不公繼以繁苦

以致折屋賣地土往往有之試如御史劉謙亨所論者本院欲候

命下備行五城御史將繫京人戶從公審編除例優免之家量准優免其親族人戶及別置產業不得冒認影射獨累貧弱事完造冊存照仍行工部街道官錦衣衛司房官今後做工點卯等項一切裁省查照節年申明事例嚴行禁約無名科索一體痛革者聽巡城御史訪拿叅問其有人命姦事速行勘斷以革展轉攀捲之苦庶甲役平而民樂耕之地咸得所矣事體重大者聽各官臨時具奏

定奪

教唆寫本狀人發邊衛克軍例

成化元年九月二十六日太子少保兵部尚書
等爲公務事今將成化二年僨運糧儲合
行事宜并漕運總兵等官署都督僉事楊茂等
所言事件會同各部都察院太子太保兼吏部
尚書王 等逐一議擬開立前件具題次日奏
奉

聖旨都往擬欽此

計開

一直隸蘇常等府常熟江陰等縣罷閑吏典
刁潑無籍之徒往往替人寫狀捏詞教唆

驀越赴京奏告又有富豪大戶不安本分
用錢雇覓他人出名告狀報復私讐排陷
良善牽連人衆不得安生及至行移巡按
御史并該府提問皆是涉虛乞

勅法司計議通行巡按御史并問刑衙門今後赴京
奏告務要追究寫本狀教唆之人問擬明
白照天順年間例發邊衛充軍庶使刁訟
殄息良善獲安

前件桂擬

內外替寫本狀捏詞教唆之人發邊衛充軍
例

成化二年正月初六日都察院右都御史李

等

題爲陳言時政事禮科抄出巡按直隸監察御史
李傑奏一件條約刁訟以清刑獄事照得直隸
蘇松常鎮等府常熟江陰等縣地方廣闊人民
繁庶近年以來有等罷閑省祭官吏刁潑之徒
往往替人寫本寫狀捏詞教唆驀越赴京妄行
奏告又有富豪大戶用錢雇倩慣熟對詞之人
出名告狀或假以建言爲由擅動實封或將輕
事捏作重情及至行移巡按御史并該府提問
多是涉虛查得先該刑科都給事中喬毅奏稱
軍民詞訟悉照洪武永樂年間止許自下而上
陳告不許驀越赴京伸訴敢有故違徑自不干

已事并

赦前事告言及輕事告實重事招虛告十人以上者
軍發邊遠充軍民發口外爲民仍追究寫本寫
狀之人發充軍役等因天順元年四月二十七
日該都察院等衙門右都御史等官耿九疇等
奏

准今後軍民人等詞訟除謀逆機密重情許令赴京
指實奏告外其餘一應詞訟務要自下而上陳
告官司悉與從公理斷若是所司不受理及問
斷不公者照依正統十一年五月內奏奉

欽依事例罪坐所司敢有驀越赴京伸訴將不干已
事并

赦前事告言及輕事告實重事招虛誣告十人以上
者或坐家指以建言爲由妄將輕事擬作重情
告言人罪擅動實封雇人遞狀受人寄告者通
發究問明白照例將本犯并主使教唆寫本狀
之人軍餘旗校斷發邊衛充軍吏民人等連當
房妻小發口外爲民一向悉知畏懼刁潑屏息
詞簡民安近因前項條例革退是以刁潑之徒
將革前不干已事并遠年死下一槩捏作人命
逼詐財物牽連人衆以致刁訟日繁良善被害
如蒙乞

勅都察院備榜申明通行禁約今後赴京奏告全虛
者務要追究寫狀教唆之人問擬明白仍照天

順年間事例軍發邊遠充軍民發口外爲民具
本該通政使司官奏奉

聖旨該衙門知道欽此欽遵抄出到院查得先該大理寺卿王 等奏稱今後軍民原籍詞狀除告謀逆奸細重情外其餘戶婚田土鬪毆私債輕事法司行仰布按二司轉發各府州縣照勘如果果是實量提緊關人犯問結若是虛詐就将原告之人問罪發落其告革前并不干已事俱立案不行及查得本官又奏稱但係軍民奏告原籍詞訟不分抱本抱狀之人及自行奏告者悉照例問擬越訴罪名遞回原籍官司問理等因奏奉

聖旨是欽此又查得巡撫南直隸右副都御史劉政
奏稱直隸蘇松常鎮等府常熟等縣罷閑吏典
刁潑無籍之徒往往替人寫本寫狀捏詞教唆
驀越赴京奏告及有富豪大戶用錢雇覓他人
出名抱訴告狀報復私讐排陷良善及至提問
皆是涉虛今後赴京奏告全虛務要追究寫本
寫狀教唆之人問理明白照依天順年間事例
發邊遠充軍等因該吏部等衙門尚書等官王
翱等議擬具題節該奉

聖旨准擬欽此欽遵已經通行蘇松等府問刑衙門
遵守去後今御史李傑又奏要照天順年間事
例凡有驀越赴京伸訴將不干已事并

赦前事告言及輕事告實重事招虛誣告十人以上者軍發邊衛克軍民發口外爲民一節緣驀越赴京奏告已有前項王傑奏

准事例見行未久若依李傑所奏不無所奏法令過嚴事愈紛更人難遵守所言難准其奏追究寫本寫狀捏詞教唆之人問發克軍一節雖有都御史劉政奏行事例緣彼時止是議行蘇松常鎮等府未經通行合無准其所言通行內外問行衙門今後但有替人寫本寫本捏詞教唆之人究問明白照例發邊遠克軍如此庶法令適中事體歸一具本次日奉

聖旨是欽此

在京替寫本狀教唆之人照常例發落例

成化二年二月初六日大理寺卿 等

題爲申明舊例事照得先該都察院題該巡按直隸監察御史李傑奏稱蘇松等府刁潑人命往往替人寫本寫狀捏寫教唆驀越赴京妄行奏告有等富豪大戶用錢雇倩慣熟對詞之人出名告狀假以建言爲由擅動實封或妄將輕事捏作重事及行巡按御史并該府提問多是涉虛要照天順年間事例備榜申明禁約今後驀越赴京奏告全虛者務要追究寫本寫狀教唆之人問擬明白軍發邊遠充軍民發口外爲民本院查得近該大理寺奏今後原籍詞訟事輕

行仰各府勘問其告人命搶奪等項干已事情
布按二司先行各府州縣照勘如果是實量提
緊關人犯問結若是涉虛詐就将原告問罪發
落其告革前並不干已事俱立案不行緣薦越
誣告已有前項奏

准事例見行未久所言難准其奏追究寫本寫狀掇
詞教唆之人問發充軍一節合無准其所奏通
行內外問刑衙門今後但有替人寫本寫狀掇
詞教唆之人追究明白照例發邊衛充軍等因
成化二年正月初六日本院左都御史李秉等
題奉

聖旨是欽此欽遵該刑部陝西等清吏司發審犯人

趙昂等各犯該爲人捏詞寫狀增減情罪及受財枉法等罪照例克軍本寺看得趙昂等寫本狀係是在京訟比與舊例不同已撥改發外竟前項條例因是議奏不明一向窒礙難行但查天順年間舊例在外軍民人等驀越赴京將不干已事并革前事告言或輕事告實重事招虛誣告十人以上者或坐家指以建言爲由擅動實封雇人遞狀受人寄告者通發究問明白照依正統年間事例將本犯并主使及教唆捏寫本狀之人軍餘旗校斷發邊遠克軍官吏人等連當房家小發口外爲民在京詞訟有替人寫本寫狀捏詞教唆之人追問明白發邊遠克軍

不無問刑太簡况寫本寫狀教唆之人槩發充軍其正犯及雇倩受寄擅動實封之人却照常例發落未免輕重失倫合無仍例通行各處問刑衙門今後在外軍民人等妄將輕事捏作重情驀越赴京奏告者照依見行越訴事例問罪的決遞回原籍官司勘問明白其中果有牽告負累人衆但係誣告十人以上者軍發邊衛充軍民發口外爲民仍追究在外在京替寫本狀捏詞教唆及雇寄之人鞫問明白不問軍民連當房家小發邊衛充軍其告革前并不干已事照舊立案不行若是在京一應詞訟其替寫本狀教唆之人止照常例發落如此則法令適宜

刁訟自息具題奉

聖旨是欽此

禁約登聞鼓訴冤自行傷殘

成化二十二年十一月二十六日都察院左都

御史邊等

題直鼓事該給事中陳壽題成化二十二年十一月二十三日早據直鼓校尉李柰報鼓下有一婦人先不知名後審知是山西太原縣軍籍劉江妻任氏手執杖前到鼓下用刀將項下割傷據報得此臣隨赴鼓下令原報校尉李柰將本婦連刀收候將訴狀另本封

進外叅照任氏既有冤枉事情只合擊鼓伸訴不

合先自傷殘應合究問等因奉

聖旨近來鼓下抱狀人節次自行傷殘皆因直鼓人員不行守直都察院看了來說任氏錦衣衛掣了問欽此欽遵抄出到道查得舊例

登聞鼓專爲伸冤理枉而設凡軍民人等陳告戶婚田土鬪毆相爭軍役等項事務止許具狀赴通政司并當衙門告理不許徑自擊鼓守鼓官員不許受狀若所告係伸冤枉并陳告機密重事方許具狀入奏欽此欽遵准錦衣衛經歷司手本開稱前項月日看鼓校尉寇海李柰姓名等因又行准本司手本開看鼓止是校尉二名並無官員直鼓緣由回報前來查呈到院看得

登聞鼓之設所以伸冤抑達下情關係不爲不重
又於六科錦衣衛輪撥官校守直防範不爲不
嚴近來訴狀人等有自行傷殘失係官校失於
嚴謹所致但中間亦有奸頑之徒將於例不該
奏事情誣捏虛詞要得聳動

朝廷却令婦女人等故自傷殘如孔子曰所謂膚
受之懇萬一得行及墮其計今照擊鼓給事中
陳壽看鼓校尉寇海李柰各不合不行用心提
督防閑俱各提問如律奏

請發落若任氏訴有虛詐亦就追究教唆主使寫狀
之人下落查例施行乞

勅錦衣衛添撥官校相兼守直仍請給

聖旨榜例於東西長安門外常川懸掛曉諭今後各處軍民人等若有冤枉重情例該赴鼓下伸訴者方許擊鼓伸訴其餘戶婚等項一應詞訟不許違例擊鼓若敢似前傷殘恐嚇官校受奏者一體追究治以重罪所訴情詞立案不行其直鼓官員務要嚴加提調及該班校尉必須終日看守并不許時刻怠玩詞狀例該受奏者即與受奏亦不作故刁難若再有傷殘并該直不到及生事刁難等項許錦衣衛堂上官訪察的實叅

奏挈問如此庶不負

聖天子視民如子之心下得以達四方之雍蔽矣題

奉

聖旨是寇海李柰錦衣衛挈了問今後守直官添一員校尉添四名榜牌只照舊申明陳壽旣該直鼓不行嚴謹防閑以致訴狀人自行傷殘本當挈問且饒這遭欽此

刑部一本傳奉事內開臣等切惟刑獄者

朝廷重事上而國法所關下而民命攸係凡在京在外問刑衙門官員正宜恪守律例慎脩職守執法堅定而杜請託之私斷獄詳明以戒偏枉之失庶使法皆得平人無冤訴但近年以來法久玩生所司忽於故常人怠於因習其間遵守

國法保惜民命者固多亦有任意偏聽徇情受囑
因而斷訴欠明以致各犯懷揣詞狀擅入禁門
伸懇冤枉上煩

聖慮戒諭諄切雖古

聖帝明王恤刑慎獄之心何以加此臣等又惟

朝廷設通政司置登聞鼓所以達冤抑而通下情
者亦已備矣近來有等無籍之徒刁詐者巧圖
規避愚頑者聽信主使往往擅入禁門妄捩情
詞叫稱冤枉誠恐轉相放效肆意瀆擾有傷國
體合無嚴加禁約今後一應軍民人等果有冤
枉者止許赴通政司或

登聞鼓下投進本狀在京者聽本部在外者聽都

察院叅詳虛實施行其有擅入禁門妄叫冤枉
及有撫拾辱罵原問官并挾制官吏與主使之
人俱照例從重問擬欲候

命下之日先行出榜在京曉諭禁約及咨行都察院
等衙門知會通行南北直隸天下司府衛所州
縣各該衙門一體出榜常川懸掛曉諭通知務
在着實遵守不許虛應故事庶官有定守民有
定志等因奉

聖旨是便出榜仍通行天下曉諭禁約務在着實遵
守不許虛應故事

都察院一本鉏豪惡以安良善事奉

聖旨是這所奏白昂事情着巡按御史提吊緊關人

卷再問明白來說今後刁潑婦人故自殘妄叫
冤枉捫詞奏告的廠衛緝事衙門照例叅送法
司從重治罪不許容縱通行邊關遇有背黃包
袱口稱赴京進本之人審無封底劄押回巡撫
等官究問

一件地方民情事弘治元年七月內巡撫宣
府等處都察院右副都御史張 奏該刑
部尚書何 等題

准行令居庸紫荆倒馬等關內外守備官員嚴督守
把官軍但有背黃包袱插旗之人聲言赴京
奏訴冤枉便送赴守備官處嚴加驗辯其
真偽若果實封及雖無實封但有底劄者

不問事情輕重俱照舊寄名放過若無實封亦無底劄止將

大誥黃曆諸書空紙用袱包裹假作實封即係畏避糧差要謀脫逃人犯押回本處巡撫等官究問發落

一件刁徒背黃袱入衙門挾制官吏果有冤枉民發口外爲民軍發邊衛發極邊衛分克軍職官奏

請婦人罪坐夫男并坐主使之入

一件刁民挾制官府事弘治元年十月內浙江按察司奏該都察院左都御史馬等

題

准通行南北直隸并浙江等處巡撫巡按等官備行
都布按三司各行所屬大小衙門今後刁
詐之徒不行赴京奏訴輒將

大誥奏本鼓狀用黃袱包背頭插黃旗直入各衙門
凌辱官吏欺侮良善者所在官司就行拏
問若所告係干已事情中間果有冤枉者
止照常例發落若所告不係干已事情或
係干已事情別無冤枉情由者問擬明白
申詳本處巡撫巡按官係吏民人等俱發
口外爲民軍發邊衛克軍若係邊軍者發
極邊去處常川守哨文武職官有犯奏
請發落婦人有犯罪坐夫男者追坐主使之
人俱照

例發遣在外刁頑駕空告訐并不干已事者問罪立案不行若告被人侵奪房屋等項或告一事牽連不干已事辯理者官司即與受理斷結例

成化三年五月十六日刑部尚書陸 等

題爲議事准禮部咨該巡撫山西等處都察院右
僉都御史李

題內一件查得先該大理寺卿王 奏

准今後軍民赴京奏告詞訟但有革前不干已事俱立案不行以此人知警懼詞訟頗簡近見山西官吏軍民人等中間多有奸頑刁潑之徒要得嚇取財物報復私讐徃徃有將

革前并不干已事訴告因是在外無例禁
革各該衙門俱爲受理提對牽連人衆多
者百餘少者數十虛多實少致使刁頑遂
其奸計良善被其擾害如蒙乞

勅法司行各司府州縣受理詞狀亦照例但有訴告
革前并不干已事者就将原告問擬違例
罪名所告事情俱立案不行庶使奸頑知
懼詞訟少息抄出到部會同各部都察院
官議得前件法司查行成化三年五月初
六日各官於

奉天門題奉

聖旨是准議欽此欽遵移咨到部送司除查前例相

同外案呈到部臣等切惟在外司府州縣
受理詞訟比之軍民赴京奏告詞訟不同
蓋軍民之中固有刁頑之徒亦有良善受
害將情赴親臨司府州縣告理不受亦有
受理不能明白是非以致往往赴京奏告
惟官府准信添挽革前并干已事牽連
人衆淹延歲月案牘不清平人被擾天下
之廣億兆之衆若非申明禁革何以止息
噐訟每有違例赴京奏告之人法司依律
問罪發回該管司府州縣勘問革前并干
干已事立案不行其在外司府州縣詞訟
多係所屬軍民地方切近易爲勘理革前

之事有例不許告言若告被人侵奪房屋
田地爭論戶婚財產等項罪雖革前事當
追究告一事干已牽連不干已事亦當與
人分辯難以一槩問罪立案不行以遏下
情合無今後在外司府州縣詞訟果有刁
頑之徒駕空告訐革前并不干已事不須
追究分理者就將本告問罪立案不行如
是被人侵奪房屋田產之數或告干已牽
連不干已事必須追究分理者該管官司
即與受理從公斷結照依見行律例施行
如此則下情不至於壅遏詞訟亦得以清
理矣緣係會議查行事理未敢擅便具題

次日奉

聖旨欽此

置簿查考詞狀以革吏弊

成化十年五月二十八日禮部等衙門

題爲建言民情事成化十年月日不等於禮科抄
出浙江紹興府等衙門通判等官人等齊璇等
建言民情事件該通政使司官看係建言事理
合着禮部抄出會官議奏奉

聖旨是欽此欽遵抄出到部會同各部都察院通政
使司大理寺六科給事中議得數內事件合往
所言宜從吏部等衙門查勘定奪施行未敢擅
便具題奉

聖旨是欽此

計開

河間府寧津縣縣丞闕言事

一件革吏弊且如府州縣吏典旣免其徭役復後其俸給欲其在房專心書辦以承役使也近年以來有等掌印官員但知接受民間大小詞狀准行在房不知用心鈐記防範將來故吏典乘其間隙有先行勒索錢物而與施行者有受賄按詞而滅跡無從追究者有無錢而經月不行者以致民之理直者啣冤無訴理曲爲得志雖吏之瞞官皆由掌印官員致然也今後凡遇民

間告理大小詞訟等項經官員編其號簿
用印鈐記以憑查考即與次第分理銷其
號簿庶使吏弊止息民冤得伸矣及將各
房吏典不時點聞令讀

律等書毋縱容在外遊蕩擾民違者依律究問

舉選將^材又設立武學事例

天順八年十月十五日兵部等衙門尚書王

等

題爲陳言事該太僕寺少卿李侃將激

勸臣民十事條陳具奏內一件激勸武藝以收

豪傑

國家承平日久人不知兵舊時明曉戰陣之將皆
已亡故知兵者少於無事之時預爲選將練兵
可也若乃奔鯨觸網封家荐食事起倉卒呼吸
風雨然後求猶汲江西以救涸輒則無濟於事
矣欲選將練兵而武學之科不可不設也漢武
帝以良家子而立選卒得甘延壽趙統國用之
唐開元置明孫吳兵法之科卒得裴端復郭子

儀用之宋太祖尽勅諸將讀書史閱義札而復設武學之科甲勅諸道解送漢唐宋之所以治安者豈非設武學得豪傑以爲用乎秦使豪傑居於豐沛而兵起隋使豪傑聚於晉陽而亂興秦隋之所以致亂也豈非無武學而俾豪傑也適乎如蒙乞

勅該部會多官計議行移天下衛所府州縣分不分軍民校尉舍人餘丁吏卒監生陰醫生僧道匠役每歲各舉通諸家兵法或弓馬熟閑或勇猛才力或武藝絕倫者一人札送至京與兩京武臣之第通兵法者同試之置立舉場於文武群臣內推舉通曉孫吳諸家兵法及知武藝者爲

考試官亦照文場制度閑防以策論定去留以
方馬定高下或取三十人或取五十人務兵法
精通武藝殊絕者而取之仍揭榜以示中者進
之

大廷復試之分三甲賜之品級出身如此則武臣子
弟爭先效用豪傑之士將由此而進又何患將
帥之不得其人乎其各處奉送至京下第者另
立一營就令選中者領之支給月糧馬匹令其
演習以待下科遇警亦得調用具本奏奉

聖旨所言激勸十事中間亦有可取該衙門斟酌行
欽此欽遵會同

內閣五府各部都察院通政使司大理寺六科十

三道等衙門官少保兼吏部尚書華蓋殿大學士李 等議得武學之設因為今日要務但立法取人貴合時宜不必拘於設科當制而當以存舉為先兵部行移南北二京及下軍民大小衙門令於所屬官員軍民旗校舍人余丁人等內廣詢博訪不拘歲月不限名數但有通曉兵法謀畧出衆者為便捷堪為舉用者即便從公保舉屬衛者禮送該管都司屬有司禮送該管布政司俱從巡撫都御史巡按監察御史公同都布按三司官從公考試如無都布按三司去處從巡撫都御史并巡按監察御史考試其南北兩京亦令軍御有司禮送南北直隸巡按監

察御史帶管考試所考人財如果謀畧弓馬可
取就令各該衙門仍各送兵部宜從本部會同
京營總兵官於帥府考其策畧於教場內試其
弓馬有能答策二道馬上中二箭以上步下又
中三箭以下官員於本職上量加署職三級旗
軍舍余人等俱授以試所鎮撫民人授以各衛
試經歷俱月支米三石能答策二道馬上中二
箭以上步下又中一箭以上者官員於本職量
加署職一級旗軍舍余人等俱授以冠帶總旗
民人俱授以各衛試知事俱支月采貳石養贍
俱送京營總兵官處贊賞方畧量用把總管隊
听候調遣後果能奮勇克敵建功仍听該領軍

總兵等官將各人着實功跡明白具奏另行議擬請

命陞擢如畧策弓馬俱試不中者听其回還原衛原籍各從本等職役其南北兩京司府衛所州縣并所在山林幽隱之處官員軍民人等之中若有著實才兼文武韜畧迥出武藝殊絕抱大將材足以建立奇勲偉績而恥於自顯者亦合行移兩京文武大小官員并各該撫按都御史巡按監察御史并都布按三司官員務在於報國尽心多方詢訪果有其人不拘有無官職明著實行實跡具本保奏徵收到京另爲奏請擢用臣等又議得前項存舉緣由因時制宜固可

以收一時之雄才而預爲教養尤足以羅後日之豪傑合無照依先該刑科給事中金紳奏言設武學以育將材緣由兵部會官議奏事例再行申明通行南北二京各該衙門欽此施行具題奉

聖旨是往擬欽此

武學作養將材每朔望總兵并兵部下各提督成化十三年八月十三日兵部右侍郎馬得京衛武李專爲作養將材而設今既廢馬今當脩舉况今北虜窺邊勢声甚大正廣求將材脩飭武備之時如蒙乞

勅各營總兵官內外提督官員公同於各營見操武
戢內通選年二十五歲以下不分都指揮千百
戶俱係人物魁宏器宇軒昂方馬熟閑者或一
百員或五十員把總管操等項不動又選都督
都指揮應襲兒男俱送武學該操之日照舊赴
操歇操之日赴學讀書遵依

欽定孝規辰初入學未時而散如果年長不能讀書
者令其聽講設大義年雖二十五歲以上願入
學者亦听不許專讀儒書務要熟讀武經及講
習安營布政奇正相生等項大將事業仍

勅浙江等處提督學校按察司副使等官將各所屬
有學校去處每衛所選棟武戢子弟并軍下兒

男三十名專習武經及弓馬武藝不時考試及

乞

勅吏部推舉學老成出身科第頗曉謫畧之人及御

史主事等官有以公罪罪黜爲民者具奏除授

武學教授訓導專心訓誨務期有公仍乞

勅各營總兵內定委一員同本部侍郎每朔望下季

一次提督如此庶使有成法而武學不爲徒設

將不乏材而

國家得教人用緣作養將材事理具奏次日奉

聖旨是教官吏部棟相應的選用罷斥爲民的不准

欽此

兵部一本脩舉 邦政事照得兩京武學會舉
事例甚成典也近因停止學正廢弛合無今後
悉照舊例而行等因奉

聖旨是南京武學准照舊例六年會舉邊鎮贊畫等
項事宜依擬行

添設武舉

成化十四年五月十六日兵部等衙門尚書等
官余等

題爲作養武職事該

御馬監太監汪直題臣節蒙差往南京遵化等處
公幹看得各所衛管事操守官員多不堪用曾

問以操練方法部伍數目守城漕運事件多不能對及看得城堡軍器教場皆有廢壞不見修理近因遼東邊方有事訪求將官臣聞得掌管兵政大臣俱又乏人可用臣思得天下文武大小官員不下七八萬俱係妄受官祿坐養錢糧無戰守之能有享安之費不務操習不安政事以貪暴爲能事累有犯過惡百端細密其源只因無教槩以下才之質恃有官職而使之然也又看得年會試舉人三千余人中進士三百五十約該十中取一也比與軍官七萬有余於中推選堪用之材畧無二三進士中亦有武職子孫因教有有孝成此良材軍職無教無學遂成

不肖此皆學則成材不學無實之驗也今內外
武將缺少必須如選取進士法則作養武職以
爲將來之用庶得有人如蒙乞

勅兵部京營總兵提督等官會議先取天下曾經保
舉未試將材人員通取至京考試按用將天下
武職官員并應襲兒男三十以下二十以上人
性品資可教之人揀選教訓听兵部立法訓教
供給激勸試用四項則例照依生員三度考試
於衛所定與數設科考試中式之人起送赴部
亦有會中

殿試中式者宴飲

賞賜都如進士事例施行定高下分優劣量才陞

授分理軍政相成武功庶可以破敵禦侮前項事件合無着兵部等官會議施行實爲便益具題奉

聖旨兵部便會官計議了未說欽此欽遵看得太監汪直奏要你養武職設科取用大意爲

朝廷得人事体重大非臣本部與京營總兵提督等官見聞所能周悉必須會多官議方能取衆善之長合無通會多官令五府各部都察院通政司大理寺并科道官員掌科掌道官員與所擬京營總兵提督等官從長計議將合行事宜另行奏

請定奪具題奉

聖旨是欽此欽遵臣等會同計議得武舉一途自古
及今詳略不一如周人以射御賓興已有用武
戢士之意而未有其名漢人以兵法募召遂有
用取士之名而未有其科迨唐及宋武舉與文
舉同時鎖試武舉以策定論去留以弓馬定論
高下有一舉得十二人者有一舉得三十人以
上者榜首賜武舉及第余並武舉出身自國入
朝仰荷

太祖高皇帝創之肇自洪武初年凡軍官襲替戢事
年二十歲以上者俱要此試弓馬中者支俸管
事不者半俸中管事過三年再總小旗俱要併
槍勝者收役不才者總旗降克小旗小旗降克

軍人不要再併及於天下學校俱設射圃生員
朔望俱設令習射是即古昔武舉遺意正統六
年蒙

英宗睿皇帝於南北二京開設武學內分爲居仁由
義崇礼弘智惇信勸忠六齋望教武職應襲子
孫用其作養將材正統十四年京師戒嚴未曾
興舉天順八年三月內爲陳言事該刑科掌科
給事中金紳要設武學以育將材兵部會官議
得要於在京設立武學去處俱令五府各衛應
襲子弟入學肄業節該奉

聖旨准議欽此欽遵續爲陳言事該太僕寺卿李傑
題內一件激勸武藝以收豪傑

國家承平日久不知兵法旧時明曉戰陣之將皆已亡故知兵法者少要設武舉之科兵部會同內閣五府各部都察院通政司大理寺六科十三道等衙門官太保會昌侯孫繼宗等少保兼吏部尚書華蓋殿太孖士李賢等議得武舉之設固爲今日要務但立法取人貴合時宜不必拘於設科常制而常以薦舉爲先合無行移南北二京天下軍民大小衙門令於所屬官員軍民旗校舍人余丁人等內廣詢博訪不拘歲月不限名數但有通曉兵法謀畧出衆方馬便捷堪爲奉用者即便從公保舉屬軍衛者礼送該管都司屬有司者礼送該管布政司俱從巡撫

都御史巡按監察御史公同都布按三司官從
公考試如無三司去處從巡撫巡按考試其南
北二京亦令軍衛有司送南北直隸巡按帶官
考試所考人材如果謀略弓馬可取就令各該
衙門禮送兵部會同京營總兵官於帥府內考
其策於教場內試其弓馬有能答策二道馬上
中四箭以上步下中二箭以上者官員於本職
上量加署職二級其軍舍余人等俱授以試所
鎮撫司民人授以各衛試經歷俱月支米三石
能答策二道馬上中二箭以下步下又中一箭
以上者官員本職上量加署職一級旗軍舍余
人等俱授以冠帶總旗民人授以各衛試知事

俱月支米二石養贍送京營總兵官處贄盈方
畧量用把總管隊听候調遣各人於調遣後果
能運謀奮勇克敵建功仍听各該領軍總兵等
官將各人着實加蹟明白具

奏陞擢如果策畧方馬俱試不中者听其回還原
衛原籍各從本等戡役其北二京天下司府衛
所州縣并在山林幽隱之處官員軍民人等之
中若有着實才無文武謫畧迴出武藝殊絕
挽大將材足以建立奇勲偉績而耻於自顯者
亦合行移兩京文武大臣官員并各處巡撫都
御史都布按三司官員務在尽心多方詢訪果
有其人不分有無官戡明着實行實跡具本奏

保行取到京另行奏

請擢用等因具題天順八年十月二十五日奉

聖旨是欽此欽遵成化八年十月內爲陳言特政事
該監察御史楊守隨題內一件奉將材兵部又
將少卿李傑建言前例重複申明成化九年八
月內爲奉用將材該兵部議得南北二京文武
衙門并各處巡撫巡按等官及浙江等都布按
三司南北直隸府衛等衙門於所屬官員軍民
舍余丁人等內廣詢博訪但有通曉兵法謀略
出衆方馬便捷堪爲奉用者照例起送赴部試
用其着實才行兼文武韜畧迥出武藝殊絕抱
大將材者其實奏保以禮行取到京奏

請擢用行之已久不聞有所薦舉天下之大豈無其人又經會官推舉都督指揮等官白玉等二十一員開坐具題奉

聖旨是待邊方有缺兵部還斟酌相應來用欽此欽遵成化十一年四月內爲奉用將材事該南科吏科等科給事中王直等奏保南京府軍衛指揮使陸宣濟州衛指揮使楊琰南京都察院右副督御史胡奏南京留守後衛左所百戶陳宣并伊兄舍人陳紀俱各通曉兵法謀勇出衆弓馬便捷又該貴州總兵官指揮同知吳經奏保山東青州府博興縣知縣陳文偉孝識優長材畧亦贍兼通武藝贍力過人又經巡按陝西

監察御史王毓仰寧夏衛起送本衛中所副千
戶保珍多讀儒書深曉武藝又節據武功左衛
起送巡按直隸監察御史~~巡~~億試過本衛指揮
僉事王宣熟知兵法便捷方馬又該後軍都督
府經歷司手本開山西行都司起送巡撫大同
右副都御史董 試過大同右衛後所舍人劉
英方馬頗熟謀畧可取萬全都司起送巡撫宣
府右副都御史殷會官試過宣府左衛前所小
旗盛茂馬步俱曾中箭并策文理頗通陸續連
人起送前來兵部爲照王宣與劉英盛茂三人
已經巡撫巡按官考試暫令回還原衛聽候行
取類考陸宣揚琰陳縉陳紀陳文偉保珍六員

俱係風聞奉保不曾經由巡撫巡按官考策畧
方馬超出流輦情願赴巡撫巡按等官處考用
者聽從其便另行起送

定奪具題奉

聖旨是欽此

欽遵

爲陳言內修外攘事該兵科左

給中

郭鏜等

題內一件立武舉方今用人文武

兩階文設進士之科立歲貢之途行之已久人
知趨向願仕者由之以進用人者於此而求隨
求隨得未見乏人至於武階用人獨無科目豈
非缺典故用人者然不知所進身者貿焉不知
所之一有任用動日之才即今非無世襲之官
然膏粱養可用者少况前古以來世祿而已

今武將子弟其中有豪傑出類者因無科目收攬往往棄世業而務進士之科者多矣夫天下之事莫難於用之材莫難於爲將今之武階若專取之於世祿一途因循苟且不立科目將材其可得哉往年因將材乏人御史楊守隨等奏立武舉該兵部議行會官推薦雖不若武舉之善但數年取用之人皆當時預名之士行之未久隨又廢罷乞要稽考古制參酌時以建立武舉以取將材則天下奇材異能之人出矣文武兩階亦不至於偏廢等因兵部查照少卿李傑建言事例議得歷年推薦乃取人之一端立建武舉實設科下常例必須設科庶不乏材但干

係

國典乞

勅內閣大學士稽考古制參酌時宜定立制度奏
請定奪頒行內外所司遵守施行具題成化十三年
八月初九日本部官節該奉

聖旨武舉不必設科只照旧例推薦欽此欽遵續爲
作養將材事兵部議得京衛武孝自正統十四
年之後孝政廢弛考較無法乞

勅京營總兵官及內外提督官於見操武職內通選
二十五歲以下者不分都指揮千戶俱係人物
魁宏器宇軒昂方馬熟閑者一百員或五七十
員把總管操不動及選都督指揮應襲兒男俱

選武學該操之日照旧赴操歇操之日赴學讀書講習安營布陣奇正相生等項大將事業仍乞請

勅各處提調學校按察司官每衛所選揀武職子弟軍下男兒三十名專習武經及弓馬武藝不時考試等因具題成化十三年八月十四日奉

聖旨是欽此欽遵續爲軍務事成化九年八月內本部會官所舉將材選用將尽若不先事再行會保不無急於進取者奔競成風耻於自願者愈致埋沒但知人之難自古病之合無行令兩京五府六部都察院通政司大理寺科道掌科掌道在外巡撫巡按并布按二司官員各奉所知

不拘候伯都督見在帶俸都指揮但係存心愛
人謀勇可取武藝熟閑者每人保率一二員各
用公文明開職銜略節脚色堪任主將或偏將
緣由通送本部方會在京各官評議如有所保
相應別無異同就行列名上塵

御覽仍付兵部行令照旧管理原委之事候在外各
邊將官有缺臨期奏

請委用具題成化十三年十月二十九日奉

聖旨是欽此欽遵續該京營總兵官英國公張懋等
推奉都指揮郭鑑到部尚未會官評議續為申
明作養將材事該京衛武孝訓導張寧諫言兵
部議得武職子弟生自宦族日享膏粱罔知向

學雖有武藝學規并見行事例亦皆因循怠忽不肯遵守合無仍令各營總兵官會通提督內外內官員於各營本部各衛武職內不分都指揮千百戶鎮撫二十五歲以下者除坐營掌號頭把總掌印不動外其餘精選一二百員與都督以下鎮守官應襲兒男查取見數俱送武學具數回

奏除該操之日照旧赴操歇操之日赴學同在學幼官子弟習讀武經七書悉導

欽降學規條件而行提調學校監察御史加意提調每月初二十六兩日各營總官輪一員同本部堂上官一員免其

朝叅公同下學考驗令其答策射箭歲終檢閱傳
內稽考勤惰開具功能奏

聞上乞

御覽若積累至於能專職業可以爲將以坐營把總
可以守備臨期酌量擬以不次之擢南京武學
比類興學具題成化十三年二月二十七日節
該奉

聖旨是每月只一次考驗欽此欽遵臣等切以古今
武彛詳畧具見於前今太監汪直深病武職多
不堪用奏要會官計議先取天下曾經奉保未
試將材人員至京考用及將天下武職官員并
應襲見男三十以下二十以上可教之人立與

訓教供給激勸試用四項則照例生員三度考試定與數目中式之人起送會試

殿試中式者宴飲

賞賜都如進士事例量材授職一節期在得人不得爲無見但已奉未試將材人員如放回陸宣等六人見在王宣等三人合當如擬行取

定奪其郭鏐等目下會官評議之後隨其優劣已在向用之列及見任武職官員皆係蔭襲父祖之舊下自六品上至一品俱已有官有祿非是不遇之人前項官員止合隨時推薦以資任用合無酌以古制通行天下并兩京武職衙門請勅提調學校監察御史并按察司官將武職應襲覓

男尽行揀選除原在孥爲生員者不動係千年
十五歲以上俊秀可教者即令於所在儒孥讀
書習射養候下次應該鄉試即爲建立武孥之
科一體會試

殿試其餘推舉將材等項仍照見行舊例不許廢
弛放回未試將材陸宣等照例令巡撫巡按官
嚴加考試如果可取起送兵部照依原議重複
會考另作施行此武舉設科所以求非常之材
係

朝廷開國以來未嘗重事伏乞

聖明省覽可行可止俯賜施行具題奉

聖旨是欽此

計開

一訓教激勵各處武職應襲俊秀兒男俱於儒季
作養衣冠與生員一例每講讀大亭論語孟子
策法凡兵家武經七書百將傳將鑑傳議等書
并

國朝

制書如大明律令洪武札制諸司職掌臣監等書務
要純熟背誦有志諸書皆讀者不拘其作果照
依生員之例不必作議止作論策判語每五日
一次習孝子馬中者賞絳筆等項以示激勵其
合用馬匹有騎操馬處於其操馬內撥用無處
有司里甲脚力馬內撥其習射之法步下用布

候馬上用牌把中鵠者爲上中彩者爲次如無鵠者就中彩數內以定優劣及射馬不許逼把牌須要離遠方可尽人之才

一供給前項俊秀雖是世祿之家仍每名月支饌米五斗少助不及

一試用前項俊秀俱照生員科峯之例鄉試自成化十六年爲始用九月初九日爲一場十二爲第二場十五日爲第三場先期聘請在外考試官二員會試

殿試自成化十七年爲始用三月初九日爲一場十二日爲第二場十五日爲第三場臨期聘請翰林院考試官二員其鄉會試第一場於教場

內試其方馬鄉試各着巡按監御史會同都布按三司堂上官兩京會試兵部堂上官會同京營總兵并科道官一員親詣臨期試馬上九箭中六箭步下九箭中三箭即爲中式一以中鵠中綵爲優劣然於第二場內各試以論一道判語三條於第三場內閣試以策三道尽作者爲全場二道者爲減場論策題目俱以兵法武事爲主如果文理俱優即爲中式如未定額惟賢是取人材最盛如會試分在南數去處十一二名多不過十五名其余七八名多不過十名而止不及數者止取所有刊武峯鄉試錄武峯會試一體出榜張掛其鄉試宴待公據給駟赴京

並同

殿試用四月初一日試以武事策一道

恩榮次第亦知進士之科刊武舉登科錄並國子監立石首科姑取十余名第一甲三名

賜武舉及第：二甲不拘名數俱

賜武舉出身第三甲不拘名數俱

賜同武舉出身第一名授百戶第二名授所鎮撫

第二甲俱授試所鎮撫第三甲俱授試所鎮撫

司兵部仍在旧任衙門撥京營管事年久有聲

亦如文官推用不專拘於軍功以後襲替即於

原職上加以武舉自得品級下第者照監生依

親事例回還讀書習射以候下科其未中之先

果有父祖疾故應襲替者許其襲替親供內明開入李年月以爲後日推薦之地十五年内李無成效者出退听其襲替前項武職候經一二科之後各有明驗逐漸曾廣其數奉

聖旨武李重事但難便行恁部裏還行今天下着用心教養待六七年後果有成材各處巡按并提學官奏來

定奪其余准擬欽此

兵部一本武奉事內開看得武奉中試官舍人等孫堪等五十員名查有近年但取中的免分等第都陞署職二級

明旨應合議擬爲照數內中式舍人舍余軍民軍余

梁棟等二十四名若以常例律之止該陞署總旗但旗役既非戰官不便委用有辜科目以故嘉靖二年會議題

准授以署所鎮撫相應查照擬陞合無照原會議武舉條格將孫堪等各照後開陞授戰事俱月支米三石內有應襲舍人候襲替之日照例加陞指揮以上本部斟酌擢用千百戶鎮撫俱送各邊總兵等官^得處贊畫及守堡听調殺賊五年無功發回應俸糧并加添米石俱於原衛所并今註衛所支給獲有功照例加陞奉

聖旨是

兵部一本軍務事看得舍人楊爵係武奉中試情
愿告送蘇州總兵官下贊畫又查例相同合無
將楊爵咨送蘇州巡撫衙門轉送總兵官贊畫
賊殺此後但有中試官舍人等願告邊鎮贊畫
者本部徑自查例咨送不必一一具奏煩瀆奉
聖旨是今後這等的還要奏請

兵部一本乞

恩重科目普

恩澤以同休慶事內開看得浙江都司署都指揮同
知劉永昌奏稱恭承

恩照武奉官員罔不咸

恩歡躍獨武奉中試

欽陞署武不需

恩澤乞要議行實授一節爲照武舉官員雖遇
恩例不得實授係題

准條例今奉前項

明照其武官四品一上署職試職者俱與實授臣等
詳議此等武官在

恩例得與實授在條例不與實授切詳二例各有攸
重本部查有前例擅難別議伏乞

聖裁等因奉

聖旨既與武舉條例有碍不准實授

一軍政官員要照品級次序掌印

一件考選軍政事成化七年七月內巡按浙江
監察御史劉琦等奏該太子少保兵部尚書白
等題

准各衛掌印官一員左二官二員原定軍政官員照
依職分次序掌印信若是指揮使不係軍政之
數方許指揮同知掌印已後軍政俱照此例

定奪

兵

保舉軍政官者犯貪濫等罪連坐舉主
成化十五年二月二十五日太子少保兵部尚
書余 等

題爲兵部急缺官員事後軍都督府經歷司據直

隸德州衛申訪得所保各官委有才行素立名節別無過犯相應掌管俸由申乞轉達

定奪等因手本到司查得先爲申明軍政事該本部題照得成化六年至成化十一年又是五年之期所據軍政官員例該再選合無斟酌事體仍行都察院轉行各處巡撫巡按官員會同都布按三司堂上官及直隸無三司處巡撫會同御史無巡撫官處止令御史通將在外衛所軍職不分見任帶俸差操等項及新陞襲替者從公逐一揀選除已問貪暴顯著者不許營求管事外每衛存留指揮二員鎮撫一員每所千戶一員百戶十員所鎮撫一員專一管掌軍政非有

謹急軍情不許輒便調遣內有守邊京操等項
即便替回若指揮千百戶推選軍政之外原係
管事者量其材戢優劣行可否定委管操運糧
管屯捕盜備委等項原係帶俸者仍舊帶俸雖
是文案僉名不許侵管軍政若本衛所缺官就
於附近衛所推選相應官員開具戢名奏

請銓補選過之後再有員缺每年八月終巡按御史
通類奏缺若平昔行止不端若害軍士縱無贓
私雖有幹辦亦不許一槩推選管事等因具題
成化十一年十月十六日本部官奉

聖旨是欽此續爲地方事該陝西鎮守巡撫太監等
官劉祥等會奏陝西地方指揮千百戶等官中

間果有被人排陷如遇勘問官員畏避嫌疑不肯擔伐即罷禁錮後雖過改終身帶俸差操不許管軍管事在員缺職之故合無今後此等官員或三年五年之後改過自新照依舊例聽鎮守巡撫巡按三司官從公奏保所保官員再犯貪濫等項方纔終身不本^叙部議得合行山西陝西宣府大同遼東巡撫巡按官員於都司衛所革任帶俸軍職中貪濫二次三次及平昔貪暴不准外其餘三年五年之後果能立志改過委有遷善實著聞於人平昔不係貪暴之流許其開具實跡明白奏保令其管軍管事等項用任如或再犯貪賄終身不錄仍連坐牽主等因

具題成化十三年九月初十日本部官奉

聖旨准議欽此續爲邊務事該薊州等處鎮守總兵官太監等官趙永等奏要將興州右屯等衛軍政官員重再取勘每衛存留指揮三員鎮撫一員每所千戶一員百戶二員其缺官衛所量除附近別衛空閑者前來掌印等因本部議得軍政舊例自來不曾定有百戶鎮撫欵准所擬重與斟酌每衛存留指揮三員衛鎮撫一員每所千戶一員百戶十員前項官員若係守邊之類即便行取回還專一掌管軍政印信百戶每員兼管五百戶印信不許旗甲人等署官易於作弊天下都司衛所若有似此擬奏并下次五年

之期例該重複考選俱照此例施行具題成化十三年十二月十二日本部官奉

聖旨是欽此欽遵外今該前因案呈到部照得各處巡按御史因有前項見申明軍政事定例考選官員未免拘於五年之期其余年分不曾該載及直隸巡按御史因有前項地方事定例拘於山西陝西宣府大同遼東等處其余去處不曾該載委的難於奉行所以致有德州衛申開前項緣由欲行都察院轉行直隸御史查勘前項德州衛各所軍余告保正副千戶繆鏜等五員如果材堪任不係犯罪革任帶俸官員就便定奪掌印管事見係京操等項者差管替回若係犯

罪一次革任帶俸官員從公訪察照依前例奏保如或別有指揮衛鎮撫百戶員缺亦爲照例奉行以後天下都司衛所并南北直隸衛所巡撫巡按官不拘五年之期遇有員缺俱照此例隨即定委奏保兩京五府所屬衛所但遇有缺軍政官員听衛所軍政并首領官奉保從兩京覆勘兩京親軍衛所缺官听衛所軍政首領官奉保從兩京兵部覆勘如果相應係南京者從南京兵部係在京者從在京兵部定奪以後若有違犯貪濫等罪連坐舉主此外有缺管屯管操運糧捕盜備委等項但該管事者官員並如前擬而行如此庶幾緩急之際得人任用緣係

處置急缺軍政官員事理未敢擅便具題次日
奉

聖旨是欽此

軍政官員不許擅差五年一次會官考選
題爲急缺官員軍政事該本部送兵科抄出巡按
直隸監察御史翟瑄題據直隸宣州衛經歷司
承准本衛照會前事照得先准本衛運糧同知
宋能閔取中千戶所軍政掌印副千戶賈通并
前項軍政掌印百戶張濬及前所巡捕千戶劉
英管運糧儲爲照各官俱係巡撫都御史公同
巡按御史照例考選軍政掌印人員擅難定奪

會照經歷司呈巡按直隸監察御史案驗除行
巡捕付千戶劉英不係軍政掌印之數行令本
官運糧儲別委公勤廉能官員一員巡捕千戶
賈通百戶張濬俱係會官照例考選人員難便
閑取即於空閑內推選二員前去管運毋得悞
事不便依蒙將千戶汪雄頂補賈通百戶張濬
頂補千戶劉英病故又將百戶許濬頂補俱令
管運糧儲行間據本衛經歷司呈抄蒙江南直
隸把總運糧指揮僉事夏勝案驗據指揮宋能
呈續取前十戶所軍政掌印千戶李雄頂百戶許
濬及開將原取千戶賈通許濬俱各暫令跟隨
管運指揮宋能領軍充糧赴淮定奪今照中前

二千戶所見今缺官軍政掌印理合呈乞定奪
等因到臣查得節該兵部奏

准通將在外衛所軍職不分見任帶俸差操等項及
新陞襲替逐一從公揀選除已問貪暴顯著不
許營求管事外每衛存留指揮三員所鎮撫一
員專一掌常軍政非有緊急軍情不許輒便調
遣若有指揮千百戶推選軍政之外原係管屯
等項者量其材職優劣行止可否應該管操者
操該運糧管屯巡捕備委等項者管屯捕盜備
倭該帶俸者仍舊帶俸雖是文案僉名不許侵
管軍政其都司官吏及邊方并三司總會去處
衛所官听總兵巡撫巡按公同推選過後再有

員缺每年八月終巡按御史通類奏缺等因又查得先該都察院左都御史馬昂戶科給事中李森監察御史王祥各奏稱天下都司衛所軍官多有不得其人以致軍政不循而事不奉究所以蓋因各處衛所先有軍政官員往往上司差調不得在任管事致使軍政廢弛設行巡撫巡按官員五年一次會同從公考選俱曆練老成廉能幹濟善撫軍士者專一在任常川掌管軍政已爲定例除通行遵守外臣惟僨運糧儲固爲重務而管運官員不過耽掌其事頗有勤勛足稱任使至若管軍政必要撫恤軍士保障地方凡百事務悉听理此係匪輕必在考選方

得其人况直隸宣州衛中所付千戶賈通前所正
千戶李雄并百戶張璿俱係巡撫巡按官員例
該五年一次考選定奪軍政掌印造冊奏
繳人員今江南直隸把總運糧指揮僉事夏勝直
隸宣州衛運糧指揮同知朱能明知奏有前項
事例輒將各官擅自調遣上運以致各所缺官
管事紊亂軍政莫此為甚欲便通行叅究誠恐
漕運衙門別有事例如蒙乞

勅兵部定奪通行各處所徻今後會官選軍政已定
官員務要照依本部前項奏

准事例常川在任管事非遇緊急事情不許擅便調
遣及查漕運衙門別無奏行事例其指揮夏勝

宋能從徑自叅究仍將千戶等官賈通等照旧該所軍政掌印庶事体得以歸一軍政不致紊乱便益具本該通政使司官奏奉

聖旨兵部知道欽此欽遵批出送司行准戶部陝西清吏司手本查得先該鎮守淮安總兵官徐恭言一件運糧官軍回還休悉循舡听候免運其各該都司衛所官員一遇回還就行差遣又要舡隻載裝柴薪等項及胡廣都司有廣西等處輪班操備亦於運糧內選補以致軍政被擾不得休息有悞運糧節該會議奏

准行欽遵外近浙江等處按察司僉事和維不遵前例將前項杭州等衛運糧官擅自制去屯糧當

朕等又經奏

准照舊運糧外今天順四年運糧官軍誠恐各處例有前弊合無兵部通行各該都司衛所運糧者專一運糧不許別項改差如違漕運衙門轉行巡按御史等官究問等因該部會議奏

准通行欽遵訖續該總督漕運兼巡撫淮楊等處石副都御史陳廉咨會同鎮守淮安漕運總兵官都督同知楊茂計議事一件各衛所管運千百戶先年俱從漕運衙門推訪廉幹者坐名委用近年以來因選軍政官員將頗有廉幹者存留掌印管事管操屯巡捕等項退下軟弱貪暴人所不服者補運糧者又有原在運奸詐之徒比

因運糧在外艱難或寅上司推舉或使部屬告保輒便取回官印掌事都司將前項退下官員補數以致害軍誤事合無將在運指揮等官不許擅自差動及營求別差若有軍政指揮許在衛所佐二官員內取其千百戶等官仍听衛所管運官員報名取補敢有疆取動調及營求別差者許總兵等官叅奏拿問前件會官認得戶部官員事例禁約具題節該奉

聖旨准議欽此欽遵本部又查得總兵官徐恭言前項事例禁約今該前因案呈到部臣等切惟軍國重務兵政為先若使官非其人欲足兵以禦外侮足食以克國用豈能皆濟所以

朝廷往往從言者之計

欽定五年一次在外從巡撫巡按等官兩京從五府
六部堂上官考選軍政官員使居其位非有緊
急軍情不許擅便調遣庶幾可用兵政根本以
之足兵如操練軍馬修理城池整飭器械清理
軍伍等項以之足食如漕運京儲仰給撥補官
軍脩驗舡隻等項既專委任方可責成今直隸
宣州衛指揮同知宋能江南直隸總把運糧指
揮僉事夏勝不諳右副都御史陳撫都督同知
楊茂所言運糧官有事故許在本衛軍政佐二
官內听取用千百戶等官員听衛所管運官報
名取補事理會臣計議前件項下不曾准理止

是查都督徐恭所言事理禁約其指揮宋能乃
敢坐名行取軍政千戶賈通百戶張濬夏能乃
敢坐名行取軍政千戶李雄偏於運事阻壞兵
政本合叅究但糧運在途恐致稽遲欲行宣州
衛照舊千戶賈通李雄百戶張濬存留掌管軍
政仍查百戶張雄許濬等如果不係軍政官員
听其管理運糧今後漕運衙門缺官徑自差人
齎文前去所在巡撫巡按守取相應官員除考
選軍政之數不許擅動其余不分官屯管操捕盜
備倭等項俱係廉能者听其打發前不許是非
以任故意稽遲亦不許將運糧官員取回以備
常操常屯巡捕備倭等項差遣致妨漕運具題

奉

聖旨是欽此

考選軍政著該點官員羅織選定官員阻壞
選法者調邊衛

成化十六年三月十四日太子少保兵部尚書
余等

題爲考選軍政官員事武選清吏司案呈照得先
該成國公朱勇題稱照得在外各都司衛所近
年以來俱缺老成辦事官員在任常理軍政多
有推稱在於各處總兵官鎮守官處差委公幹
及操備運糧備禦等項亦經年離職不在任所

躬親撫理以致軍士逃故愈多糧賞虛費軍伍連年空歇不能濟備乞

勅兵部都察院轉行巡按監察御史并按察司會同從公定奪每都司要掌印官一員佐二官二員每衛亦要掌印官一員佐二官二員每所千戶一員俱要老成能幹辦事專一在任常川掌管軍政如此各處善占委官替回非遇緊急軍情不許輒便調遣仍將取勘到軍政官員職名造冊奏

繳如是以後軍伍不清糧賞剋落軍士失所宜從巡按御史按察司糾牽究問具題宣德八年五月初五日奉

宣宗皇帝聖旨准他設兵部都察院知道欽此續爲
申明軍政事該都察院左都御史馬昂奏近年
以來天下都司衛所軍政中間多不得人以致
軍政不修究其所以蓋因各該所司先有軍政
官員往往被上司差調不得在任管事因循年
久委非不振乞照例通行天下都司衛所并被
在鎮守總兵等官從公定委廉幹老成官員專
一管事不許別差等因該本部議得合行都察
院轉行巡按御史并按察司官會同從公推選
每都司要掌印官一員佐二官二員每衛要掌
印官一員佐二官二員每所千戶一員俱要歷
練老成廉能幹濟者不拘職事大小專在任常

川掌管軍政如在各處差占委官替回非遇緊急軍情不許輒便調遣等因具題天順元年十一月二十二日本部官奉

英宗皇帝聖旨事欽此續該巡按雲南監察御史王祥奏為陳言事各處都司衛所軍官廉能謀勇者少貪污酷暴者多合無今後五年一次行移巡撫巡按官并布政二司公正官員通將都司衛所掌印管事并帶俸差操及新襲替軍職量為進退掌印管事既而放肆妄為者則退之前雖帶俸差操後能延善改過者則進之以至新襲替者一体推選進去務合至公同等因本部查照前例議得合無准其所奏行移各處巡撫

巡按三司官自成化三年爲始以五年爲期將都司衛所官事并帶俸及新陞襲替等項官員照例會官從公逐一考選進退將考選過緣由并官員職名年終造冊奏

繳不許徇私不公及推避嫌疑過期不行考選具題化二年閏三月二十日本部官奉

聖旨准議欽此續爲戒諭事該本部議得錦衣衛各所千百戶比與原額加增數多又將遠年額外事故官員一槩作缺告補不無太濫除見在官者已有議奏事理不動合無今後遇有額外員缺不許前似自行告補如果相應銓補者本衛徑自具奏另行

定奪具題成化六年三月初八日奉

聖旨是欽此續爲申明軍政等事成化十一年本部
爲照馬昂王祥議奏前例相襲遵行又是五年
之期所據軍政官員例該再選但前項擬奏事
所見不同更替不一如都司官係方面與布按
二司相等若令布按二司官考選事体欠當父
子爲事革去管事子孫襲替亦不許管事准因
父子之惡而廢子孫之善本身既犯贓私問罪
明白復又進用似呼又啓倖端見任放肆妄爲
不遽黜退終是不知警其邊方并三司在城會
總去處考選軍政鎮守總兵若不干預則平昔
所管者何事合無斟酌事体仍行都察院轉行

各處巡撫巡按官員會同都布按三司堂上官
及直隸無三司去處巡撫會同御史無巡撫處
止令御史通將在外衛所軍職不分見任帶俸
差操等項及新陞襲替者從公逐一揀選除已
問貪報頭著者不許營求管事外每衛存留指
揮三員衛鎮撫一員每所千戶一員百戶十員
所鎮撫一員專一掌管軍政非有緊急軍情不
許輒便調遣內有守邊京操等項止是隨操不
係領軍管隊者即便撥軍替回若指揮千百戶
推選軍政之外原係管事等項者量其材職優
劣行止可否該管操者管該運糧者運糧該管
屯捕盜備倭等項該帶俸者仍舊帶俸雖是文

案僉名不許侵管軍政若本衛所缺官於就附近衛所推選官員開具職名奏

請銓補其都司官又邊方并三司總會去處衛所官听鎮守總兵巡撫巡按公同推選將定委過各項官員職名總類造冊奏

繳選過之後再有員缺每年八月終巡按御史通類奏缺若平昔行止不端若害軍士縱無贓私雖有幹辦亦不許朦朧一槩推選管事具題成

化十一年十月十六日奉

議

聖旨是欽此續為補缺事本部得合無今後遇有武驤左等衛所見在額內指揮千百戶事故員缺應該作缺者宜從

御馬監太監等官徑自具缺奏

請本部銓選相應官員前去補缺管事其額外并在前年分員缺不許一槩作缺選補如此庶得事體歸一官無濫任具題成化十三年四月二十四日奉

聖旨是欽此續為陳拜災保治該監察御史戴縉題奏前事該本部覆奏將錦衣衛官并文武大臣弟男子姪見任官員已經揀選其餘見任不係此等官員尚有年貌衰憊行止不端不堪任者奏令錦衣衛徑自照例通行揀選該錦衣衛奏要會同兵部揀選奉

聖旨還會同兵部從公揀選不許徇情欽此以後會

同揀選得衛鎮撫等官林蚩等三百九十四員
行止端謹歷練老成合令照舊任事衛鎮撫一
員姚祥年老自陳致仕正千戶等官楊勉等五
十員各年六十以上年貌衰憊例該替戢梁欽
等二十一員各年二十以下身材瘦小未經歷
練不堪直差合令支俸操習待年長壯照旧官
事朱俊等六十七員行止不端李端等十七員
久病殘疾吳宏等十四員罷軟無為俱難任事
合令帶俸但朱俊數內尚有人物端莊年力精
壯以後有能改過遷善人所共知遇有員缺本
衛徑自推選奏保補缺管事開坐會本成化十
三年八月初一日奉

聖旨是欽此續該兵科左給事中郭鏜等奏爲陳言
內修外攘事內開一件惜名器我

朝武職以待軍功不以輕授柰因近年以來武職
大濫薄藝微勞者有司既與奏討總兵守備者
無功亦望加陞名器輕襲人不知重加蒙今後
軍職非軍功奏保加陞者一切近絕本部議得
合准奏今後薄藝微勞之人果有公勤政跡止
可量加賞賜以守其勞所司不許奏討輕授軍
職其總兵守備等官俱照原職行事亦不許奏
保加陞署職等因具題成化十三年八月初十
日節該奉

聖旨都准擬欽此續爲地方事該陝西鎮守巡撫太

監等官劉祥等會奏陝西地方指揮千百戶等
 官中間或有被人排陷如遇勘問官員畏避嫌
 疑不肯擔伐即惟禁錮後雖改過終身帶差操
 不許管事管操在員缺戡此之故合無今後此
 等官員三年或五年之後果有過改自新照依
 旧例听鎮守巡撫巡按三司官從公奏保所保
 官員再犯貪濫等項方纔終身不錄本部認得
 合行山西陝西宣府大同遼東巡撫巡按官員
 於都司衛所革任帶俸軍職中除犯貪濫二次
 三次及平昔貪暴不韋外其余三年五年之後
 果能立志改過委有迁善實跡著聞於人平昔
 不係貪暴之流詳其開具實跡明白奏保令其

管軍管事等項任用如或再犯贓罪終身不錄
仍連坐奉主等因具題成化十三年九月初十

日奉

聖旨准擬欽此續為軍務事該本部部議得各邊將官有
缺除候伯都督名位已重不須別設若都指揮
堪任主將擬陞五府堂上官署職若指揮堪任
偏將擬陞都司堂上官署職以示寵異以便行
移向後果有戰功該陞仍從旧職陞授倘遇一
時

恩例不在實授之例前項署皆係流官其於名器奉
以應變不至太吝經以守常不至太濫具題成
化十三年十月二十八日奉

聖旨是欽此續為邊務事薊州等處鎮守總兵并太監等官趙永等會奏要將興州石屯等衛軍政官員重再取勘每衛存留指揮三員衛鎮撫一員每所千戶一員百戶二員其缺官衛所量推附近別備空閑者前來掌印等因本部議得軍政舊例自來不曾定有百戶所鎮撫欲准所擬重與斟酌每衛存留指揮三員衛鎮撫一員每所千戶一員百戶二員前項官員若係守邊之數即便行取回還專令掌管軍政印信百戶每員兼管五百戶印信不許旗甲人等署管易於作弊天下都司衛所若有似此擬奏并下次五年之期例該重複考選俱照此例施行具題成化十三年十二月十二日奉

聖旨是欽此續為守禦事該南京守備太監安寧等
會同南京守備成國公朱儀奏照行南京浦子
口城操守都指揮僉事缺員委南京瀋陽右衛
指揮僉事崔鈺前去管理自到任以管事以來
操守有方廉勤公正下人悅服如蒙乞

勅該部合無照依都指揮事例請

勅就令指揮崔鈺操守地方惟復令行推選官員管
理等因本部議得浦子口守禦係都指揮責任今
崔鈺未有軍功於例有禁不許擬陞都指揮之職
所特以濟者上賴

聖明重加委任庶便行事合無請

勅以道賁與崔鈺令其前去浦子口守禦凡事悉听

南京守備叅贊等項內外官員節制務須用心
操練軍馬修理城池嚴捕盜徒盜賊等項內外
官員凡軍中發放調度听本官以都指揮體統
臨之往來公文本官於都指揮則用手本於所
部指揮則用帖所部指揮於本官則用呈文指
揮中間敢有輕視怠事者听本官量情治之前
項所擬倘蒙

聖明俞允載入所

敕內各處以前并今後此等把總守備指揮俱照此
例施行具題成化十三年正月二十三日奉

聖旨是崔鈺着守禦浦口子往來公文往議恁部裏
還通行處把總守備官每知道欽此續爲選用

軍政官員事該中軍等都督府掌府英國公等
官張懋等題先該兵部擬議覆奏將錦衣衛見
任千百戶等官揀選調補任用為政擇才甚良
法也臣等議得五府所屬在京衛所俱係
朝廷之爪牙武備之根本干係不為不重官得其
人則政奉非其人則政廢近年以來見任指揮
千百戶等官多有承襲祖父旧職就便掌印管
事或年紀幼小未經歷練或才駘凡庸不諳事
體或不顧廉耻貪酷害軍或罷軟懶惰曠職誤
事中間又多有員缺而千百戶帶管印信二三
顆者或總小旗獲印署事遇有公務相推托以
致監局人匠欠少營伍旗軍空缺文書不清軍

政不奉似此弊病非止一端若不通行揀選誠恐因循年久政務愈加廢弛况在外衛所官員見有巡撫巡按等官五年一次考選事例如蒙乞

勅兵部計議合無將五府所屬在京衛所掌印軍政官員照例會同該府堂上官通行從公揀選平昔愛恤軍士廉能幹濟者照旧存留年紀幼小者退作多余待其歷練老成果能堪任用另行定奪其余貪酷罷軟等項曠職廢事者俱各革去見任帶俸差操員缺就於本衛及別衛見在多余并帶俸數內推奉補任原有在於各營操備者悉令併軍替回着令常川在衛掌管印信

分理軍務後遇襲替子孫不堪任事者一体黜
退另行推選補缺前項揀退官員中間有能改
過自新者宜從該部查例舉用如此則衛所官
得其人政務修舉等因本部初議南京亦合無
依此例施行以後本部會同英國公張懋等將
五府所屬衛并不係府屬衛分官員通於兵部
當堂考選原議專於僉書一事而舉其不得歆
選者皆有本等所管之事其余職任並無妨礙
但中間有年歲老幼不相應頗優於管事者有
官軍舉保爲能幹却背於公論者每衛該定僉
書指揮三員恐有屯田馬政衛分或致管理不
周每所該定僉書千戶一員恐其一有患病等

項事故就致缺官管理設愈見誤事及府軍前
所屬二十五所通州衛設在通州路當水陸衝
要彼處見有鎮守官員又兼上直兩處供事及
騰驤等四衛并牧馬所重在養馬俱比與別衛
不同除騰驤等四衛所另議考選外其余合當
每衛定選指揮三員每所定選千戶二員府軍
前衛定選鎮撫二員每所定選指揮二員通
州衛定選指揮五員每所千戶三員各取所長
不拘原議其余衛鎮撫并百戶所隨其有印者
即照原擬定選專一掌印僉書管事府軍前衛
止令見掌衛事新寧候譚佑掌印僉書一衛通
案如各監局有事比較除掌印僉書者不動其

余僉書親管鎮撫千戶百戶輪流前去每衛另
選指揮一員專令管理屯田馬政等事一体僉
書府軍前衛官已多定選就令僉書帶管果係
帶刀上直操練等項即爲替回各衛所不預定
選官員照帶刀上直操練等項其旗守衛掌印
僉書等官凡遇駕出并教場操演亦要照旧不
妨擺列金鼓纛等項選過各衛官員數不及者
於官多衛分查勘銓補臣等考選已定之後訪
察中間不曾預先選官員多有心懷不忿恐其
向後教唆刁潑之人將定選官員羅織奏告陷
於不法以快已私有乖治体果有此等原衛門
務要追究主使之人或因被害者訐出對問證

佐明白依律議罪照依發落不分官軍俱調廣西邊衛帶俸食糧差操遇有

恩例在放免之數以後但遇五年考選俱照此例施行具奏成化十四年二月二十四日奉

聖旨是欽此續爲選用軍政官員事該

御馬監太監錢喜等題稱武驤左等四衛係宣德年間兵部奏

准設立牧馬千戶所係洪武年間該立各該官員分授在監塢上管養馬駝差操等項此與各衛事例不同乞照錦衣衛事例將多餘官員存留管理本部查照原額見在指揮武驤左衛一十四員牧馬所并前項四衛各所千戶多者八九員

少者四五員合無照旧存留惟復從今次考選
官多衛分如府軍前衛通州衛數目挨次存留
具題成化十四年二月十七日奉

聖旨只照旧存留欽此續爲急缺軍政官員事該後
軍都督府經歷司手本奉本府案令據直隸德
州衛申稱左千戶所原管軍政千戶范紀等俱
爲事蒙巡按直隸監察御史等官宗經等問發
立功去訖一向未蒙定官補管遺下印信以致
兩班官軍馬匹時常缺少辨料造作軍器連年
遲誤罪難歸於本衛當該官吏事實由乎各所
缺官辦理今思見任空閑正副千戶謬堂等相
應補官軍政備行巡按直隸監察御史王億定

奪續蒙本院案驗仰本衛即便從公照缺推舉
相應官二員差人徑伸兵部查照定奪施行據
申案令手本到司備呈本部為照各處巡按御
史因有前項見行申明軍政事定例考選官員
未免拘於五年之期其余年分不曾該載及直
隸巡按御史因有前項地方事定例未免拘於
山西陝西宣府大同遼東等處其余去處不曾
該載委的難於奉行所以致有德州衛申開前
項緣由議得欲行都察院轉行巡按御史查看
前項德州衛各所正副千戶謬堂等五員如果
才堪任用不係犯罪革任帶俸官員就便定委
掌印管事見係京操等項者差官替回若係犯

罪一次革任帶俸官員從公訪察照依前例奏保如無別有指揮衛鎮撫百戶員缺亦爲照例舉行以後天下都司衛所并南北直隸衛所巡撫巡按官不拘五年之期遇有缺官俱照此例隨即定委奏保兩京五府所屬衛所但遇有缺軍政官員听衛所軍政并首領官舉保從京兩五府覆勘兩京親軍衛所缺官听衛所軍政并首領官奉保從兩京兵部覆勘如果相應係南京者從南京兵部係在京者從在京部兵定奪以後若有違犯貪濫等罪連坐俱主此外有缺管屯管操運糧捕盜脩倭等項但該管事官員並如前擬而行如此庶幾緩急之際得人任用

具題成化十五年二月二十五日奉

聖旨是欽此續爲急缺鎮面軍職官員事鎮守江西
司設監太監劉佃題據江西都司呈本司掌印
都指揮僉事樂昇於成化十五年五月十二日
病故臣同會巡視江西南京刑部右侍郎金紳
巡按江西監察御史段正議得江西地方近因
水旱災傷各處盜賊生發都司缺官數多遇警
乏人差用合無推舉廉幹老成都指揮使一員
本司掌印另推都指揮僉事二員前來協同管
事便益本部議得軍職官員不許保陞以惜名
器軍政官員不許擅動以固根本此誠關乎治
體急於先務但經奉之間有非得已如守禦守

備等官缺員指揮得以都指揮體統行事自從
聖明立例之後諸司奉行皆有定規人情亦已相言
止有都司係印信衙門倘有可用指揮若非授
以本司署職難以列衛管事比之郭鏗等所言
軍前便宜事體不同今鎮守太監劉佃會同巡
視巡按侍郎御史等官會議奏稱地方水旱災
傷各處盜賊生發都司缺官數多遇警乏人差
用乞要推奉都指揮使一員本司掌印另推都
指揮僉事二員前來協同管事一節查得在外
各都司都指揮指在在員缺京營雖有相應數亦
不多又已委令坐營把總等項以固居重馭輕
之其餘多係連官等項方馬俱有可取少能識

字管事合無行令劉倜巡視巡按三司等官於
彼處屬衛指揮內訪保善實廉幹者二員具奏
請自

上裁倘蒙

俞允授以都指揮署戢後有戰功照依前例仍從旧
戢陞授等項他處有缺亦如此例先俟本處次
及京營保用只此一途其余旧例所該載者不
許更易具題成化十五年九月初四日節該奉
聖旨是欽此欽遵外今照成化十六年又是五年之
期天下都司衛所軍政官員例該重為考選案
呈到部照得考選軍政官員事例自宣德八年
成國公建議為始中間又該都御史馬昂監察

御史王祥等申明本部亦為因時制宜從言所擬上

請施行到今四十八年事體麓備尚有漕運都指揮
遇缺所關事重不曾擬補都指揮署職猶為缺
典合無仍行都察院轉行巡撫巡按等官公用
鎮守總兵都布按三司官將天下都司衛所前
次考選定委軍政官員重為考選果有怠於宦
成不修職業者從公黜退却將自來無過并一
次有過三年五年能改克修職業者照缺補足
照舊每都司掌印都指揮一員佐二都指揮二
員有漕運者佐二添設都指揮一員管理每衛
掌印指揮一員佐二指揮二員衛鎮撫一員每

所千戶一員百戶十員邊方官少者百戶二三員通管千百戶印信不許旗役占管其添設漕運都指揮回司之日听其僉押漕運一事文案如無相應都指揮先儘本處廉幹指揮補又無方許作缺於京營推補又考選推補之法衛所在三司附郭者鎮守總兵巡撫巡按三司掌印主之不在附郭并遠在邊方者鎮守總兵巡撫巡按三司分巡官主之公論之下或有一二偏私者姑為置之听謀協無異官員即與定委不許推避嫌疑致妨政務照例年終造冊奏繳本部驗其偏私情然叅寃所由治罪被黜官員敢有羅織良善沮壞政体者照例治罪調發過

之後又有事故員缺亦爲照例考選奏保其兩
京五府所屬衛所并兩京錦衣衛未及五年合
候下次一併奉行其武驤等衛所雖是例不考
選果有不戢之徒亦听本部并科道訪察糾牽
其余見行事例如守備等官不許擅擬都指揮
署戢之類照舊遵行緣係照例五年一次考選
軍政官員事理未敢擅便具題奉

聖旨是欽此

考選軍政官員事并禁阻壞軍政之人問斷
發落

成化二十一年十一月十八日兵部等衙門

左侍郎等官阮 等奏照得先該中軍等都督
 一府掌府事英國公等官張 等題先該兵部議
 擬覆奏將錦衣衛見任千百等官揀選調補任
 用爲政擇才甚良法也臣等識得五府所屬在
 京衛所俱係

朝廷之爪牙武畧之根本干係不爲不重官得其
 人則政牽非其人則政廢連年以來見任指揮
 千百戶等官多有承襲祖父旧職就便掌印或
 紀年幼小未經歷練或識允庸不諳事体或不顧
 廉耻貪酷害軍或罷軟懶惰曠職誤事中間又
 多員缺而千百戶帶管印信二三顆者或總旗
 小旗護印署事者遇有公務互相推托以致豎

局人匠久少營伍旗軍空缺文卷不清軍政不
舉似此備病非止以端若不通行揀選誠恐因
循年久政務愈加廢弛況在外衛所官員見有
巡撫巡按等官五年一次考選事例如蒙乞
勅兵部計議合無將五府所屬在京衛所掌印軍政
官員照例會同該府堂上官通行從公揀選平
昔愛恤軍士廉能幹濟者照舊存留年紀幼小
者退作多餘待其歷練老成果堪任用另行定
奪其餘貪酷罷軟等項曠職廢事者俱各革去
見任帶俸差操員缺就於本衛及別衛見任多
余并帶俸數內推奉補任原有於各營操備者
悉令撥軍替回着令常川在衛掌管印信分理

軍政後遇襲替子孫不堪任者一体黜退另行
推選補缺前項揀選官員中間有能改過自新
者宜從該部查例牽用等因案呈為照兩京衛
所軍政所繁上以拱護

宸下以禦妨奸宄門以龍服四夷事体重大又非
在外都司衛所可比各該掌印管事官員兼管
上直者兼管京操者中間多係中人之才少有
克奉衆職况旧例照旧諸司職掌額數不知官
員太多每遇該行公動輒推稱兼管別事不到
衙門該吏部只得沿門伺候檢押軍政廢弛此
其大端及照五府官員多出勲旧之家親軍衛
分雖非所屬在京久住事多相關官員賢否亦

皆與今中府等府掌府事等官英國公張等
奏要會同本部將京衛掌印軍政官員通行揀
選一節甚合時宜合無本部會同五府掌府事
官員將在京不分親軍衛分并五府所屬衛官
員逐一考選大意先盡五府官員所知各官務
要慎防夤緣請託日期上副

聖明委用每衛存留見任不拘指揮使與同知僉事
共三員衛鎮撫一員如無相應千戶署管每所
存留正副千戶一員百戶十員專令在衛掌印
官事各免上直赴操果有六十歲以上精力未
衰者驗實一体存留中有係上直該操等項即
爲差官替回各不許旗甲人等署管其多余見

見任官員照舊隨

朝以候將來之用如見不敷許於本衛不係曾犯
貪濫等項帶俸官內選補若本衛前項帶俸官
內選許於別衛亦要先盡見任次及帶俸官內
選補考選之後遇有事故陸續亦照此例選補
各不必下舉保以中同流合汙奸計以後天下
都司衛所五年之期考選軍政官員在京衛所
亦爲重覆奏行就作常行定例及行南京兵部
會同南京五府掌印官員亦照此例施行事完
之日本部與南京兵部各另會造文冊奏
繳查考具題本部官奉

聖旨是欽此欽遵會同將五府所屬衛并係府衛分

官員通行拘於兵部 差考選

處置掌百戶印信

成化十七年十一月二十八日兵部為建言民情等事禮部咨曰不等於禮科抄出浙江温州府等衙門福建都司鎮東衛後所百戶高福言一件嚴戢以正明分臣惟印信之設專衙門職官掌管行事以遵文移明有統屬非下一人所得擅專奈何近年以來本衛所管軍官員因事故差委等項印信俱係所內軍吏小甲人等營求署掌况有各所運余多署掌之人關親但有緊急公文及關納糧賞等項往往囑託互相

改異欺瞞官府無所不為及至有官之日仍前
挾制印雖送與官掌事實軍吏把持一應卷籍
俱係經手不能與爭執掌泛濫名分倒置莫此
為甚如蒙乞

勅兵部轉行福建巡按御史督着本衛掌軍政官員
即將所屬百戶但有印信缺官掌管即於本所
推選見任多余或帶俸有罪力官員署事如本
所官少則於別處推委帶管候有官之日照舊
送還不許軍吏人等似來濫管如此則嚴守名
分正而弊端可弭等因通政司通政使何琮俱
於

奉天門看係建言民情事理着礼科抄出會官議

奉

聖旨是欽此欽遵抄出到部會同各部都察院通政使司大理寺六科給事中議得除有例見行及泛言難准外數內一百五十件合准所言宜從禮部等衙門查勘定奪施行未敢擅便各官奏奉

聖旨照例欽此欽遵擬合通行計開項下前件查得除外今將所言事件合行抄單移咨貴煩爲施行移咨送司除將申明軍政等事本司另行呈堂施行外所據清屯田以革奸弊事件係直隸別司掌行案呈到部合連送該司仰將前項事例逐一抄單移咨武選車駕職方清吏司查照

前項事理便作施行連送到司合就抄單移付
前去武選清吏司煩為施行等因送司案呈到
部照得百戶之職最爲軍旗近比之千戶指揮
勢相懸絕者不同每一百戶止管一百余人所
所有印信父祖傳之子孫世世相守欲其止下
安易於差用非有逃亡故絕不可更易有如改
調差遣仍於本管家下收領此係照例近年以
來在外衛所官員不知遵奉往往更張致將帶
管署掌之名事有不一人無適從弊病叢生奏
告不已誠如高福所言今已會官議奏奉有前
項

欽依查得見行事理合連送該司仰行該府轉行福

建等都司着落鎮東鎮衛查勘有無前項情弊
徑行彼處巡按御史究問及行在京上直衛分
并五府所屬內外都司衛所今後百戶印信務
要行令原任百戶掌管如或父祖兄叔老疾病
故不曾任革帶俸子孫弟姪等項襲替職事如
果人物少壯行止端壯別無過名照例申達巡
按御史定奪仍行照旧掌印甚至逃亡死絕者
先儘本所推選多余并自未帶俸官員代補若
是本所無官方許推選別所別衛無碍官員奏
行銓選敢有軍政官員妄將總小旗役并軍吏
軍余總小甲名目署掌印信此等之人營求掌
管包攬文書盜用印信把持官府繁亂名分等

項指實陳跡在內轉呈府部在外轉呈巡按御史一體究治不許縱容扶同有乖治罪体取罪不便

查究武職印信有將典當財物者革去管伍帶俸差操

成化十七年八月初六日太子少保兵部尚書余等

題爲查究印信事該整飭雲南兵備按察司副使何純奏問得犯人楊礼招係臨安府南長官司有臨安衛前所百戶余廣方紀右所百戶李昇於成化十四年月日不等各因家人缺用不合

將

欽降本印私自約當于廣當去禮銀一兩方紀當去
客人王昇銀三兩李昇當去千戶李增米三十
五石後禮爲事蒙雲南布政司問罪革役爲民
因于廣銀兩未還將前印帶原籍去訖李增伊
男李阿狗將前印收貯在家致蒙副使何 查
訪前弊行拘于廣到官審供各供認當銀情有
李昇要脫免已罪又不合捏供被衛指揮彭淳
打傷一向睡卧在家有本衛管屯指揮王嵩將
賊原掌印信暫與錢宗代官審出虛情連于廣
等通發本衛羈候外案照

朝廷

欽降諸衙門印信所以管束軍民宰制地方理辦行
事今臨右衛右等所百戶李昇于廣方紀却將
本衛印信執當銀兩用度視官物如私物李昇
又敢倚恃撒潑誣告衛所官員俱屬有違應合
問罪誠恐各處亦有此等如蒙乞

勅該衙門議行將李昇等行提到官問擬明白依律
律照例發落革去管伍帶俸差操通行天下巡
撫巡按等官將所屬衛所掌伍百戶印信通行
查究但有此等官員一体叅究問罪革去管伍
庶使法庶嚴明人知遵守具本該通政使司官
奏奉

聖旨該衙門知道事理欽此欽遵抄出送雲南道除

將所奏百戶李昇等前項違法事情本道施行
外有得要計議通行查究管伍百戶印信係隸
兵部掌行抄詞備行到部照得兩京并天下衛
所衙門每衛印一顆篆文其以指揮并都指揮
使司之印每所印一顆篆某千戶所之印各有
本等衛所之名難以借帶使用至若每所百戶
十顆篆文俱各相同其間或有遺失尋無下落
或有典當財物用過官舍襲替保結或貼黃文
冊等項一應公文因事印一般無辦皆可借貸
使用該軍衛政指揮千戶平常怠事者率多不
管弊政紛、戕此之故今雲南按察司副使何
純因事奏要通行天下巡撫巡按等官查究此

等百戶一節至為有理合准所擬仍行都御史
行副使何純即將見問李昇依擬發落以為闡
葺軍政官員之戒仍行各該巡撫巡按并按察
司官但經過衛所即拘百戶所點視查究一次
及南京兵部在京衛所從在京兵部每季出其
不意量照一兩衛點視查究似此犯人犯者照
此例施行具題奉

聖旨是欽此

一衛所額設官有缺奏請銓補巡按御史不
許徑自定奪例

一件申明補缺事成化六年九月內該兵部尚書

白等題

准行移都察院轉行各處巡按監察御史但遇衛所額設官員事故例該銓補者不許朦朧擅行定奪有碍黃選襲替之日難以查考

一外衛軍職員缺查勘銓補例

一件陳言軍政事成化七年正月內都察院左都御史李 奏該兵部左侍郎李 等題

准行移都察院轉行各該巡按御史照依諸司職掌額設員數通將指揮千百戶衛所鎮撫事故未補員缺逐一查勘明開註事故緣由并查新陞多餘帶俸官員姓名造冊奏繳以憑銓補若是

本衛并附近衛所別無多余帶俸官員本部另於京衛帶俸次撥操備數內照缺行取選用

兵部以本缺官事內開看得後軍都督府掌府印員缺推得豐城侯李旻惠安伯張偉俱相應乞

簡命一員等因奉

聖旨後府事務繁重提督營務大臣不許兼掌另推兩員來勘

兵部一本慎選用抑倖進以協人望事內開看得御馬監太監浦瓚等奏稱勇士四衛營向因設立西官廳四營把總數多合照兵部所奏事

例照數留管事其餘革退隨伍差操及查得宣
德年間勇士坐營原有三員四衛營原有二員
至於天順成化年間勇士營添設一員四衛添
設二員今要四衛營存留二員裁革二一節先
該百戶鞠玉英建言四衛營把總官額外添設
生事害人今該監又查慮恐缺人候事伏乞

聖明更化之初一應額外人員俱奉

詔裁革勇士四衛坐營官豈得獨仍前槩合行該監
將勇士營加添坐營官二員四衛營加添一員
裁革勇遠不許添設其騰驤左等衛掌印等官
查報欠明合行法司提問奉

聖旨勇士營四衛坐營官准照天順成化弘治年例

各四員已後在有妄奏添設的你部裏及該科
指名劾奏各該官員查勘欠明本當提問且饒
這遭

兵部一本乞復總兵官員思患預防以安地方
事內開看得巡撫湖廣都御史汪珊會同巡按
御史余鞠議稱要將總兵官照舊復設辰州開
府督糧戎務清浪叅將改偏橋一節為照湖廣
地方廣遠苗夷環處軍衛衆建設叅守以統領
衛所設總兵官以統領叅守若總兵得人平時
則威權重大足以壓服奸宄有驚則調度便易
足以戡定禍亂是故制變防邊之畧宜無可議

相應酌處合候

命下將總兵官照旧復役不拘候伯都督但素有謀
勇安靜老成者會官推用等因奉

聖旨是這總兵官着照旧用候伯去今後各處不許
妄議革除其餘依擬行凌相劉濂還着回話來
嘉靖十二年三月二十五日

兵部一本議處添設將官總督巡捕以地方事
奉

聖旨是近日以來近京地方盜賊生發着巡城御史
錦衣衛提督捕盜指揮及九門內外把門官員
各督所屬加意關防嚴督緝捕還添撥有馬官

軍二千員名爲勅與桂勇着不妨原務仍充叅
將提督巡捕該管官不點開若把總委官并各
城兵馬有失事的提問罰降級等項各依擬行
兵部一本乞復協同分守官員事內開爲照寧
西河西廣武營地方逼臨賀蘭山後虜境河東
興武營地方又套內虜賊侵犯腹裏從入之地
俱爲要害先年各設有司同分守官一員近日
裁革止設操守指揮分屬東西二路叅將管轄
委的相離窻遠應援不及卽該巡按官員具奏本
部行勘今總督尚書劉天和會同撫鎮等官謀
議既同相應復設再照中路叅將駐劄靈州離

邊頗遠難以防禦清武營接連興武營一帶邊
牆移駐其地亦便防守既該各官一併具題前
來合候

命下將廣武興武二營各照舊復設協同分守官一
員東園堡照舊分屬廣武營毛卜刺堡照舊分
屬興武營協同分守官管轄其餘二路邊堡各
照舊分屬東中西三路叅將其廣武興武二營
操守官革回別用本部移咨總督尚書劉天和
同會寧夏撫按官將素有謀勇堪任協同分守
官各保舉二員前來請旨

簡用奉

聖旨這設官防守事宜都依擬

嘉靖十七年十月二十一日奉

兵部一本正統領嚴戒備以求固邊園事內開
兵科抄出巡按直隸御史聞人銓題爲照總兵
統叅將統守備守備統把總等官休制名分
勅諭開載明白至有不安職分僭抗者或主將貪縱
致人輕侮或偏裨驕悍敢踰礼法合行申明建
昌營原屬燕河叅將彼時未有守備鎮守太監
實專其兵雖總兵部調遣後革太監乃設領
勅守備管理既久不肯稟受約束中間豪猾之徒數
次保復太監欲逐辦納買閑之私本部戒懲始
去繼而巡撫欲分其兵乃吶喊肆言訟者皆爲

守備權輕未易壓服設叅將則地方禍小不稱
該科建設設遊擊例該於緊鎮叅將守備挑選
三千之遇警往來策應建昌遊擊之設委與各
鎮明實不同如宣大偏關遼東及陝西四鎮俱
有遊擊而薊州獨無豈當時以各鎮虜勢重大
故設薊州虜情頗輕副總兵與遊擊之兵俱不
必設欲至謂遊擊兵止听部符徵調此則遊兵
妄言遊擊

勅諭明有听鎮巡節制之文不戢止听部符何所憑
擬且本部取掌天下軍馬重事凡有警報量度
輕重緩急設擬方畧太緊題請奉有

明旨方行該鎮施行至臨敵應變在該相機酌處亦

不敢遙度以誤軍機重事何建昌遊擊独听本部節亦合查究以警奸欺其建昌營應否復設守備听燕河營叅將鄧惟復查各邊事體增軍馬仍設遊擊其黃花鎮守備應否听密雲兵備節制密雲兵備副使應否仍在本城住劄俱合勘處至於黃花鎮建昌營戍守之設其廢弛之故與夫談處交通事宜須預先議處停當然後可以次第奉行其夜不收亦通虜寇誤事者以軍法處治原係旧規其近日寇邊諸夷及喜峯口悖逆熟夷已經礼部奉

欽依合行宜論鎮巡議處回奏其團營事務提督大臣先年多因本部尚書無管提督間或專管提

督不敢別議其點閘科道官三年滿日功罪責
罰提督各官考選將官簡練士卒等項事宜俱
與營伍旧規相同亦合申明其總兵官員缺先
該本部題奉

聖旨仍用卜雲處難別議合候

命下將本官前項建議事宜各摘取原議事理分類
開列前件逐條查明白具奏等因奉

聖旨依擬行

嘉靖十二年正月十六日

考選舉用將才例

成化八年十一月十七日太子太保兼兵部尚
書白等題為陳言時政事職方清吏司案呈

禮科抄出

廣西道掌道事江西道監察御史楊守隨等題
臣嘗聞宋臣王禹偁曰天道不言而品物亨歲
功成者何謂也四時之吏五刑之佐宣其氣矣
聖人言百姓親萬邦寧者何謂也三公論道六
卿分職張其教矣邇者偶因天時久順邊報靡
寧三公六卿百僚庶正皆有言矣臣等以言爲
職待罪有年寧敢緘默傳曰言及而不言謂之
隱然此正當言及之時矧有可言之事安敢遵
無之教以取隱言之愆哉謹擇時正之可行者
九事言之上塵

睿覽伏惟採而行焉不惟少逭臣緘言之重愆而實

欽仰

陛下所言之盛德且爲天下國家之幸也具本開坐
成化八年十月二十日各官具題次日於
奉天門奏奉

聖旨該衙門知道欽此欽遵抄出看係兵部掌印事
理開單移咨送司案呈到部今將御史楊守隨
等陳言事件逐一議擬開立前件具題成化八
年十一月十七日太子少保兼兵部尚書白
等於奉天門奏奉

聖旨往擬欽此計開

一舉將才竊惟將者國之存亡人之死生所係其
責最重要在得人昔湯武之時伊尹太公宣王

之日吉甫方叔此皆文武全才未暇悉論下至列國孫武范蠡穰苴吳起亦皆各建功業方今達賊久居河套深入腹東老師宿將充滿邊庭俱各擁兵自衛縱其搶殺無敢領兵追剿者軍士苦於久戍人民病於轉輸將之乏才莫甚於此臣等熟觀武臣之中蟬冠金寫作朝堂玉帶錦衣聯班啟陞侯伯既充其位將帥宜得其人何乃命將之際難乎其舉求戰勝攻取者百無一二且十室之邑必有忠信今天下一家四海一國豈患將才之乏哉亦由乎舉之未至用之未當耳昔穰苴起於寒微吳起拔於羈旅韓信寄食於漂母漢高用之而帝秦孔明久臥於草廬光生禮之而興蜀李靖出於

罪累之餘李勣收於降附之後韓魏公本是生
岳武穆原係民壯然皆建功立業定國家而為
歷代之名將也設若拘於資格限於品第斯數
人者安能統大衆以成大功哉合無

勅令該部行移兩京五府及各處總兵巡撫巡按等
官并浙江等都布按三司南北直隸府州等項
衙門如所屬文武官員旗舍軍民人等諳曉兵
法謀畧出衆膂力過人弓馬熟閑者即送巡撫
巡按官處考察果有可取者即便應付腳力口
糧差人伴送兵部會官比試仍

命科道官二員監試中此如不曾有官授以冠帶原
有官者從舊職俱給與應得俸糧分撥十二團營

管隊操練听二丁以備供給如殺賊有功者一
 体奏

請陞賞不中者听遣回若有武文兼全抱大將才者
 明著實跡奏保到京另行擢用其在京十二五
 軍三千等營官軍亦听兵部推舉比試務要細
 訪密察悉舉無遺若徇私妄舉及比試不中者
 听科道糾劾如此則將帥得人而邊患可殲矣
 前件查得先該本部等衙門該題太僕寺少卿
 李傑奏內一件激勸武藝收豪傑等因本部會
 官議得不必拘俱設科常制當以薦舉為先合
 無兵部行移南京在京及天下軍民大小衙門
 令於所屬官員軍民旗校舍人余丁人等內廣

訪博訪不拘歲月不限名數但有通曉兵法謀畧出衆者馬便捷捷堪為用者即便從公保舉屬軍衛者禮送該管都司屬有司禮送該管布政司俱巡撫都御史并巡按御史公同都布按三司官從官考試如無都布按三司去處從巡撫都御史并巡按御史考試其南北兩京亦令軍衛有司送南北直隸巡按御史帶管考試所考人才如果謀勇者馬可取就令各該衙門禮送兵部會同京營總兵官於帥府內考其策畧於教場內試其者馬有能答策二道馬上中四箭以上步下又中二箭者官員於本職量加署職二級旗軍舍余人等俱授以試所鎮撫民人授

以各衛試經歷俱月支米三石能答策三道馬上中二箭以上步下又中一箭以上者於本職上量加署職一級旗軍舍余人等俱授以剗帶總旗民人授以各衛署職事俱月支米二石養贍俱送京營總兵官處贍畫方畧量用把總管隊听候調度各人於調遣後果能運謀奮勇克敵建功仍听各該領軍總兵等官將各着實功跡明白具奏陞擢如果策畧弓馬俱試不中者听其回還原衛原籍各從本等職役其南北兩京天下司府衛所州縣并在山林幽隱之處官員軍民人等之中若有着實才兼文武韶畧迥出武藝殊絕抱大將才足以建立奇勲備

績而耻於自顯者亦合行移兩京文武大小官員并各處巡撫都御史并都布按三司官員務在盡心多方詢采果有其人未有無官賊明着實行實跡具本保奏行取到京另爲奏

請擢用等因具

題天順八年十月二十五日奉

聖旨是准擬欽此除欽遵外今奏前因緣由前項已行事例合再申明推舉但民間舉用與軍中舉用者事同一體候有軍之日亦援以武職俾子孫世襲庶機人皆效用合行南北二京及在外各衙門照例推舉其都指揮等官中間果有堪爲大將者合行五府六部都察院通政司大理

寺并科道等衙門官員各舉所知徑自具

奏本部另竹奏

請擢用不許詢情濫奏

申明奉用將材例

成化九年四月初叁日太子太保兼兵部尚書
白題爲陳言邊備等事職方清吏司案呈奉
本部送兵科抄出陝西平原府依親監生張倫
奏內開一件求將之道惟在

朝廷慎於遴選焉耳必於

天下武職之中自指揮僉事以上素有持廉秉公之
名驍勇好謀之材者兵科其薦舉至

大廷

命內閣大臣同兵部五府等官試其方馬如何謀畧
如何立心何如然後斷自

聖衷選為將帥既用之後又嚴其賞罰明其恩威俾
其撫恤軍士脩明邊備祛革弊如此則為將帥
者罔不致身以效忠為士卒者無不捨生以圖
義上下一心守戰一志衛邊陲如屏翰奮威武
如雷廷則虜必將聞風而遠遁矣具奏奉

聖旨該衙門知道欽此欽遵抄出送司查得先該本
部等衙門

題該太僕寺少卿李傑

奏激勸武藝以收豪傑等因本部會官議得不必

俱於設科常例當以薦舉為先合無兵部行移
南北直隸及天下軍民大小衙門各於所屬官
員軍民旗校舍人余丁人等內廣詢博訪但有
通曉兵法謀畧出衆方馬便捷堪為舉用者即
便從公侍奉屬軍衛者禮送該管都司屬有司
者禮送都該管布政司俱送巡撫都御史并巡
按監察御史公同都布按三司從公試考如無
都布按三司送去巡撫都御史并巡按監察御
史其南北兩京亦令軍衛有此送南北直隸巡
按監察御史考試所考人材如果謀畧方馬可
取就令各該衙門禮送兵部同營總兵官於帥
府內考其畧於教場內試其方馬有能答策

二道馬上中四箭以上步下中二箭以上者官員於本職量加署職二級旗軍舍人等俱授以試所鎮撫民人授以各衛試經歷俱支月糧三十石能答策二道馬上射二箭以上步下中一箭以上者官員於本職一級旗軍舍人等俱援別帶總旗民授以各衙門知事^月支糧二石養贍俱送京營總兵官處贊畫方畧量用把總管隊听候調遣後果有謀畧奮勇克敵建功仍听各該總兵等官處查勘各人實跡明白具

奏陞擢其南北兩京

天下司府衛所州縣并所在山林幽隱之處官員軍民人等之中多有將才兼文武韜畧出衆武藝

殊絕絕大將才足以建立奇偉續而恥於自顯者亦合行移兩京文武大小官員并各處巡撫都御史并都布按三司官員務要盡心多方詢訪果有其人不分有無官職明着實跡具本保奏行取到京另為奏

請擢用等因奏

題天順八年十月二十五日奉

聖旨是往擬欽此欽遵外該江西道監察御史楊守隨等

奏要行移兩京五府及各處巡撫巡按等官處并浙江等都布按三司南北直隸府衛等項衙門如有所屬文武官員旗舍軍民人等諳曉兵法謀畧

出衆奮過人方馬熟慣者即送撫巡巡按官處
考察有可取者即便應付脚力口糧差人伴送
兵部會官比試分撥十二團營管隊操練听候
調遣其西北一帶邊境并口外地方推舉者亦
照京例各留操備听調殺賊有功者亦
請陞用不中者听令遣回果有文武兼全抱將大材
者明着實跡奏保到京另行擢用其在

京十二五軍三千等營軍官亦听兵部推舉比
試等因本部查有前項事例合再申明推舉但
民間舉用與軍中舉者事同一體有軍功又曰
亦授以武職俾子孫世襲庶幾人肯效用合行
南京北京及在外各衙門照例推舉其都指揮

等官中間果有堪爲大將者合行伍府六部都
察院通政司大理寺并六科十三道等衙門官
各舉所知徑自具

奏本部另行奏

請舉用不許徇情濫舉具奏成化八年十一月十七

日奉

聖旨准擬欽此欽遵又經通行去後今該前因案呈
到部叅照所

奏除其嚴賞罰明其

恩威撫恤軍士脩邊備祛革宿候

命將之日另行定奪所據薦奉將材已有前項節次

議

奏事理但行之已久止有陝西巡撫等官馬文昇
薦舉餘丁馬信本議

奏陞試所鎮撫戰事其餘各該衙門寂然不聞有
所薦舉且十室之邑必有忠信天下之大豈無
其人蓋是各官視之泛常不肯為

國尽心詢訪合申明通行南北直隸及內各衙門
照依前項節次議

奏事理明薦舉務要在多方詢訪急用得人緣係
舉用將材及奉

欽依衙門知道事理未敢擅便具題奉
聖旨是欽此

大臣并科道官及通行舉用將材例

成化九年八月初七日兵部題為舉用將材事
臣等切惟將者國之輔輔周則國強自古帝王
莫不以選將為重切照見在武職大臣之中多
係襲蔭之人其中堪以統兵馭衆者少一有調
用未免乏人况即目邊方多事之秋緊關用人
際若不先事而求恐致臨期誤事臣等已曾三
次議奏行移南北二京文武衙門并各處巡撫
巡按等官及浙江等都布按三司南北直隸府
州衛等衙門於屬官員軍民舍余人等內廣詢
博訪但有通曉兵法謀畧出衆方馬便捷堪為
舉用者照例選送赴部會同總兵官考試量加
署職若有著實才兼文武韜畧一出武藝絕倫

堪為大將者其實奏保以札行取到京奏

請擢用其都指揮等官中間果有堪為大將者一體
奏保陞用行之已久各該衙門不聞有所薦舉
天下之大豈無其人臣叨掌兵部不能為國薦
賢豈不負

朝廷之托若徒行推舉恐有虛應故事合無會同
五府六部都察院通政司大理寺并六科十三
道官員從公推舉堪為大將及堪為偏將者俱
各奏

請定奪及通行南北二京并在外各衙門仍照鄧次
諫奏事理各舉所知在尽心為國不許徇私蔽
賢奉

聖旨是欽此

禁約患病閑住武職官員復要管事

成化十七年六月十七日兵部尚書陳 等

題為置托故官員事濟州衛署都指揮僉事薛瑛
奏稱前病既痊年力尚壯况食

君之祿當據忠効勞豈敢偷安廢職如蒙伏望

聖恩憐憫乞

勅該部查照遼東寧夏等處取回叅將等官魯廣等
牛勝等送營操事例將臣仍送原營操備以圖
補報具本該通政司官奏奉

聖旨兵部知道欽此欽遵抄出送司案查先該守備

倒馬関署都指揮僉事薛瑛奏稱得病前疾乞
要取調治行該巡按監察御史蔣昂

奏該直隸真定守禦千戶所倒馬関中千戶所申
及親詣看驗得薛瑛委於前項年月被教場小
門碍木棍落伊右腿脚腕骨打折已成頑痼痼
疾十分難為不堪守備合令行衛照例閑住另
選廉靖老練之人前去本関更替守備等因回
奏本部已經具

題取回續該薛瑛奏稱傷患平復乞要收發原營
操備補報行據順天府經歷司手本回報前來
本部為照來文據醫李保結本官前疾平復但
查有巡按御史勘奏已成痼疾事理所結顯有

復捏情弊又經立案今薛瑛又奏前因查得分
守陝西花馬池地方叅將牛勝分守遼東錦衣
衛地方叅將魯廣俱因患病替回不曾勘有痼
疾案呈到部叅照薛瑛自陳病痊乞要送營收
操無非希求進用之意但臣等訪得近年以來
各邊各關及沿海地方將官中間有等奸詐之
輩平居之時不以練習韜畧保固疆圉為心專
一尋稱事端剝削軍士為務一遇地方有警惶
惶無措輒便托稱患病營幹回京將所帶財物
或置買莊田而崇飭妻妾之奉或起蓋房屋房
屋而耽溺聲妓之樂馳騁炫無所不為及聞邊
方寧妥又靜思動却又捏稱前病平復寅緣送

管差操假以效勞補報之實為營求改任之漸
相成風莫察其非若薛瑛者既以稱回還輒又
乞

恩求進相期在被或貪無厭恐事竣有累即為脫之
既欲面再在任之榮以今日不次陳乞則前此
情弊可見况本官先該巡按御史蔣昂親詣看
驗已成痼疾却乃不顧廉恥又引于勝魯廣為
此若不防微杜漸懲一戒百非惟墮其奸計遂
伊貪謀尤恐各邊大小將官見被復又得志爭
相効尤不無欺罔成風忠良解體將來邊方緊
急之際欲求竭忠伏節之臣不可得矣參照先
該鎮守陝西署右都督白玉楊州寺處倫倭都

督僉事董宸各因患病回京不允

奏要朝叅該本部叅稱白玉董宸先前奉

命各守一方不能勝任推稱患病及至取回未久意
面別用輒稱前病痊疴徑出

朝叅全無顧忌有乖大體欲將各官拏送法司問
罪革去見任令其閑住將應襲兒男照例襲替
等因具題節該奉

聖旨白玉董宸既稱患病替回都着閑住欽此欽遵
外今薛瑛進退情狀正與白玉董宸相同而考
其素行薛瑛尤為奔競無耻合無將本官并原
先扶捏醫者吳振署醫季事陰陽正術朱銘拏
送都察院問罪完日照依處置白玉董宸體例

令其於本衙閑住仍乞著以為例近將來令并
後各處副叅守備等項將官如有奏稱患病取
回調治者本部行令該衙門行訪看如果以成
痼病是實伊男未曾替戕者取具官吏保結明
白量給伴俸養贍以酌平昔之勞若是先已托
病乞歸不久又稱痊疴與夫濫膺邊閫之寄累
常誤事替回者即係貪庸之徒一体照例閑住
如此則公道昭彰人心痛快庶使懷奸避難者
知所戒而尽忠為

國者有所勸具題次日奉

聖旨是欽此

者住俸

一推舉將材開寫主率職名不行舉到

一件推舉各用將材事成化二十二年十一月

內該兵部侍郎何等題

准會同五府六部都察院大理寺通政司掌科道官員人各推舉一人或二人就開才能職任及堪為主將偏將于其下中間或有一人而重被薦舉者以雷同拘泥舉畢通行開列長名奏

請定奪本部仍行南京府部等衙門堂上官并掌科掌道官及在外巡撫巡按布按三司官員從公各舉所知一二員如前開報本部遇有員缺一体擬奏上

請量才定奪如各該官員在任聞

令半年之上不行舉到者本部查奏住俸一月

革見任軍職五年以上改過自新者奏許

復任

成化二十三年十月 日為開讀事節該欽奉

詔書內一款軍職緣事革去見任五年以上有就改過自新者在內從該部在外從巡撫巡按官訪察得實具奏許復見任

禁革軍官請拖權要乞陞官職及為請之

人

一件杜倖門以新

聖政事弘治元年七月內兵部郎中陸容奏該太子

大保兵部尚書余等題

准今後武職官員凡襲替等項敢有請託內外權要之人乞陞官職者先將乞

陞之人不問職之大小叅送法司問罪本部查照今定禁例或照奸詐犯罪在逃革去職事為民軍職另取應襲之人承襲或照冒報功次減降三級發落未令帶俸差操不許管軍管事其權要內外官員專擅出名乞請等項仍听科道官指實劾奉

勅令法司即將鞫問其實請自

上裁

軍職行求請託希圖陞職不分曾否陞用革
前革後俱革去見任

弘治二年十一月 日為刁豪毀騙銀兩事該

巡按陝^西監察御史陳瑄奏都院左都御史署

等題

往通行內外問刑衙門今後軍職有行求請託希圖
陞職者事發之日不分曾否陞用及革前革後
問罪畢日俱革去見任帶俸操不許管軍管事

兵部一本應 制陳言脩省以回

天意事內開有得太孝士楊一清條陳事宜開立前
前件上請等因奉

聖旨是各處克軍人犯但因過誤連累非干律例正
條不碍行止者撫按官查勘來_歷明白具奏定
奪大小將官俱防邊禦虜之任布按二司各照
舊規以札相遇不許似前任情摧抑奉用將材
節有明旨各該衙門官員推避不奉便行兩京
三品以上及科道官及在外巡撫巡按等官各
要用心詢訪堪任將領之人不拘已用未用帶
俸見任從公舉保你部裏斟酌奏請用他不許
徇情濫舉驕驤四衛勇士准令替補軍士缺少
還照例量選收充

兵部一本缺官事內開簿查成化以前五府掌印及兩廣等處掛印總兵官俱於公侯伯都督等官兼推用近歲輔用侯伯進賢之路似乎未廣今侯伯及空閒合無今後遇五府掌印及兩廣湖廣等處總兵官有缺照先旧規於侯伯都督內推才是舉五府掌印除提督團營大臣不推外其餘稍閒營分亦許推用庶委任得人等因奉

聖旨提督團營將官不許兼掌後府已有旨了其餘提督并坐營官內有相應的照前旨推兩員來着今後五府掌印并兩廣湖廣等處總管若都

督內有才望素著衆所推府的與相應侯伯一體推用

兵部一本乞用元老以振

國威以消邊患事奉

聖旨是近年以來攘奸亂政邊方推用將官多非奉公舉公罪名不賞罰不當以致偏徇廢弛軍威不振李鉞承積弊之後漸次經畫今已有功着展布心力益竭忠勤內脩外攘以副朝廷委任之惠意楊一清先已有旨起用待有缺用他

兵部一本禁誑黷絕奔競以清兵政事奉

聖旨這所奏禁誑賺絕奔競事情且見卿等奉公守法至意今後在京在外衙門一應養病緣事被劾革退閑住等項人員但有潛住京城內外黃緣請託通同作弊指稱打點事有頭跡的着緝事衙門及巡城御史從公緝訪拿送司追問明白來說各邊及漕運軍士糧賞草料轉賣等項銀兩都一體訪察禁革奸弊還各依擬通行出榜曉諭禁約

兵部一本乞禁濫舉將事奉

聖旨是今後各該撫按官保舉將材務要訪察的確你部裏亦要酌量推用省祭官吏監生人等有

假以建言奏保的着法司提了問

兵部左侍郎張聰一本杜奔競以慎簡邊將事
奉

聖旨邊將黃緣陞果有比弊正係本兵之責今後各
邊將領有缺兵部務要從公推舉毋徇情託故
貽將帥之譏在京師者緝事衙門在外着撫按
官嚴加訪察若有差人私至京師交通奔競希
圖陞用似先年神勛造等的即便糾舉拏問重
治不饒中間果有才名出衆屈在下寮的听撫
按及科道官詢訪舉薦你部裏斟酌推用該衙
門知道

兵部一本傳奉事奉

聖旨是各邊將領往往圖利害人黃緣干進京師有
等豪猾之徒又專與交通調託汙玷大臣你部
裏便行與撫按官着嚴加訪察指實劾奏東廠
錦衣衛多方查訪有犯^冒的拿送法司追問將官
調雲貴兩廣地方安打点的發邊衛克軍

[G e n e r a l I n
f o r m a t i o n]

书名 = 中国明朝档案总汇
8 6

丛书名 =

作者 = 中国第一历史档案
馆，辽宁省档案馆编

出版社 =

出版日期 = 2 0 0 1 . 0
6

形态项 = 3 9 7

页数 = 3 9 7

原书定价 = 5 8 0 0 0
. 0 0

读秀号 = 0 0 0 0 0 7 4
5 4 5 6 6

SS号 = 1 2 2 2 5 4 2
8

ISBN = 7 - 5 6 3
3 - 3 1 7 6 - X /
K 2 4 8 . 0 6 3

分类号 = 1 1 0 3 0 4 0
4 0 8 & s w = D 6 D 0
B 9 0 X 1 . 9 0 F 9 0
0 P - 9 8 5 3 7 B 3 -
0 X 1 . 6 F E 8 8 0 P
- 1 3 5 F B 5 B 5 B 0
B 8 D 7 D C B B 2 . 6
3 6 8 5 1 E - 3 0 8 3
+ 8 6

主题词 =

参考文献格式 = 中国第一

历史档案馆，辽宁省档案馆编．中国明朝档案总汇
8 6 ．南宁市：广西师范大学出版社，2 0 0 1 ． 0 6 ．

简介 = 全国古籍整理出版规划领导小组资助出版：
《武职选簿》是记载明代京内外各卫所职官袭替补选情况的登记簿，本册收“五军都督府所属卫所．后军都督府．万全都司．开平卫”等。

封面
书名
目录
正文